

18412 (ус-Ками)  
У51

Олег УЛЯШЕВ

# ОРД ОРДЫМ





Олег УЛЯШЕВ

# ОРД ОРДЫМ

*Висьтъяс  
Ворсанторъяс  
Кывбуръяс*



Сыктывкар  
Коми небӧг лэдзанін  
2006

ББК 84(2Рос=Ком)  
У51

Серпасалис *Ю.Н.Лисовский*

**Уляшев О.И.**

У51 Орд ордым: Висьтъяс, ворсанторъяс, кывбуръяс.—  
Сыктывкар: Коми небӧг лэдзанін, 2006.— 160 л.б.

ISBN 5—7555—0861—5

Олег Уляшевлӧн «Орд ордым» небӧгӧ пыртӧма 1990—  
2005 воясӧ гижӧм висьтъяс, пьесаяс, кывбуръяс. Гижӧдьяс-  
сьыс позьӧ аддзыны и ылӧ кольӧм кадсӧ, и талунья олӧмсӧ,  
збыльторсӧ и йӧз пӧвстын мойдчӧм-висьтасьӧмсӧ.

Лӧсьыд да мича кывйӧн гижӧм висьтъяс, пьесаяс, кыв-  
буръяс, дерт жӧ, воасны сьӧлӧм вылас лыддьысьысьяслы.

ББК 84(2Рос=Ком)

ISBN 5—7555—0861—5

© Уляшев О.И., 2006

© Лисовский Ю.Н., оформление, 2006

© Коми книжное издательство, 2006

## **Лыддысьысьлы кыв-мөд сідз-тадз**

Чойой-вокой, дона ёртой, төдса, аддзывтөм на мортый, тэ эн дивит сёрни-басни, ассыд олөм-вылөм казътыв. Он өд төдлы олан-вылан, асьтө бурөн-шаньон кылан, сэсся видзөдлан да: гуын, шог пьдөсын, сир би юын.

Тані абу менам мойдъяс. Синва, серам — олөм войтъяс. Кыдзи артмис, сідз и шуи. Кыв-мөд аслам, мыйкө-й гуи. Лыдды, ачид асьтө аддзан, он кө аддзы, бокад шлачкан: адөй-адөй, менам ёртой, вөліс тадзи тэкөд коркө. Сэсся, гашкө-й, зумыштчылан, лөк кө мыйкө месянь кылан. Но мый вөлі, сійө вөлі, а мый лоас, төдө төлыс, вежа Енэж, джуджыд Чугра, код сайын тай олө югра. А ми тані лөня олам: такөд олам, мөдлы колам... Көка вой ли, лун ли, асьным сылам-йөктам, гудөкасям. Лунын мырсям, войын узям. Матьон кырсям, мойдам кузя. Гажа дырйи гажөдчылам, шог кө лоө — жугыльтчылам.

Сідз нин артмө, мый ся вөчан? Вундөй сюсө, ме мый көдза...

## **Лыддысьысьлы гижыссянь кыв-мөд зэв збыльысь**

Гижи висьтъясөс, пьесаясөс, кывбуръясөс, гижи, да и юрө воис: не жө век пызан йөрын видзны, бус падъянас. Колө йөзөдны, мед мукөдлөн джаджъясысь тшөтш буссө чукөртиштасны. Муні өтилаө, муні мөдлаө. Вежөра синма, кык чунь кыза өчкиа войтыр (корсюрө и ыджыд тошкаось на) кымыныськө и юавлісны: мыйла пө гижин? Кутшөм ногон да кутшөм могон? А мый татчө шуан? Мог менам абу, ни ног абу. Кыдз кужи, сідз и ныри. Окота лои, синва петмөн окота, шыон окота, сьөлөм потмөн окота. Меным өд висьталөны уна, вот и ачим висьтасьышти, мед пытшкын не кутны. Мый артмис, сэсся асьныд лыддьөй, да эн жө ёна дивитөй. Дерт, эськө, кызвыныс петавліс нин өти да мөд журнал-газетын. Пьесаясөс пуктывлісны фольклор театрын. Но татчө шуи чукөртны өтилаө, өтгудырө. Көть эськө и торъялөны найө ёна өта-мөдсьыс: ыджданас и гижанногнас, каднас и геройслөн өбичаөн. Да мед көть неуна лададжык лоис, юки гижөдъясөс некымын чукөрө.


Шыөдчи тэ дорө, муса лыддысьысь, гудрасигмоз, но абу шмонитана менам восьтысьөмөй. Сэні олөмас моз ставыс паныдасьлө:

шогыс и гажыс, бурыс и лёкыс, серамыс и синваыс. Кызвынсö öд олöмысь босьтöма. А олöмным миян быдсяма. Коркö шылыыда шлывган, быттö йи вывтi кыза утыялöм гын сапöгөн. Сöмын на бурас велалан, ныртö лэптан, видзöдан да: крукасьöмыд-сангысьöмыд, бур, он кө бырöдö ли йöрданö веськав. Оз öд ставыс йи вылад шливкъявны петавлыны. Кодкö — вала, кодкö песласьны, кодкö и чери кыйны. Юкмöсыд тай ставыслы ковмылö. Кöсьян, васö ырскöмөн ю, кöсьян, шполькöдчы сэн бурпöt. Мый лолыдлы колö, сийöс и вöч. Ме тай сiдз-а.

Корсюрö менсьым юавлöны: ставсö пö öмöй юрсьыд босьтан? Юрсьыд ми нинöм босьтны ог вермöй. Нинöм сэн торъяыс абу, вемторйысь öприч. Кодлөн юрыс ыджыдджык, кодлөн дзольджык, но миян юрö йöрмö сöмын аддзывлöмыс да кывлöмыс, вөр-ва вежласьöм да вöвлöмторъяс. Дерт, и йöзкост висетьяс кольöны кутшöмкö пельöсö. Важсö да выльсö öд мыйтта йöзыс висьтавлöны? И быдөн ас ногыс, ас лов сертиыс, ас таланөн, ас олöм вылö мыджсьöмөн. Бузгö олöмным косьтыяс вывтi, шлывгö вомынъясöд, сувтыштлö йирöгобльöгö, мед кольöмсö казтыштны да водзö туйвизь бöрйыны. А ми видзöдам, кывзам. Тайö ю визувсö аддзöм-кывлöмсö ме сöмын и шыльöдышти. Лов серти.

# Нэмөвөйся вөтъяс

---



## ЕНКОЛЯС ЙЫЛЫСЬ ПОЭМА

Кор ичот на вөлі да гөгөрволи на төвлысь сьылөмсө, ёльяслысь варгөмсө, пуяслысь шөпкөдчөмсө, кывлі ме изъяслысь сёрни. Гусьон сёрнитоны найо, лөня колө кывзыны, но уна висътавны вермасны ройсялөм изъяс. Гашкө, и вуніс нин мыйсюрө, гашкө и, ылөдышта көнкө, но ог нин вермы выльысь юасьны пöрысь изъяслысь, оз нин висътавны меным öтчыд висътавлөмсө. Да и пельтөммө мортыд быдмөм мысьт. Төвлөн да ёльяслөн, пуяслөн да изъяслөн сьылөм-мургөмыс, сёрнибасниыс оз нин сетчыны арлыдалы. Ковмас меным эскыны, менсьым гөна кывъя висъталөмөс кывзыны, гашкө, и верма мыйсюрө казътыштны, мыйсюрө висътыштны. Кыткө чинтышта, кыткө содтышта, но мый вөлөма — вөлөма, мый шуөма — шуөма, мый кольөма — волас на, сөмын петкөдчас мөд ногөн, оз нин сэтшөмөн, мед öтитор дорас эг велавны удитöй.

Сьöкыд овны, нинөм кө оз вежлась. А ми век тэрмасьям кытчөкө, вежсьөмсө ог казялöй. Быттьö оз и вежсьы нинөм, сөмын асьным пöрысьмам. Но изъяс оз тэрмасьны. Зітшвидзöны öти местаын да ставсö казялөны. Со турун сі шонділань бергөдчис. Турун сі вылө геб пуксис. Бордъясас дзoляник öшкамөшкаяс ворсöны. Кодзув синсö куньліс. Му ышловзис. Морт ю весьтö копыртчис, содзнас ловъя васö гумөвтис. Чöскыд ваыс. Джуджыд. Вынъяс содтö. Олөмнас шензьыны чуксалö. Кад и мянлы ловъя васö, вежа васö сөстөм соддзөн гумовтлыны.

Аттö мича жö ныв Велянь. Зарни юрсиас шонді ворсөдчö. Пөлöзнича синъясас енэж видзөдчö. Морөсьяс — зумыд вый тупыльяс. Коскыс — ва дор бадь кодь нюдз. Кокъяс вылас видзөдлан — вирыд пузьö, сьөлөмыд вомөдыд чеччыштö. Ветлө Велянь, быттьö чөж кывтö. Луд вывті кө мунö — турун сі оз вөрзъы, көдж вывті кө мунö — лыа чир оз вешйы. Купайтчыны пырас — визулыс лөнью, бадьяс кышакывны дугдöны. Шöвк туг кодь, шобді нянь кодь, кодар боксянь он видзөдлы, не-кытчö пысасьны он вермы. Уна мича ныв эськө эм, вель уналөн яй пырыс лыыс, лы пырыс вемыс тыдалö, да Велянькөд орччөн ставныс — тамыш да чукля. Яй бердас няйт оз сибды, да и лолыс вöрса ключ кодь. Оз öти зонлөн сы понда сьөлөмыс

косьмы, оз өти зон вөрө мунігөн сёян нопсө гортас вунөд. Но абу на кадыс воөма. Мед на озыйс кисьмыштас, мед на дзоридзыс гөрддзасяс. Батьыс шуө: дас төб пө на эг печкөдлөй, дөра пом на эг кыөдлөй. Мамыс шуө: эз на пө ныв вөлясө морөс тырнас лолыштлы, эз на асья кыасө пьдөсөдзыс юлы.

Велянь мичлун йылысь юөрыс Изьва кузя мунө Вой Саридзөдз, Эжва кузя Еджыд Саридзөдз. Юөр воис и Кыска пельөдз, йиджис Кыска мускөдз. Кыскалөн пельпомсянь пельпомөдз сывйөн-джинйөн. Кыскалөн морөсыс пелькиник пывсян кодь. Дуригөн том йөз морөсас зорйыштасны — вежон брунгөмсө йөла новлөдлө. Ошлы кө зутшкас кукань юр кодь кабырнас, ош ку пивысь лысьөмыс гиль-голь киссяс. Но эз выннас босьт Кыска да эз мичлуннас, көть жебөн ни мисьтөмөн кыв некодлөн оз бергөдчы шуны, а босьтис Кыска бур вежөрмывкыднас. Звер-пөткакыд стенас кайө, пыж-нортъяс чача кодьөсь, керкакыс өшиньяснас ворсөдчө. Уна на төдіс да кужис Кыска. Вөралысьөс ош тапкөдас — бурдөдны Кыскаөс корөны. Месаньлөн мөс вошөма — Кыска дорө локтөны. Шыбитас Кыска шегъяс, видзөдлас ваө да и висьталас, кытысь серөд-сюруксө корсьны. Варыш моз лэбавны кужис, сир моз уявны, ошкөн шлапъявны. Тун орд вөлі, эз сирөд мыр мяян кодь. Но төдмаліс Кыска Велянь йылысь, и кыис өшйислётмуніс. Эндіс керка гөгөрыс, зэр ваөн тырис пыжыс, чөс туйыс нитшсяліс. Ветлөдлө Кыска керка гөгөрыс, оз төд, лэбачөн-ө лэбзыны, чериён-ө уйны Велянь дорө. Да оз позь тунлы юрсө воштыны. Тунъясыд нывъяслысь юрсө бергөдлөмаөсь тшыналөмөн да чорыд кылөн. Но оз вермы сідзсө Кыска, мырдөн да ылөдлөмөн. Кыпөдчывлас енэжө варышөн, уськөдчас юө сирөн, петас берегө ошкөн да пуяс пөрлөдлө. Оз вермы муслунсө Кыска таявны, оз вермы вөтлыны. Босьтө киас сигудөк да нор сьыланкыв сьылө. Чуймалөны йөз, чуймалө парма, чуймалө и Печера-инь: абу-ө йөймөма том молодечыс, абу-ө пөрысь пөляясылөн төдөмыс юр вежөрсө гудыртөма?

Эжва кузя Степан катө. Емдісянь Эжва йылө выль енмөс катөдө. Степанлөн паськөмыс рытья шонді кодь гөрд, Степанлөн тошкыс лым кодь еджыд. Киас Степанлөн зарни перна шондісө нерө. Степанлөн йөзыс уна, Степанлөн пыжыс ыджыд, Степанлөн кывйыс лытөм: кырсьсө-висьталө асьыс, бур йөзлысь ловъяссө дзугйөн дзугө, тывйөн тывъялө. Енмыс сьлөн асныра, енмыс сьлөн чорыд сьөлөма: коді сылы оз эскы, ад гуанө веськалө. А Степанлөн йөзыс Сус Кростослы отсалө шыён да биён, ньөвйөн да пернаён, вежа ваөн да шыпуртөн. Оз ков Кыдзлы юрбитны пө, колө Суслы. Коді Кыдзлы юрбитө — мутияслы лов сетө. Тадз и катө Степан, тадз и кыпөдчө:

кыті нюлыштөмөн, кыті курччыштөмөн. Майбыр, кывыйс небыд! Майбыр, пиньыс лэчыд! Кыкнансө кеслөма.

Степан Эжва кузя катө. Көджд вылын ныв пукалө. Ныв пукалө, сьыланкыв сьылө. Оз, оз сьыланкыв сьыв, колипкай моз дзользьө. Колипкай моз дзользьө, сөстөм ёль моз сёльгө. Сөстөм ёль моз сёльгө, шондіа зэр моз сяргө. Степан нылөс аддзис, кыв-ворсө воштис. Пелысасьысыяс садьтөг усисны. Ныралысьлөн вом каличыс чеччыштис. Бөжалысьлөн пелысыс кылаліс. Пыжныс ю шөрө сувтис. Паляліс Степан, куим пернапас чөвтис: «Кымын муөд-ваөд ветлі, татшөм мичсө эг аддзывлы. Гашкө, тайө и эм Богородичаыс да, ен чужтысьыс?» Нылыд сылы вочавидзө: «Абу ен чужтысь ме, весиг мортөс на эг чужтывлы, нэмыс Веляньөн менө шулісны, а вомтө кө дырджык паськөдланныд, пыжтө Эжва вомөдзыс кылөдас, важ йөз дорө, мөд муө нуас». Степанлөн паськөмыс руч ку рөма, наяныс асьыс водз чужлөма: «Тайөс кө Сус вераө пырта, йөзыс бөрсяньыс ойдөм ю моз ылькнитас, Сус Крестос борд улө пырас». Кывсө Степан маөн небзьөдіс, вом каличсө вичко винаөн. Сёрни-басни восьтис, Сус Крестос йылысь висьталө, сылөн йөзөс жалитөм йылысь, сылөн велөдөм йылысь да ыджыд шог пыкөм йылысь.

Варов локтөм морт, кывнас быттьө вый бордйөн көвдум нывлысь сьөлөмсө мавтө, көбрегысь кывьяссө сывдыны оз ков. Кывзис-кывзис Велянь да и кывйө шедіс. Том нывлөн өд юрсиыс кузь, а мывкыдыс дженьыд кок йылысь ветлө. Кад колис, Велянь ачыс нин йөзөс велөдө, куима ен йылысь висьталө, кутшөм сійө бур да небыд сьөлөма, кутшөм шемөсьяс вөчлөма, кызд йөзөс пезсьыс мездөма. Локтө сійөс кывзыны йөзыс, чуймалө.

Кывсис Кыскалы, торксьөма пө Веляньыс, ай-мамыслысь енъяссө вунөдөма, выль енмөн ышмөма, олан туй вылысь кежөма мөдар югыдө нуөдысь туй вылө. Шыбитис Кыска сигудөксө, путкыльтис пыжысь васө. Сөліс Кыска пыжас: эз куим төлысьөн, эз куим вежонөн, эз куим лунөн, а куим часөн Печерасянь Эжва вылө воис. Мукөд, эськө, чөрвөньсө көртавны эз удит, а Кыска Велянь водзын нин сулалө, курыд кывьясөн шыбласьө: «Радейта, эськө, тэнө, Велянь, олөмысь ёнджыка, но эз радейтчөмыс туйө петкөд. Көсий, эськө, тэ вылө көть сүн чөвтлыны, да эз көсийөмыс пыжө пуксьөд. Жөник кө ме тэнад вөлі, шог эг төд, слуга кө тэнад вөлі, эг майшась. Но кывлі, мый сира сапөгөн крапьялысь юр вежөртө бергөдөма. Талялөмыд тэ рөдвуж, ай-мамыдлысь гуяссө, кисьтөмыд тэ налысь горсө, а өні йөз горйө изъяс ваялан, йөз пач под вартан». Вочакыв сетө нылыд Кыскалы, зарни юрсисө вевттьө сьөд отөн: «Менам керкаөй — джуджыд енкола. Господь-

мезёсöй — менам öти бaть. Богородичa — менам öти мам. Абу Велянь ме, а раба божия Улияна. Эз вежөрöс гудырт Степан-бaтюшко, ассъыс югöрсö меным вичмöдiс».

Шуö жугыля Кыска нылыдлы: «Степан Крапыдлөн сапöгыс дзуртö, Степан Крапыдлөн паськöм йöйлөн кодь. Степан Крапыдлөн перна дзирдалö, рака-катшалысь синсö ёралö. Мыйкö вежөр кö колис, ныланöй, он кö кöсьы тэ ловтö тшыкöдны, мунам вывланьö, катaм Степанысь, сьöла-колиплы сьыкöд не сьывны».

«Степан йылысь тэ лёка сёрнитан, сöмын ас вылад тай он видзöдлы: нимыд шышлөн кодь, кийд сьöd гöна, вылад шабур шой, ачюд роталь кодь. Мыйөн кöсьян тэ менö пöръявны? Кыдзи кöсьян тэ менö видзнысö?»

«Кийö гöна кö, сiдзкö, шуда морт. Паськöм киссьöма абу гöль понда. Вöрса звер-пöтка ставыс ме кийн, менам лэчьясын, менам чöсьясын. Ошкöд бертласян менам паськöмöй, йöра суöдан менам чаркийö, чери тывъялан менам дөрöмöй».

Улияна, раба божия, оз кöсьы Веляньөн лоны. Но оз позы нылöс татчö кольны Суслөн сам пыдди, вильыд туй вылö. Унаöс мичлуннас выль ен дорö кыскас, унаөн ловья енъяссö пöвийö гижöм вылö вежасны, вичко винаөн тагья сур вунöдасны, сись кодь вөр-пусö енкола вылö изведитасны. Чöвтис Кыска синсö енкола вылö, öзийс енкола, трачкö-ыпъялö, тöдтöм енъяслөн горзöм-ойзöмыс Эжва ю кузя разалö. Тшапкис Кыска нылöс коскöдыс, пуксьöдiс пыжас да öзынысь йötкыштчис. Ю шөрö петiсны. Улияна Сус Крiстослы горзö-юрбитö: «Мезды, енмö да мезöсö, лёк тунысь, сьлөн кыса киясысь! Гöна киясас Антус гыжъяс, сук юрси пиысь сюръяс мыччасьöны!» Оз лок отсöг вылö енмыс, оз отсав раба божия Улияналы. Уна му вылас лёкыс вöчсьö, быдлаö он удит. А, гашкö, и оз кöсьы ылöдчысь нывлы отсавны: кутшöм нö Кыскаыс Антус? Кияс гыжйыс тшötшyd, юрас сюръяс оз тыдавны. Гашкö и, грека аслас ен водзын, да абу Сус Крiстослөн казак. Отсöг Улияналы абу, отсöг абу ни мездысь оз лок. Микул-угодник выль угоддьöяс видзöдалö, выль туй вылö сиасьö, Петыр Павел апостол йөрш вугралö, Ёгорей гож водзысь дзодзув кыялö, Габрилö да Микайлö чипсан-пöлянөн тутсöны: кодi гораджыка тутöстас, сылы румка вина. Оз тöд тайöс раба божия Улияна, эскö выль енлы, лөг сьлөн петö грека важ енъяс вылö. Полö Улияна грекö вöйöмысь.

Зiбъясьö Кыска, Эжва паныд катö. Пыжыс сир моз чилгысьö, нель весът сода гыас поткöдö, öтар-мöдарö швачкö-шыбитö, быттö ыджыд гөр небыд му муркöдö. Сьылö Кыска, долыд сылы: мыш саяс енкола сотчö, пыжас дона тулан пукалö. Ок, эськö, водзö кö видзöдлыны вермин, олан туй вы-

лад синтö чөвтлыны. Да туныд тай йöз олөмсö тöдö, ассьыс оз артышт. Гудыртчис эськö Кыскалөн сьөлөмыс, эз сьывсьы сэки. Он öд виччысьны вермы, шогыд суас да, ваон он посйысь ни бион он вөтлы. Чими моз пескыльтчис Улияна, мезöссö казьтыштис да гы пиö вохис. Ок-ок-ок, ныланöй, Сус Кростосöс казьтывлан, а важ ен дорö жö мунин, ва пьдöсö да ва югыдö, васа Кулльöс мичлуннад гажöдны, войся кывтысьöс шемöс уськөдны, төлысь югөрлы сьывны-норасьны.

Кыдзи гортас воис Кыска, оз тöд. Тöлыс-ö нөбөдис, Эжва-ыс-ö визувсö мөдарö бергөдлс, пыжсö Печера йывлань вөр пырыс йөткис. Воис Кыска гортас, а олөмыс Велянькөд ва пьдöсö вöйи. Петас Кыска пес поткөдлыны, черыс кисьыс усьö. Пуксяс азя шьд панявны, паньнас бекарас оз веськав. Куш вуджөрыс коли. Көн и воддза молодечыс? Көн и паськыд пель-помыс да пывсян пасьта морөсыс? Көн и öзьян синмыс да зумыд воськолыс?

Степан кывлөма Улияна йылысь, шогсьö жö: этатшөм ьжös аслам ьж чукарысь вошти. Тшөктис Степан раба божия Улияна ним кузя вичко лэптыны, вичко гөгөр ен кар, мед сэн манакьяс олсны, Улияналысь мыжъяссö вештисны, Улияналысь эскыны велөдчисны. Ачыс Степан ьджьыд вынөн, ьджьыд пыжөн катис Эжва паныд, вуджис Печера вылө, мед злөдей-тунös бырөдны, пежгагös моз лямөдны, ьджьыд Кыдз моз пөрөдны ен нимөн, ен отсөгөн. Мед нималис му вылын öти ним, Сус Кростослөн, мед мукөдыс сылы юрбитисны, сылы копрасисны.

Кывтö Печера кузя Степан, бурсьылөмьяс сьылö, ассьыс ловсö зэвтö. Матын нин Кыскалөн керкаыс, матын нин вөрөг. Аддзö Степан — юсö чептөн тасалөма. Вартис крестнас чептö, орис чептыс, ваö вöйис, сямөма-рыжмөма ваын олөмысь.

Кыскалөн пызан вылысь кык пурт уси, крестасисны пуртьяс. Кыска лэптис да ышловзис: «Веляньлысь ловсö мырддис, öнi менсьым көсьö босьтны». Көшөн ва гумовтис, видзөдлс: Степан чукар чеп вуджөма, керка дорö матыстчö. Пöим пачысь курыштис, көшö чөвтис, гудрыштис да нимкыв лыддис.

«Вой саридзын изья дi, изья дi вылын изья чуг, изья чуг вылын еджьыд из, еджьыд из улын пуан ва, изья чуг улын жуним ва, пуан ва-ловва, сувтлы, жуним ва-кулан ва, ылькнит, ёстö-кебөстö лэдзлы, люöсьöv-чимитö вөтлы, öдзöстö тасавны, йөртö потшны, көртөн и ьргөнөн, эзысьөн и емдонөн дор».

Степан кывтö, бурсьыланьяс сьылö. Пыж джөмдс, йöз пыж пьдöсö гатш уси, пельсьяс сибдисны. Аддзö Степан: ю пасьтала чери катö, öти мөдысь ьджьыд, öти мөдысь гөгрös, оз лэдзны Степанös. Степан пернасö ваö сюйис. Морт виян перна пежөссьөма, вирөн йиджтысьөма. Оз вермы сөстөм чери пеж ваын овны. Гатшасисны черияс, кылалисны саридзö. Эз

эськө Степан быдты черисö, эз сийö пöксö лэдзлы, да виысь-ыс тай сийö лои, эз тшыг понда, а асьсö нимöдöм ради.

Аддзö Кыска, нинöм Степанöс оз сувтöд. Ок, эськө, вод-дза вын кө, да кытчö сийö мунöма, кытчö вошöма? Мыжыс личкö. Морт лов босьтöм вынсö сөйöма. Пыкис öдзöссö Кыска, мед көть керка пытшкөссö оз пежавны, босьтис киас лэчыд черсö, енъяс кө да вөр-ва бергöдчöмаось, сöмын кияс вылö лачаыд. Босьтöй, ёрöмъяс, ещö öти лов, этша на кө тиянлы.

Лэччис Степан пыжысь. Гөрд паськөм би моз öзйö, юрситош дзугсьöма, бурсьылöмъяс вунöмаось, сöмын водзöс көсийöм кольöма. Пуö лёкыс морöсас, тирöдö кияссö, öзтö синъяссö: «Сотöй, антикристöс, биын выныс помасяс!» Уськөдчисны биасыны: оз босьт би, оз кывзысь выль енлысь, Сус Крискослысь. Йöз лов вылын, эськө, и юра, да вөр-ва выныд сылы оз сетчы. Серавтöм улысь серамыс петис Кыскалөн. Дрöгнитис Степан чукөр, чинис сылөн эскöмыс. Öтнас Степан оз лэччысь, руч рöдысь сийö, абу ош рöдысь, наяныс дас во водзджык чужлöма. Казялис Степан керка боковысь пывсян, казътыштис Кыскалысь енъяссö, вунöддлис асьыс енсö. «Вайöй, вокъяс, Кыскалысь пывсян корöсьсö, ас зельöнас змейсö пöдтам!» Вайисны корöсь, öзтисны. Ыпмунис керка турун зорöд моз, ыргö кос ниа. «Со тэныд, антикрис, енкола сотöм! Со тэныд ен нывъяслысь лов босьтöм!» «Ак! — шуö Кыска,— верминныд менö. Эн ас енлы юрбитöмөн, а менам енъяс киөн. Енджыкось менам енъяс». Шыбитчис тун öшиньö, виччысьö сийöс пыжыс, гыяс вылын гычöдчö, но ылын юыс. Кытшалисны тунöс, кимльöс кивыв кералöны. Пуркнитис лöз тшынөн Кыскалөн лолыс, кыпöдчис вылö, лэбзис турунчöжөн Эжва вылö, көни Веляньлөн лолыс уялис. Гашкö, мусмас на, гашкö, öтлаасясны на налөн ловъясныс көнкö мөдарьюгыдын, кытчö Степанлөн тывыйс оз судз. Нимкодьясьö Степан, тшöктö антикристöс бырöданинö енкола лэптыны, ен карөн жö, мед тöдисны мыжаяс, мый мезöс вына. «Бара и бара мезöслы кевмысям: отсав, мылышт миянöс, енмö, аслад бур көсийöмнад. Зэв вежа, зэв сöстöм, зэв бурсийöма нималысь пан гöтырöс миянлысь, ен чужтысьöс и некор вежсьывтöм нылöс Марияöс быдногыс вежаөн казътивлам, асьным асьнымöс и морта мортöс и быдөнлысь олөмнымöс Крискос енлы сетам. Мед лоö тэнад кутöмыд, и тэнад каналöмыд, и выныд, и нималöмыд, айлөн, и пилөн, и вежа ловлөн, öни и быд кадö, вежсьытöг и оръявтöг локтан нэмъясö. Адон! Нималöмыс айыслы, и пиыслы, и вежа лолыслы».

Нэмъяс колисны сэсянь. Йöзыс вунöдисны Веляньöс, вунöдисны Кыскаöс, да и Степанöс еждöдисны-мыськисны,

помечён вуштисны. Дженьыд йөзлөн нэмыс, дженьыд и паметъыс. Сөмын Уллынаса да Мылдінса манастыръяслөн стенъяс төдөны ставсө. Излөн нэмыс кузь, излөн паметъыс бур. Но оз кужны стенъяс сёрнитны, чөв олөны да сөмын ружтөны, кор сьөкыд гыжъя шамырнас кадыс личкысьө-өшйө налөн пельпом вылө. Чөв олөны.

А гашкө, ми найөс ог кылөй? Сьөлөмөн кывзынысө ог кужой, а пельыд өмөй вермас босьтны став шысө?

## ЁГОР ПЕТЫРЛӨН КЫВ

Төлысь мужикъяс вөрэн олісны. Пөрөдчисны. Төлысь пивсянтөг, асья небыд пөжастөг, гөтыръяслөн шоньыд бокъястөг. Асьныс нин вөрса кодъөсь лоисны. Сирысь кырсялөм кияс. Сьөд керкаын узлөмысь лөз саөн волялысь чужөмъяс. Аддзас кө жеб сьөлөма, гыркыйс кизьөрмас, нэм коляссө мытшъялан кольө. Бур, мый гөгөр морт лов абу. Некодөс повзьөдны, некодөс страститны.

Но и гажтөм жө. Лунтыр ниа кражъяс мольсян комму черөн, голя помөдз лымйын собалан. Рытнас воан курыд тшынөн пуркыйсь керкаө. Бур кыв шуны некодлы. Некодөс «трасичаавны». Ставыс өткодъ зумыш дядьөяс, чера-пурта кондаяс. Рушку тыртан мыйсюрөнас, киссьөм чарки-шабур дөмыштан, да и нисты асылөдзис, коктө горлань чургөдөмөн.

Сарлы вөр колө. Карабъяс вылө. Эжва йывса ниа да пөжөмысь карабъяс Саридз пасьята кутасны ветлыны еджыд парус улын. Роч сарлы ним шедөдны. Роч купечьяслы — мошна. Роч матросьяслы — кынөмпөт да кынмөм пөт.

«Эжва ю кузя гылыд гы вывті  
Кывтө ыджыд пыж да еджыд паруса.  
Пыжас пукалө дас вит удал зон.  
Найө сьылөны дас нель гөлөсөн.  
Найө ворсөны куим гудөкөн.  
Да өти зон кындзи ставныс гажаөсь...»

Дас витөдыс бөжас пукалө, ыджыд пельыснас муртса легөдө. Өтнас жугуль. Өтнас зумыш. Оз сьыв йөзкөд рад. Ыджыд думсө думайтө. Ыджыд мөвпсө мөвпалө. Молодечьяслы өд мый?! Сур яндова шнипыртін, ки пыдөсад сьөлыштін, сын да сьыв. Мый не овны, сьывсьө кө? Бөжалысь на пыдди ставсө думайтас. Көть бөжын пукалө, йөзлы бөжалө, а молодечьяс вылын нырщик. Налөн синмыс и пельыс. Налөн юрыс.

А пөрөдчысыяслөн юрыс — Ёгор Петыр. Не кө сылы, коды и юравны? Кужо и төдө. Коктө кардыялас и гөгтө веськөдас. Шөрө вошөмөс туйдас, кывзысьтөмөс өлөдас. Көлысь вылын кө «пон бөж кералө», некод зонма-нылаөс оз вомдзав, некод көлысьсө коин чукарө оз пөрт. Кутө Ёгор Петыр Вөльдін вуджас. Оз, оз вуджөдчы. Эн бара вуджөдчысьөн шу. Шаков вокъяс дөзмасны. Найө вуджөдчөны. Сідз кө шуан, колігөн пыж ни пос оз ло. Йөртасны. Ёгор Петыр кывтыдын оло, вуджөдчанінө гежөда волө. Но сылөн бурситөг некод Эжва вомөн оз вудж. Пыравлыны сы дорө колө быд вуджысьлы. Юасьны-висьтасьны, өтарө көть мөдарө Изьва туйөд мунан.

Вөлөма өти сэтшөм. Изьваса кыз рушкуа купеч. Помөсдинө тесьтыс дорө мөдөдчөма. Кык кыс бабаыс вурөма. Отисө воз сөйөма, а мөдсө тесьтыслы вузавны вайө. Гири-люки Эжва дорө лэччас Вөльдін вуджасө: «Вуджедэ, эчань локтіген тесьтлэн винаэн исэда». — «Ми-тэ вуджедам, да ачид эн мытшась. Көсьян ке талун Помесдінад воні, эн вунэд Ёгор Петірэ пыравліні». — «Меюм никод оз коо. Эсчем вөөнад час джынъен воеда. Сизюм версттэ...» Шпынпялөны Шаков вокъяс. Дзюляджыкыс, вөвлөм салдат, рочөн на вөзъясис: «Доброй путь!» пө. Мөдөдчис купечыд сивко-бурконас, вешъялан воронконас. Мой чой вомөн чеччыштис. Рас ёль вомөн тривкнитис. Рас ыб кузя каллян пестөмөн мунис. Рас ыб туй шылыыд. Рас ыб туй веськыд. Позьө и тшынасьыштны. Коркө и Мачека шор дорө лэччөдіс туйыс. Регыд Помөсдін. Тесьтлөн вина. Тьощалөн выя блин. Восьтіс синсө купеч, узьтөг вөтасьөмсө вөтліс, нуранкывсө ородіс. Видзөдө: «Муй нэ тае? Лешаке! Кудь нэ тае? Мамтэ...!!! Вөльдін вуджас? Вит верст кучемке лешак лэбэдэма! Дай Эжва саедз!! Ме тай нэ эстэн вөлі нин!» Шаков вокъяс орччөн сералөны: «Эн кывзись? Эн пырав Ёгор Петірад? Вылись вуджан да пырав, а то бара на косэдлас».

Сэтшөм нин Ёгор Петырлөн модаыс вөлі. Көсьян асныравны — аснырав. Кодарө нырыс бергөдас-а? Код муөд ветлан, сы серти и овны лоө. Код манастырө пырин, сылөн енлы и юрбит. Шебрас кузя коктө нюжөд. Кокора серти набойтө кусняв. Дерт, Петыр этшсө төдіс, ёна эз дурлы. Торйөн нин ас йөзкөд. Сійөн и вежавидзисны сы водзын. Сійөн и кывзисны шуөмсө. Да и өні вөрө кайисны Петыр шуөм серти. Сійө ыззьөдіс войтырөс. Локтісны Помөсдинө Кардорысь югыд кизя бариньяс. Купечьяс тшөтш ий. Кыдз нө натөг? Колө пө вөр карабьяс вылө. Сюрс пожөм краж да көкъямыссө ниа краж. Ставыс мед дас аршин кузя, йылыс — аршин кыза. Дас мортөс медавны көсйисны. Старшинакөд Ёгор Петыр шөпкөдчыштис, мужикьяскөд сёрнитыштис. Кызь мортөс медалисны. Көсйис-

ны югыд кизяяс кык шайтөн быдөнлы вештыны. Та ыджда сьом вылад кыз он медась?

Пөрөдчигөн нин мужикъяс броткөдчыны кутисны. Абу өд куш шуны сы кызта пуяссө корсьны да, кыскавны да. Вөдитмөн. Тöлысь мырсьөм бöрын шуисны лэччыны гортө. Пөрөдчөмсө эновтны, оз кө содтыны нажөткасө куим шайт да квайтымын урөдз. Öти ызгис, мый вöралөмөн дас пөв унджык, эськө, нажөвитис. Мөд шуис, мый содтөд йөзөс колө корны. Öтнас Петыр чөв олис, ассъяс уджсө мыркис, йөзлы отсалис, но мукөдлысь горзөм-вөйпөм эз лэпты. Öти-кө, ачыс сёрнитчис старшина да югыд кизяяскөд. Мый вермис, кыпөдис удж донсө. Көсийöны вөли öти шайт да ветымын урөн вештыны кызь мортыдлы. А мөд-кө, кывтө вуджны абу мича: кызд сёрнитчөма, сідз и сёрнитчөма. Ки на ки швачкөма. Пернапасөн кырымпас пуктөма. Оз позь перна вомөн воськовтны. Гортө көсийсысь пыр содис. Этшаөн лэччыны полисны. Öтка лэччысьястө старшина чорыдджыка чиршөдлас. Кутузкаө вермас пуксьөдны, орсөн кучиктө кульны. Да и прөстө вермас уджысь өтдортны: шуас, тиянтөг вөчасны, и вочавидзны нинөм. Унатө, гашкө, вөрзьөдны оз лысьт. Унаыд — мир.

Ёна лөсьөдчисны. Ёна сёрнитисны ас костаныс пөрөдчысьяс. Сэсся сідз артмис, мый Ёгор Петыр өтнас коли удж дор. Мукөдыс шуисны лэччыны да топөдлыны Помөсдинса старшинаөс, мед содтас сьом да уджалысьясөс. Öти рытө сэсся ставөн нин ноксисны көлуйөн. Корсьысисны, тубрасисны, дөмсисны, көртасисны. Öтнас Ёгор Петыр выйтөм сюра да пакула ва кылөдыштөм бöрын путкыльтчис узыны. Йөз ызгис. Повтөмъяс родысьясөс зэвтисны. Родысьяс повтөмъяс водзын збоялисны. Кодкө сэтшөмъяс пөвстысь и гыжйыштіс Петырөс: «Лэччам, колэкэ, Петір. Öтнад артелись торъедчан. Öтнад кольччан». Да и вөрзьөдны позьтөмторйөн на дзерөдыштіс: «Гөтырыдлөн өд тэтөг вытьыс воссис. Лэччам да гөтыртө сомуститам». Шпыньмунис Ёгор Петыр. Юрсө кыпөдыштіс юрлөс вылысь. Синнас корсьыштіс шуысьсө: «О-о, зонмө, татшөм сёрнинад ті некытчө он волөй...» Бөр лэдзис юрсө юрлөс вылө да пыр и ланьтіс. Вөсньыдика нистыштавны босьтіс. Ноксьөм саяд унаөн эз и кывлыны Петырлысь гусьөн шуөмсө. Эськө гыжйыштісны балябөжъяссө да.

Асывнас водз петіс гортлань войтыр. Лызьөн-нортйөн дзөнь кельөб лои верст джын кузя. Лун сьөмөс бöрын нин, рөмданыв, матыстчисны Вөль кумлөслань. Шуштөмин. Вөль вомысь вылынджык усьө Эжваө ёль не ёль, вож не вож, но джуджыд зэв. Быдсямаыс, шуöны, сэн вөлөма. Да и ачыс местаыс — коз тіль. Джуджыд пуяс костын тшөкыд понөльсө ез моз сатшйөдлөма. Майыштіс друг чера-пурта мужикъяслысь,

парма сирёд мыръяслысь сьёлёмъяснысö. Ошлы паныд öткөн эз повлыны петны. Бисö и васö вуджлісны. Мыйыс эз мунлы вылыстіныс? Эз вөрзъывлыны некор. А тані друг личавлісны кок сөнъяс, ыркмунлісны гөг сюрöсъяс, йирмөг визнитіс мыш кузяныс. И ставныслөн öтпырйö. Сэсса и заводитчис... Кыпöдчис бушков. Тöлыс пöрлөдліс йöзöс кок йывсьыс, путкыляліс зумыда сулалысь нортъяс, чайыс паськөм да кузь пеля көр ку шапкаяс. Син ни пель. Воськов сайысь эз нин позь аддзыны ёрта-ёртöс. Да тайö мый на? Дзуртөмөн да ратшкакылөмөн кутісны пöрласьны кык сывтыръя козъяс. Весьöпöрисны мужикъяс. Эз тöдны, кытчö и воштысьны. Чепсасисны би шөрö веськалөм кодзувкотъяс моз. Сайöдчывлісны пöрөм нортъяс сайö, сы вылө лачаөн, мый усьысь пуясысь найö көть муртса видзыштасны.

Друг ставыс лөнис. Кыдз заводитчис, сідз и лөнис. Быттьö нинөм эз вöv. Сöмын рөмдыны удитөма. Сöмын öтка-öтка кодзувъяс дзирдышталöны лөзъюгид на енэжас. Сöмын пöрөм пуяс потшöмаöсь сиктö мунан туйсö. (А кольліс öд верст-мөд сöмын.) Сöмын йöз да нортъяс путкыльтчöмаöсь, торъя мылькъясөн сьöдалыштöны лөз лым вылын. Öти сьöd ёкмыль вөрзис. Мөд. Чеччис нин кодкө. Кодкө нортсö нин сувтөдö сювъяс вылас. Кыв шутөг. Лөня. Чөла. Мөдөдчисны бөр пөрөдчанінö. Лөк кывйөн вөрзөдөм Ёгор Петыр дорö. Öткөн кольччөм Ёгор Петыр дорö. Мырдөн чуктөдөм чаг дорö. Чаг. Сирөд чаг. Öні, көнкө, сьöd керкааныс пачыс тачкөдчө-ломтысьö. Гөвкъялө тшын джоджсянь аршин весьтын кымын. Ёгор Петыр. Злөдей... Ёгор Петыр. Лөк кывйөн дойдөм морт... Сё муса Ёгор Петыр... Некод весиг абу парсыштчөма. А сы мында пу öд усис выланыс... Прöстит, Ёгор Петыр. Оз жö позь быд кывйысь тадз скöравны...

Воисны аскинас лун шөр кадлань. Ёгор Петырлысь прöща корöны. Небзьöдчыны тшөктöны. А Ёгор Петыр мый? Сералö. Сералö трасичаыд! «Ладнэ, ковмас тіянкед лэччині. Абу, эське, лөсид кыв вуджні да. Метэг тіянлі ёнджик сюралас». Мөдөдчисны öтлаын нин. Ставөн. Ёгор Петыр медводзын мунö. Лызь туй вөчö. Воисны Воль кумлөсөдз. Сувтыштіс Ёгор Петыр. Шөпкөдыштіс вомгорулас мыйкө. Усьөм козъяс рутшка-ратшка, дзурки-дзарки кыптыны кутісны. Сувталісны ыджыд козъяс, сярвидзöны-зуасьöны понöляс. Нинөм, некутшөм туй абу төрытья бушковлөн. Шемös. Чөлөсь мунöны Петыр бөрся мужикъяс. Быдөн асьыс думайтö. Быдөн асьсö мыждö.

Воисны гортö. Висьталісны старшиналы ставсö, мый көйисны. Сідз и сідз. Старшина повзьöмысла скөрмис: мед эськө ыджыд йöз оз жö мыждыны... Купечьяс скөрмисны горшнысла: сы мында төвар эз сюр, сэтшөм нажөтка вошö.

Югыд кизяяс скөрмисны сар понда забеднөла: съод мужик чукар Государстволысь удж кёсий торкны, сита пома жель бергөдтөг кыз съом босьтны, озырмөдчыны! Бунт?!?!?! Коді мыжа? Югыд кизяяс индісны старшина вылө. Старшиналы син улас уси Ёгор Петыр (медводзын сулалө). Ёгор Петыр став мыжсө ас вылас босьтіс. Сыкөд сёрни вөлі. Сійө мужикъясөс нуөдіс, сійө и вайөдіс. Смуттян! Видзисны Ёгор Петырөс кодзыд чижовкаын куим сутки. Петкөдісны ывла вылө коймөд суткинас. Жбоньөдісны орсөн. (Комын кыкысь вартісны, а эз комынысь.) Да и лэдзисны гортас: «Мун, Ен отсөгөн, да ов лөня. Йөзөс шызьөдтөг. Вөр пөрөдасны тэтөг. Кызь мужик. Оти шайт да кызь урысь». Но и муніс гортас Ёгор Петыр. Куткыртчис баба дорас да вит лун куйліс, кытчөдз мышсьыс став лөмыс эз киссьы.

Сылөн өні, эськө, ставыс бур. Да мукөдыслөн не сіддзык. Кывсьывліс, югыд кизяяс пө Мачека шорө путкыльтчывлөмаөсь, Помөс пос улө пөрлөмаөсь, а дзик нин карө воигөн рыө усьөмаөсь. Тройканыс вөйөма, асьныс петөмаөсь, но мыйлакө мытшъялөны.

Да, пөлино! Помөсдінса старшиналөн пө на волөм бөрти табак көшельыс вошөма. Быдторсө висьталөны бур йөзыс эськө. Он төд, кодлысь и кывзыны. Ме тай писө гусяліг чайта-а. Дзик өд батыс кодь жө өбичатөм.

## ПИСЬМӨ

Епим Ёгор локтіс вөрысь. Парась гөтырыс пывсян ломтөма. Бурпөт вуштіс сэні корөсь иддзөн Кенжан няйтсө. Челядьпиянсө сьөрсьыс босьтіс: «Велөдчөй пывсьыны. Бабаясид оз велөдны. Налөн и из гидняын гөликөн швачөдчөмысь лөз госыс сылө». Витөн эськө лэччисны ая-пия, но Илля пиыс жө куш корөсясис. Тима, Микита да дзоляник Петрован раз-мөдысь корөсьөн шлапкөм бөрын джоджысь уль русө апалісны.

«А-а, мужикъяс,— янөдіс Ёгор,— таысь на и бөрданныд? Менсьым көть дөрөмөс косяласны, ог бөрддзы». Сэсся, ёндзык дінзыны кутісны да, вөтліс: «Мунөй, рыныш пачьяс! Ецө вөд вөрө көсья вөлі босьтлыны». Челядьлы мөдысь корөм эз ков... Недыр мысти и Илля киськасис да петіс. Ёгор дыр на шлапөдіс асьсө буруник нөб кодь корөсьөн. Корөсьяссө аслыс ачыс вөчавліс, да и бабаяслы шулывліс: «Корөсьыд, любаяс, мед мышкад швачкан да, кок вож косттыд морөспань улөдзыд воис. Дзоляыд — пач водз чышкыны, борд кыян удача кө абу».

Дон көртөн ымралысь петіс Ёгор пöварняö. Вель дыр сэни нускис. Сэссия бөр пырис пывсянö да водіс вылыс джодж вылас шонтысьны. «Майбыр жö нин дай, пывсянöй-матушкай», — небзьöдчöмөн думайтис мужик. Мөвпьяс вöляникысь вуджисны öттор-мөдтор вылö. Казытыштис и ыджыд писö: «Васьлы бара пывсьыны сюрлö-оз? Дерт, дзик мыссьытöг салдатöс оз видзны. Но гортса кодь пывсянад öдвакö веськавлö. Василей, Василей, мый бара öни көн керан? Век на гөрдалан, али еджыд дорö вуджин, шобдi нянь вылö ыштин?»

Во джын сайын еджыдьяс косьт выв визулөн визувтисны Вöльдин пыр. Эз эськö ёна пакöститны: öтикöс виисны, öтикöс ранитисны сикт кузя ылöсас лэдзöм снарядыясөн. Ёгорлөн воча вокыс, Миколай Педөр, еджыдьяслысь разъезд жугöдіс. Босьтöмаöсь затвортöм пулемёт да дас сизим винтовка. Öти век на дзебасын. Госөн мавтис кыза Ёгор симöмысь да иналіс коз улö, гашкö, ковмывлас. Сэссия кыз еджыдыс локтöма, гөрдыяслы ковмöма пышйыны. Миколай Педөр улысь вöвсö лыйöмаöсь, нымөн ачыс абу сюрöма.

Сэки Ёгор вöрын жö вöлі. Локтигас гөрдыясöс вочаалöма. Вöльдинö мунöны. «Тi, зонмö, эн бара сэтчö мунöй: Вöльдинад еджыдьяс». Гортсаяслы тайöс висьталас. Куим салдат сы ордын жыруйтöны да, кывлöмаöсь. Öтик и матыстчис сы дорö, ачыс кыськö Керчомьяысь, Кочанов: «Тэ, дядьö, вомтö эн паськөдлы. Олысьясыд явитасны. Лыйласны гөрдыяслы отсасьöмысь». Унаысь шуём оз ков: ноптор чукöртис, бөр Кенжанö кайис.

Корсьöмаöсь эськö «гөрд тошка партизанöс», да кысь! Сэтчöс вöрсö сöмын Викул Вась тöдö Ёгор моз. Дай öти морт понда, буракö, дзонь звод оз ыстыны код лешакас кö. Ёгор малыштис тэльöб кодь тошсö дөвöля: «Гм, гөрд тошка партизан. Шуасны жö, протяннöй яя бесьяс». Локтис сэк вöрысь Ёгор, а Вась пиыс гөрдö сетчöма, юась ни висьтась...

«Колö көть письмö гижны ли, мый ли. Во джын нін, код тöдас көн, шöйтö». Шлуп-шляпкерис ещö корöсьөн да кайис гортас. Челядь пессöны-ворсöны. Гöтыр ассьыс нокö-бергалö. Пöсь тшай юис Ёгор стöкан нель. Пуксис пач водзö чигарка гартны: «Ноко, Илля, тэ мян попысь на грамотнöй, пуксьывлы пызан саяс. Босьтлы гумага да перö-ручкатö».

Илля югзьöдыштис чездём стеклöа пятилинейка. Перйис кыськö ки пыдöс пасьта виж бумагатор да поводнöй писар моз лöсьöдчис пызан шөрö: «Мый нö, батьö, гижа?» — «Гиж Вась-вокыдлы письмö». Илля көтöдыштис перöсö чернила штопын да гижис: «Чолём-здорово, Вась-вок. Бать-мамсянь, чой-воксянь, гöтырсяньыд да став рөдвужсянь, Иван-дядьсянь, Митрей-дядьсянь, Öртем-дядьсянь, Таштан-ичиньянь да мукодсянь

поклон. Тима-дядь — кыз рушкау купеч. Сысянь поклонсö огысты. Ме сыкөд быд лун тані воювта. Тöрыт на ме вылö ырыштчывліс: «Эн пö керсö ород. Тшупсян кө, бура тшупсьы!» А ме шуи жö: «Меся, ассьыд сись жытниктö ачыд тшуп. Талун батьö сыысь пиняліс: «Эн рöдыдкөд зыксый. Мөдысь кө кывла, мый дядьыдкөд тшенкыйсян, зырымад карска».

Ёгорлөн чигарка гартсис, сартасөн пачысь кыскис öгыр, пестысис да вöлисти синсö чөвтис Илля вылö: «Мый нö, пиö, сэнні нузан?» — «Ачыд гижны тшөктін да». — «Мед, эг на камандуйт да». Кыскыштіс тшынсö, пöльыштіс пач вомö: «Öні гиж: Василей пи, сё зөлöта, шлочкан гаг. Мый морла батьыд бласлөвиттөг мунін? Уджавны гортын некодлы. Öтнам тілься. Неуна Илля отсасьö. Ме век вöрын. Гортын бабаяс да челядь йылöм...» Ёгор думыштчис да пöльыштіс тшынсö пач вомлань.

Илля гижис: «Батьыд вöрысь локтіс. Пөткаыс пö эм. Урыс кольöм во серти этшаджык. Но эм жö. Ме öтнам овмөс кута. Пес кералім. Колö вайны коркө». Ёгор видліс сарөгöсь чуньяснас сапөг нырсö: «Гиж, Илля: Сапөг нырын рузыйс то кутшöм, пывсян пöварня öдзöсысь öти пөв усьöма...» Педот Парась, Ёгорлөн гөтырыс, пырис гидысь, шлапнитіс бокас: «Господьöй! Баля чужöма да, ёна жö омöлик. Торйöдны лоö, мед гырысьясыс эз талявны...» Ёгор малыштіс тошсö: «Гашкө, оз öти войнад талявны да? Гиж, Илля: Баля чужöма гын мач ыджда. Гөтырыд век на рушкау. Мөсным тыра. Лок, трасича, гортад. Сэн тэтөг воювтасны».

Илля гижис: «Бур ещö, Тима-дядь отсалыштö. Абу на дзикөдз буржуймöма. Талун асыв мешöк пызь вайис: Иллялы пö отсасьöмсьыс, ёна пö эськө скöрмөдлö, нö уджач сідзсö». А ме пöлатын вöлі куйла да кывлі. Төдіс кө, мый гортын, эз ошкы да. Ачыд төдан, ошкөм вылас зэв скуп... Да, муртса эз вун, гөтырыд да мөскыд ыджыд тыраöсь нін, регыд вайсясны. Лок öдийöджык, тэтөг сэн оласны, а тані сьöкыд».

Ёгор пöльыштіс тшынсö нырöдыс: «Гижин?» — «Эг на, час помала». Весалыштіс перö йывсö гыжнас, чышкыштіс дөрөм соскас да содтіс: «Батьö тай броткывлö: дыш пö уджавнысö да, сійөн пышйис-а. Төвсö, колөкө, воювт, а гөригкежлö лок». Думыштіс да помаліс: «Пуля улö эн веськөдчы. Эн вись. Став рөдвужсянь поклон да чолөм. Гижис да кырымасис Илля-вок».

«Эштіс, батьö». «Но,— Ёгор шыбитіс чигаркасö пачö,— водалöй. Нинөм карасинсö сотны». Челядь гузьöбтісны пöлатыö. Недыр кыліс на пыльскөм да тільскөдчөм. Но лунтырья мудзыс босьтіс ассьыс, да и Илля стрөжитыштіс. Парась пөрччысис, пернапасасис, кусөдіс лампасö да кайис гөбöч вылö. Ёгор дыр на пукаліс пач водзын, видзөдіс, кызд ымралысь öгырьяс

вочасон чусмисны, вевттысисны тувсов лым кодь руд пöймөн. Неыджыд турöб кыпöдчывліс пач пытшкас да öзтывліс посныыдик кодзувьяс.

Пач ваймис. Ёгор пöрччис сапöгсö, гудыйштіс ещö öтчыд розьсö, довкнытыштіс юрнас да сувтöдіс көмсö пач бокö, сэсся кайис паччөрö да водіс гöтыр дорас.

Чöv-лöняс тачмуніс пач водзын косьмысь сартас пес.

Парась ышловзис.

## САН

Трисан да Ёгор эз лöсявны. Көть синмөн öта-мöдсö абу аддзöма ни пельöн абу кылöма. Рöдня на эськö нельöд көленын да. Сэтшöмьясыд ёна волысьöны, крам праздникьясö юктасьöны, помеч вылö кортöг локтöны. Но оз Трисана-Ёгора. Трисан кө туй вылысь водзджык казялас, чипас сайö саймовтчас. Ёгор кө аддзас водзджык, кок улас сьöлыштас да бурпöt увтас Трисанöс, юыштöма кө, и ныр-вомсö на резьöдас. Быть мöдыслы сайлась.

Эм жö мыйысь нöйтнысö дай. Кузьджык Трисанлөн кийс. Мый ки улас веськалö, сійöс и шывкнитö: черпу йöз кильчö бокын куйлö — вöнь костас суйыштас, код морт луд вылын туплясьö — зепсö гулляс, көть табак чепöль, а босьтас. Кымынкö нöйтöм нöйтлісны, да оз тай велав. Висьöм кодь. Ачыс нин оз көсйы, да кийс ас олöмөн олö. Сэтчö жö и Ёгор шөрö веськаліс дай. Чös туйясныс орччаöсь, верст нель керка костаныс. Дерт, сэсся ылалан.

Коркö босьтіс Трисан Ёгор чösьясысь дозмөр гоз. Мөдöдчис нин ас керкаланыс да Иллякөд воча лоис, Ёгорлөн дас арöса быдтаскөд. Сюсь, дзоля улысь, öтнас ветлö, оз тай новлöд-лысь ни matka ков. Трисан вомас сьöла чипсан суйис. Чип-сасьö. Бытьö сьöла ылöдлö. Но Илляös, кыз зырымös, он ылöдлы: ылöджык вешйис Трисан судзанінысь да шешьялö: «Трисан дядь, дозмöрыс нö сьöла чипсан вылас локтö жö?» Кösйис пельсö нетшкыны варов детиналысь, да кысь? Вöрпу сайын сöмын важиник көч ку шапкаыслөн кузь пельясыс летмунлісны. Корсь сійöс сэсся...

Регыд Ёгорлы дозмөрьяссьыс водзös босьтны сюрис стрöка. Вöлі Трисанлөн пон, Катшыс. Зэв бур увтан пон, но öбичаыс көзяиныслөн, пакöститчыны кутіс Ёгор чös туй вылын. Коркö и керка дорöдзыс воöма. Ёгор самöй бипурдорса öшан вылö пöрт öшöдіс, сьöлаös куштö. Аддзис понтö да зэв небыдика варгö: «А, танö, Катшысыс гöсьти локтöма. Лок,

лок». Съолато мыччо. Ылаліс понйыд. Божсо легодо, рушку вылас кыссьо. Нимкодъыс, конко: «Со од, и нимон ыдждодлоны, прамой туйо пуктоны». Матыстчис, а Ёгорлон беддыс мыш саяс. Тотшнитіс понйос баялбожас: «Ляк, трасича! Рыныш пач! Ещо вод и гусясьо». Эз дышодчы, нуис Ёгор шойсо Трисанлы: «На, рыныш пач, кепысь вылад шогмас». Бордіс и пом Трисан понсо гуалігон. Жаль од, зев ныриса да увтысь воли. Татшомыс модыс сюрас ли оз. Да и воралігкості понтог коли. Лёкссьо сусед вылас, да вочны нином оз лысьт: эз на вунод Ёгорлысь ез ректомсо.

Во-мод сайын кыис Ёгор ез. Чери виччысьо, вом кор вежны. Мытсаліс тшак ваыд. Ветліс отчид видлыны, ни оти лов, модысь — сідз жо. Мый сэсся юр жуглыны, шышысь ко орччон? Кольччис ез кыйодны. Эз дыр и виччысь, Трисан локто. Кывысьыштис ном зыньгомө. Пөрччис вылыс и улыс гачсо: он, буракө, бөрсө ва гачон мун. Биа висьом вермас босьтны. Пырис ваө. Черисө перьяло да мышкас пестерө тэчө. Гусьоник, кок улас ув оз трачмун, матыстчис Ёгор Трисанлон лөпөть дорө. Перйис козянысь черсө. Пуктис гусясьысьлысь гачьяссө мыр выло да посни торпыригодз керавліс. Трисан коскодзыс ваын сулалө. Петны оз лысьт, кодзыд эськө вөрсө юад ваыд да. Развартіс Ёгор лестукьяссө, пуксис мыр выло, пестысис. Съолөмсянныс шпуткис, сэсся шпыньмуніс: «Пет, трасича, ог вөрзёд». Петіс Трисан, шойовошөмысла гортланысь модөдчис, а Ёгор бөрсянысь: «Кытчө черисө нуан?»

Ковмис первой Ёгор керкаөдз пестерсө нуны. А Ёгор оз тэрмась, лашкө ньөжйоник, Трисанос кутышталө: «Эн тэрмась, Трисан, коктө зыртан». Кутшөм нин, лешаклы, кок зыртөмысь повны. Гожөм шөр. Номйыс! Аминьой! Гачтөг! А Ёгор ещө и тешитчө на, тошсө гыжьяло да вомгорулас мургө: «Гашкө, пөсялін да, дөрөмястө на пөрччан?» Ок и котөртис бөрас Трисан ас дорөдзыс нель верстсө! Сэсся куим лун дорвыс пывсис вөр керкаас, краж кодь кокьяссө да пөрт ыджда эмбурьяссө корөсяліс-бурдөдіс. Казьтыштлас да, они на быттьо зөлитө, киясыс добрасө сайодны нюждочөны.

Понтог коліс Трисан. Ковмас гортас лэччыны, коть вежон кымын позис на кыйсьыны. Гажтөм пон ловтогыд. Вой дай лун пукаліс петавтог, пакула ва юис, кык кошель табак тшыналіс. Понйыс жаль. Ёгор выло лөгыс петө. Да, сэтчө жо, ки лудөмысь босьтис, тірөдө — сэтшөма колө мыйкө. Оз ко гусяв нинөм, потас, буракө. Ёгорысь өприч некод матын абу ни. Сылысь нуан, лёкмас да вины вермас. Он ну — узьом ни олөм. Кияс дзорөны. Юр гудрасьны кутіс. Сөтана!

Куим-ө-нельысь петавліс ывлаө Трисан. Воськов дас вөчас Ёгор керкалань, бергөдчас да бөр пырас. Муралө лёкысла,

ымзö. Рөмдiс. Сьöлыштiс Трисан, суйис нырöдзыс гын шляпасö да петiс. Юрыс бергалiс, быттьö пелькиник лагун сур öтнас юöма. Кокыс ачыс корсис туйсö. Воськолыс лоис зэв кокныдик, весиг нитшкыс эз вöйлась. Дыр кытшлалiс вөрöд Трисан, дзугис туйпомсö. Коркö воис жö тшамъя дорöдз. Матыстчис тöv паныд, мед понйыс эз босьт. Сьöлөм дiтшкөмсьыс йöлаыс быттьö вөр пасьтаыс камалiс. Ки пыдöсьяс вазисны. Ковмис гач сiтанас чышкыны.

Тшамъя öдзöс гораа дзуртыштiс. Мыш кузя йирмög визнитiс баялбöжсяныыс сiтан вурисöдзыс. Кынмывлiс места вылас. Суйис юрсö тшамъя пытшкас. Пемыдас кималасөн корсис пöтка тыра куль-мешök, босьтiс кулөм тöбөд, кутшөмкö мукöд шылльö-мыльö да мыш вылас кык ыджыд тубрасөн мөдöдчис керкаланыыс. Бара дыр кытшлалiс вөрöд, дзугис кок туйсö. Дзеблалiс пуяс улö гусялөмторсö. Сэсся суткиөн-джынийөн узьтөм бöрад да мудз вывсьыд весиг эз нурыштчы, гутшнитiс тшайник сюрись шоныд васö да суркнитчис нар вылö. Узис пөтмөныс. Шондiыс вылын нин вöли. Тэрмасьтög ломтiс пачсö, пузьöдiс пакула ва да юис пöлясьөмөн. Тöрытья войыс ылыстчис. Сöмын пучей кодь мөвп дзуртiс көнкö пыдын: «Дыр-ö Ёгор оз казьяв гусясьөмсö? Гашкö, висьтасьны либö бөр нуны гусялөмсö? Абу на кö сёр». Но пыр жö ышловзис Трисан. Висьтасьөм йылысь сёрни оз вермы лоны. Көть номйыд абу, абу и гожся шоныдыс. Сёр ар, регыд лым усяс. Гачтöгыд кö котöртöдас бара... И бөр нуны босьтөмсö ки оз лыб: аслад нин. Кыдз көть эз бергöдлы, гөгөрбок артмис, мый колö лэччыны гортас. Сэни мөд сёрни, киöдыд эз кутны. Век нин позяс висьтаваны, мый тöрыт нин лэччис, нинөм оз тöд, а, гашкö и, содтыны, мый Трисанлысь тшötш ректöмаöсь тшамьясö. Этша öд вöрад шöйтысьыд...

Сiдз и шуис вöчны Трисан. Коялис пыжысь васö да мөдöдчис тшамьялань, прöмыссö лэччöдны пыжö. Ълiсянь на казьялис: мыйкö не сiдз... Тшамъя öдзöсыс жервидзис. «Петкөдöмаöсь! Ок, мать туруру!» Неылын туплясис ветель кытш. Тыдалö, тэрмасигас уськөдöмаöсь. Понöльö пысасьöма вöv си тöб. «Эз жö öд Ёгор петкөд!? Мыйкö не сiдз тани. Не сiдз», – бергалiс Трисанлөн юрас. Мыйкö гөгөрвоны кутiс. Турксьöдiс керкалань, кежис ордым вывсьыс ыджыд вужля дорö. «Татчö, буракö, дзебласи». Тэрмасьөмөн вешталiс коз лапьяс. Восьтiс гусö.

Тöдса кулөмьяс вылын куйлис аслас сьöла мешöкыс... «Ассьым...» И сэтшөм забеднö лои сылы, мый шняпкысис Трисан сiтан вылас да вурзалөмөн бөрддзис.

## ЗЯТЬПУ

Микул кывсис өбичатөмөн. Оз на удит гажа юрөн вөлөсьтө петавны, лудан висьөмысь кабырсө бурдөдны, бабаяс Мангазея дорын авзөны нин:

— Этия вөд Ёгор Ёгор пиыс бара нин миянлысь Васюкөс нөйтөма!

— Но-о! Васьтө нөйтөма жө!? Миян тай Ванюк гырд да коль жө локтіс: Ёгор Микулөс пө велөдім.

— Миянлысь шутилөсө дітшкөдөма и.

— Урадниклы ли старшиналы колө явитны. Мед чижовкаө пуксьөдасны.

— Салдатө колө сетны, мед вопрунт овны велалас...

Сэтчө и пиньтөм вома воймөм Митрей Олексан шыасяс. Зэв любө сылы баба сёрниыд: Ключ вор да Мангазея дорын и довъялө.

— Нинөм абусө эн сөрөй, том йөз нэмыс тышкасьлісны...

— Тадз вөд эз жө. Татшөм лёкысь...

— Эз, дерт! Ми, зонмө, черөдз-майөгөдз жө воывлім.

— Но! Ёгор Микул чера-пуртасьө!?

— Оз жө Ёгор Микул, — дөзмө польө. — Төрыт, видзөда да, вувтөмаөсь Микул вылө Есьлөн куимөн да тэнад нель пучейыд, зорьяөсь. Шегьяліс тай Микулыд: не на тіян недөкуньясыд.

— Абу тай виыштөмаөсь Ёгор Ёгор писө...

— Ёна зятьпутө дорьян...

Митрей Олексан шешъялө:

— Татшөм зятьпуыд оз на быд мөс сит улын туплясь. Тіян паназыр-нывьяс вылө оз видзөдлы да, сійөн ңа кулитанныд.

— Веж петіс сы вылө, ой-ей вөд прамөй да.

— Мун лешаклы аслад зятьөн!

Митрей Олексан шпыннялө: бара на зі позйө му корөг бруткис. А мый? Ёгор Микул абу на шыбитана. Сылөн ки улысь пыж-пелыс көть зорөд, сруб көть курич чача кодь петө. Шыльөдөма-мольөдөма, стружитөма-серөдөма. Оз тай тшөтшьяясыс моз куш сус коль киллы да нывьяслы бөж улас видзөд. Мужик, ен ськөд.

Дерт, прөступитлө корсюрө. Крам праздник ли сюзь кулан лун, суртө чурскас да, сы шөрө бурджык эн веськөдчы. Төрыт на Вичкодорса бурлакьяс сувтөдөмаөсь: эн пө миянлысь нывьяссө ылөдлы. Сизимөн, да зорьяөсь: куш кинад он сибав. Но и зорнас, тыдалө, абу артмөма. Бурлакьяс ружтөны гортас, а Микул «ливкасө» босьтөма да ливкйөдлө, поньясян частушка-яс сьылө Вичкодорын. Есьяс дорө матыстчас да равөстас:

Көні бара Есь пиянлөн  
Сісьмөм гыдъя тывъясныс?  
Ме дорө тай пышъялөны  
Паськыд бекъя нывъясныс?

Водзө мунө Прокө Õлеш весьтөдз. Õлеш Вась пöлатяс куйлө, Микулөн музгыльтөм кисө дөраөн төбөма, Микулөн поткөдөм плешсө мамыслөн важ сарапан бөждорөн гартөма. Ойзө. А Ёгор Микул гудөкнас няжөдө, челядь-гавезос гажөдө:

Наталь-маталь —  
шома папаль,  
Наталь-маталь — пудъя нень.  
Õлеш Васьлөн гачыс шмака:  
пытшкас резюв —  
трунь да тронь!

Сиктсө кытшлалө. Дэльөдтөм зон оз коль. Со пө тиянлы төрытьясьыд. Бурлак-зонъяс сөмын өшинь пырыс кулаксө петкөдлөны: час пө, сюрлан коркө. Да мый Микуллы ыршасьөмыд? Аслас кулакыс кукань юр ыджда. Коркө кабыр улас вөсиг сиктса старшина веськавліс. Кык лун мысти старшинаыд папаліс да шуө: «Мөд кө тэ местаын вөлі, Сибырө ысті, но збой йөзөс радейта». Мыніс Микул нель луна-вояөн, көдзыдінын ыркөдіс пөсь юрсө.

Но пöрысь мортлы зонмыс сьөлөм вылас воө, абу на дзик шогмытөм, көть вильышнас, дерт, вильыш. Дзолясяньыс сэтшөм да, мый керан? То порсьтө доддялас, то каньлысь гыжсө шырас. Коркө бабаяслы пывсян өшиньө меж юр суйөма да лөкысь равөстөма. Лыжалөм ичмоньясөс көдзыд ваөн пальөдөмаөсь. Кодсюрөос өні на, Микулөс аддзасны да, сутшик босьтө. Микул сөмын сьөлөмсяньыс юалас:

— Мый нө шеватө он вөтлы? Ерусалимын пө шева вөтлан завод вөсьөма. Шева кучиксьыс тэныд ныма тюпень вөчасны.

Коньөр баба весиг шунысө нинөм оз куж.

Микуллөн сямыс Митрей Õлексанөс оз падмөд. Оз өд весьшөрө шу Микулөс зятнас. Эм Õлексанлөн сьөлөм висьөм, ыджыд батьөн шуысь, дас сизим арөса Елюк. Лов пу кодь нюдз, кыдз пу кодь статя, пипу кодь варов. Зон косьтысь, өти кывйөн кө. Елюк Микуллань кыссьө. Микул эз нин өти ныр Елюк понда резьөд: Вичкодорса өд Елюкыс, а Микул — Чоййывса. Но куш тайө шог кө вөлі — шог абу. Олөмад тай век кыткө бур, а кыткө дур. Митрей Õлексанлөн өтка ныв

вөлі, Елюклөн мам, сідзкө. Вот көн пөгибыс! Клавди (нимыс сэтшөм) бугжылясьо «зятъпу» вылас. Ачыс көсийо Елюкльыс шудсө дорны, бур олөм корсьны. Аслад кө тай олөмыд оз пузыы, век йөз пөртйысь гудралан.

Елюк өшинь улө петас, Клавди — быйк! — өшинь дорө либө кильчө вылө: оз-ө «каторжаниныс» бергав матын. Елюк войпукны мөдөдчө, Клавди бөрсяныс шлопкө: мед жө бара Микул ныв дорас оз сирась. Унаысь нин Клавди «кос сартасьяснас» Микул ныр дорын өвтліс: «Дугды вөтлысьнытө. Тэысь бурджыкөс корсям». Микул жерьялө: «Мун, тьоща, блинтө кисьт, рытнас вола». «Ме эськө тэныд вола! Карнанөс видлан!» Микул лышкыда нюмъялө: «Тэнад карнаныд — мамлөн вый борд кодь». «Страмина! Тьпу!» — сьолыштас Клавди, да тадзи «меліа» и торйөдчасны. Микул бөрсяныс горөдлас на: «Тьоща! Окыштнытө вунөдін!»

Эз эськө кокныда сетчывлыны татшөм паныдасьлөмъясыс. Клавди бон-бус пинявліс Елюкөс, да и батьсө сылы пөтакайтөмысь. Микул зумыштчывліс дыр кежлө. Ёнджык на сура-сис, а гудөксө вежоньясөдз киас эз босьтлы.

Тадз коркө и воис гажа рөштво. Том йөз кимөститчисны, гырысьджыкъяс ветлісны керкаысь керкаө, гөсьтитчисны паськыда. Сэк и матыстчис Митрей Олексан Елюка-Микула дорө гуся сёрниөн. Дерт, кыкнан дорас торйөн, мед бара пөтакайтг эз шуны. Сэссия и Клавди дорө тупыльтчис.

— Клавдюк, мед татшөм вөлөсьтө ветлөмъяснад нылыд оз жө чурка вай...

— Сир пинь горшад, выживвлы! Господь мед видзас.

— Видзас эськө да, ачыд кө видзан. Вай миянын войпукам.

— Миянын!? Мун, няр кутш! Тэ тай збыльысь вошласян.

— Ме ог жө вошлась,— эз сетчы Олексан.— Корам нывьяссө, ёртъяссө Елюкльысь. Мед син водзын гажөдчөны. Оз нин кыйөдчыны ков.

Клавди думыштчис: збыль өд. Елюк бөрся котравны мудзис, а гортын век нин борд улын. Сэссия и шыөдчис Клавди выя гласөн ныв дорас:

— Елюк, ывлаын шодлөм дорысь, чукөртчинныд эськө миянө нывьясыдкөд. Йөзысь нинөмөн абу лөкөсь. Вина-сур эмышт. Корлан нывьястө, гашкө и, зоньяс на воласны.

Но помас век жө содтіс.

— Сөмын этия шойданниксө эн кор. Абу пөв сийө тэныд.

Елюк ёна эз и петитчы. Клавди нимкодьясла эз жө казьяв, мый нывлөн синьясыс вильыша югнитлісны.

Ломтіс Клавди асывнас гожьян пөвсө. Төвьян керкаас асьныс олісны да, мед батьыслысь унсө том йөз эз торкны.

Паськөдісны пызанъяс. Елюк, пач дорын бергалёмсьыс ли, мый ли, баныйштөма, бордъяс вылын моз лэбалө. Видзөдлас мамыс сы вылө: «Мыйкө лоөма кө нылыс-а? Эз дузгысь Микулос кортөмысь. Нюмъялө,— но пыр жө такөдас асьсө.— Орчча сиктясысь корөма чойяссө да пөдругаяссө. Налы, көнкө, нимкодьясьсө. Дыр нин өд эз аддзысьлыны».

Рытгурув матыстчавны кутісны войпукысьяс: гозйөн-гозйөн и кельөбьясөн. Пуксялісны лабичьясө, шөпкөдчисны, гусьоник кильксісны-серавлісны. Сөвмисны гаж кежлө. Елюк видзөдаліс гыөра өшиньө, петавліс кильчө вылө. Виччысис кодөскө. Клавдилөн сьөлөм ёвкнитліс: «Оз-ө Микулсө кыйөд?» Но бара на лөньөдчис. Коркө пемдіс нин да, вөлисти локтісны орчча сиктясысь виччысянаторьяс: Елюклөн нывъёртяс, воча чойяс, воча вокьяс. Кодсюрөос Клавди эз төд, но пемыд посводзад ёнасө эз и видзөдась.

Вель унаөн лоисны. Пуксялісны, коді кытчө. Вочасөн гаж содіс. Шырби улад тай том йөзыд повтөмөсь. Сьывны босьтчисны, йөктыны. Ворсісны «дөвөльысь» и «шайкаысь», «пөльөысь» и «гөгыльысь». Сигудөк и вомгудөк, чипсан и тутсан,— мыйыс сөмын абу вөлөма сьорсьыныс гажөдчысьяслөн. Да и мый не сьывны-ворсны? Отчид овлө. Клавди первой видзөдіс, мед Елюк вина эз ю, зоньяскөд эз кутчысьлы. Но Елюк вина-сурлань эз нюжөдчы, зоньяслань эз катовтчы. Да и зоньяс асланыс пөвьяскөд вөліны.

Пукаліс Елюк вуджөрын да сёрнитіс боқысь воём нывъяскөд. Орччөн сыкөд йөжгылясис гөрбыля, паськыд лысера ныв. Тыдалө, төвйыв морт. Нывлөн чужөмыс пемыдын эз тыдав, да и сой кыза сьөд көса да сьөд чышъян сайөдісны плешсө и тшөкасө. Йөз дырйи юасыны эз вөв лөсьыд ныв йывсьыс. Сэсся и гажмыштөм батыс пыр мыйкө висьталіс Клавдилы, кыскаліс соскөдыс. «Аски юася»,— думыштіс Клавди да бергөдчис батыслань.

А Митрей Олексан сөмын удитіс кисьтасьны да висьтасьны. «О! Клавди, аддзан, кутшөм бур пөдругаяс мяян Елюклөн? Но, юыштам, мед Ен сетас ставныслы...» Клавди сөмын удитас румка пуктыны, батыс яндова нин мыччө: «Вай, Клавдюш, юыштам. Ми өд томнас вөвлім жө». Юисны батылөн дзоньвидзалун вөсна, бур олөм вөсна, сэсся мед Серөд мөскыслөн ныр улыс век тыр вөлі, мед Елюкы бур мужик сюрө, мед лудік-төрөкан эз өдөлит, мед ыжъяс кукань ыджда вөліны... Сьылісны отлаын «Шондіөй-мамөйсө» и «Төлысьөй-батыөйсө», «Веж чышъянасө» и «Сьөд картузасө»... Клавди и гажмис юлытөгьд. Йөктыны весиг петавліс гоз-мөдысь да кокас гартчис, ковмис энөвтчыны.

Помодз жё эськё кутчысис. Сёрён нин колльодіс ас сикт-са том йозос ывлаодз, игнасис на бёрын, воомаяслы тшөктіс вольсасьны пөлать-паччөрө. Гөрба ныв медводз звиркнитіс пөлатьё вольсасьны отсавны. Клавди вөлисти юалис сылысь: «Тэ нө кодлөн лоан? Мый нимыд?» Ныв пыдди Елюк шыасис: тайё пө Гөрба Анна, кывтөм пемөс, зэв шань ныв, Лавраё пө ветлөма, самөй локтө. Но Клавдилы веськодь нин лои: Лавраё коть Мавраё, мед узьё. Сэтчө жө батьсө ковмис нуодны модарө. Ёна эськө пöрысь выжив «мича нывъясөс шамралышт-ны» вөлі көсийö кольччывны да. Тэнад пө шамравсьома нин.

Асывводз чеччис Клавди. Петіс пач ломтыны. Мед нывъяс шоньд керкаё чеччасны. Кайис паччөрө сартасла. Синбөжнас видзөдліс пөлатьё: Елюк нистө-узьё Гөрба Аннаыскөд öти эш-кын улын. «Коть сэсся тойөсьтас туйыв мортыд. Аддзөма кодкөд водны. А модарө кө, Лавраөдз жө ветлөма». Сартас пес босьтіс да бергөдчис пөлатьлань бурджыка Анна вылас видзөдлыны. Бергөдчис да, вом каличыс чеччыштіс, бугыльыс паськаліс Клавдилөн.

Пөлать дорышын туплясис вөв бөжысь кыём сой кыза көса, а Гөрба Анна пыдди Елюккөд орччөн унзіля читкырасис «ка-торжанин» Ёгор Ёгор Микул: «Мый нө жуялан, тьöща, мун блинтө кисьт...».

Сартас пес гыпкысис джоджө. Клавди апалис-апалис сынөдсө, сэсся коркө горөдчис жө: «А-а! Сотчим! Виисны!»

## ТЮЛЕНЬ КУЧИК

Тулысысь бур кадыс абу. Тулыс скөтөс и ывлавывсө ловзьөдө-югзьөдө. Шондіыс ёна нин пөжө нярөдз шырөм юртө. Небыд төвру Буско моз нюлышталө чужөмтө, сөмын оз пар-сав сэтшөма. Öшинювса воссьыштөм эжа вылын сөніка гөпъяс лөзалөны. Ок, лөсьыд көмтөг котөртны гөптөдыс, небыд сөнік кузяыс да сэсся сувтны доналөм пос пом вылө. Көтасьөмин-сьыс вөляникысь вешъян, а бөрсяныд кок туйяс вочасөн сы-лөны, бытьё кодкө тыдавтөм джодж ротөн чышкө.

Витьө-вок шуө, льөм пу улын пө лымйыс сисьмө. Но вит арөса Ванюкөс он ылөдлы: муніс да пидзөсчанясьөмөн зэв дыр дукаліс. Абу ылөдлөма: збыль сись дук кылө. Солыштан кө бара, сисьмас-оз? Ещө кутшөмкө курыд дукөн на өвтө. Но курыдыс, буракө, льөм вужйысь. Дзик йөра яй кодь. Мөд во нин эськө йөра яйсө эз аддзывлыны да: батыс Ванюклөн воювтө, Витьө-вокөлөн, буракө, абу и вөлөма. Наталь-ичинь, Паладь-ичинь да мамыс лыйсьынысө оз кужны, синным пө оз

куньсыы, Мыйлакө куньса синмөн жө узьёны-а. Наросьнө видзөдліс. Гашкө, шковгёмсьыс полёны да, оз висьтасьны?

Праздникнас яя шьд пулісны. Некодлы пөтмөн эз и сюрлы. Наталь-ичинь яйсө этша пуктөма, мөдысь кежлө пө колө кольны. Өтчьд кө кынём дундытөдз сёйны, колөкө, вежон позис сёйтөг овны. Ато пызан сайысь чеччан да вунөма нин, сёйлін-эн. Голяыс пө Ванюклөн дзик орны кутөма. Йөйтөдлөны эськө да. Орө кө өд вөлі, важөн нин куліс. Ъжъяслысь тай нө орөдан да, кулёны. А Светлана-чойлы төрыт на киас паньөн вачкисны: ьдждьд нин да, кинад эн кватьлав. А мый и кватьлавнысө? Өти картофелтьө кө босьтис, эз на ёна чин. Час, Витьөвокыс быдмыштас да, кыйсьыны мунасны вөрө. Сиктад прөмысьд абу, он кө шыр кутав. Сэсья юыс воссья да, вуграсьны кутасны: комтө бөчка солаласны. Колө мамыслы висьтавны, мед войтва улас бөчкасө оз сісьтыны. Батьыс локтас да ёна и чуймас: тайө пө тай тіян вердысь нин. Важ пищальсө Ванюклы сетас. Куимөн йөратө кыйны кайласны, вель уна яй позьяс лэччөдны. Батьыс ставсьыс ён, ваяс.

Оз тай лок война вьвсьыс-а. Пышьялөны, буракө, гитлеръясыс. Батьыс зэв бура лыйсьө да, эз кө пышьявны, важөн нин ставсө лыйліс. Либө танкө дзевсьөмаөсь. Пөльсө кө босьтисны, эськө кыкнад найө важөн нин кытшалісны да, эз тай мун вот. А сэсья тшыглы жө куліс дай. Пөльыслысь чужөмсө Ванюк оз нин бура помнит. Помнитө сөмын: паччөр вылын ой-ёй паськьд мужик пукалө да ас дорас Ванюкөс корө: «Ок вөд, Ванюкөй дай Ванюкөй, некод абу сэтшөм жаль. Өтнад тэ жаль. Куш лыыд кольөма. Верднытө ог вермы да, вай көть силаөс сетышта». Сэсья дзигөдас да бөрддзас. Тошторнас Ванюкльысь шырөм юрсө гильөдө, а тошкыс ва. Дыр сэсья эз и ов, силатө сетис да. Коркө кулёма да, бабаяс первой бөрдісны, сиктас пө медьён мужикыс вөлі да тшыгйыс тай виис, а сэсья Чудин чуркйө нуисны. Ванюк сэки юаліс, кор бөрсө локтас, да мамыс шуис, мый оз нин лок, сэтчө пө кольччөма. Бөрас гу вылас ветлісны. Челядьлы морт өти картофеля шаньгаён сюрліс. Кыськө тай корсьлөмаөсь рудзөг пызьсө.

Төрытья дорысь талун ыркьдджык. Пос помыс көдзьд да, көмтөгьд оз котравсьы. Светлана школаын, мамысьяс уджалөны. Витьө да Ванюк первой ворсыштисны войнаысь, но дышөдіс: кыкнад гажтөм ворснысө, да и кынём сьомалө. Няньтор ли, мый ли корсисны вель дыр, но нинём эз сюр. Сарайысь сам вылө заптывлөм кос пельысьсө вокьяс важөн нин сёйлісны. Но век чайтсис, мый кольыштис на кутшөмкө сайөдын. Вочасөн кокьясныс быттьө асьныс кыскисны звөз

кузя сарайлань. Пемыдас вель дыр бауён кыскасисны, но сарай джоджысь куим пельсь тусь куш сюрис. Витьё арёсён ыджыдджык, сійё кык тусьсё сетіс Ванюклы: ме пö ыджыд нин, а тэныд быдмыны колö. Но Ванюклөн кынöмыс век на сюмаліс.


Сарайысь кайисны лöскö: гашкö, кутшöмкö туисысь ид тусь, либö чуманысь пызь чепöль сюрыштас. Тöдöма кö вöлі тшыгъялөмтö, эськö быд пельсö жö водзвыв сукар сюялісны да. Лöскысь нинөм эз сюр. Лэччыны нин лöсьöдчисны, Ванюк друг крукасис ыджыд сапöгнас да тшук эз шпаргысь сарай джоджөдз. Витьё чужйис крукөданторсö: пөв пом модаа. «Мый нö тайö?» Ванюк гыжнас гирснитіс пөв вылыссьыс буссö: «Ме ог тöд, мыйкö тай сирöсь-а». — «А-а! Ме тöда! Тайö Карп-пöль кыськö матросалігас вайлөма. Кучик кутшöмкö. Гашкö, ваусалөн да». Витьё чөвтис кучиксö лөссянь. Кучик гольмуніс сарай джоджö. «Мый нö көсьян керны?» — юаліс Ванюк. «Лапкышт, лок шыд пуам».

Корсисны пöрт. Петкөдісны ывлаö. Витьё пестысис пывсян сайö, мöтыр вылö öшөдіс пöртсö, сэсся пуксис, ыджыд мужик моз гартіс чигарка да кутіс пöлясьны-шпуткыны. Öтчид эськö мамыс карскөдліс нин таысь, но öні матігөгöрын некод эз вöв, куритчыны позис повтөг. Ванюк, көть и вит арёса, оз висьтав некодлы: батыс кö воювтö, а пыис — предатель, мир смек. Абу вөд гитлерьяс дор. Бипур ыргис, тшын пуркйис вывлань, пöртйын чискис ва. Васö куимысь вежлісны, но недыр мысти сійö бара сьöдөдліс, сэсся пузыывліс. Челядь нылалісны дульсö. Витьё öтарö сатшйөдліс беддьөн кучиксö: небзьöма-абу.

Рөмдіс. Мамысьяс — удж вылынöсь. Светлана, буракö, мунöма школасянь кранилицеö картофель бөрйыны, эз жö на лок. Ванюклы эз терпитсьы: «Пустьöма нин?» «Час, видлам, — Витьё сатшкис бедьнас. — Небыд, шогмас». Пöртсö пыртісны гортас. Витьё нянь көвдалан пөв вылын вундаліс кучиксö сартас юкалан коса-пуртөн. Посньыдик торьяс вылö, мед бурджыка курчавсяс. Но кучикыс вöлі чорыд на. Ванюк босьтіс öти тор. Сотіс кисö, но эз шыбит. Пуксисны пызан сайö. Черлыяс доймөмөн няклялісны нильөг сьöд кучиксö. Сэсся шуисны жаритны пач вылын. Витьё дон көрт пач вылö шелькъялөмөн тэчис кучиксö. Кучик нюкрасис, тшынасис, но небзьыны эз көсьы. Джынвийö курччалөмөн Ванюка-Витьöа нылалісны öгырасьöм торьяссö. Кучик сибдаліс пиньясö.

Керка пасьта разаліс чөскыд дьөгöть дук.

# Туйвежъяс



## КОВБОЙ

Васька Стибловлөн локтём йылысь сиктын кывлісны воёмөн тшөтш. Челядь-гавезлы Ыджыд лун кодь сылөн воёмыс.

- Кывлін, Ковбой пö локтöма?
- Збыль?
- Ылөдчыны, буракö, ог кут.
- Ковмас талун клубö ветлыны: мый нин Питирас олöны?
- Бара на мыйкö висьталас.

Школаö пыригөн Васька шулöма: «Куим лун школаас ветла да моракö муна». Куим лун нюжаліс сизим воөдз. Нельöд классын куим во пукалём бöрын Васька муніс школаысь. Мамыслөн мотик кöсйысьöм ни батыслөн паськыд тасмаыс эз вермыны песовтны детинаös. Вежон дзевсясис Пастук Веня дорын, сэсся мам-батыс корсисны да небзьöдчисны. Во гөгөр вöзйисны Васькаös совхозö уджавны, но начальство пыксис. Васькалы, öти-кö, дас квайтыс эз на тыр, а мөд-кö, оран голяя, сартас кодь ки-кока, сійö öдвакö шогмис кутшöмкö сьöкыд удж вылö.

Ещё на эськö мытарствуйтис Васька, эз кö босьт сійös отсасьны Пастук Веня. Тöлысь мысти медвöддза удждон вылас ньöбис паськыд дорьяса шляпа, кутшöмös тай индеечьяс йылысь кинояс вылад новлöны еджыд йöзыс. Быд рыт тшапа лэптём ныра рöдтывліс Васька сикт кузя аслас Земляника вöv вылын конюшнялань. Тыртём ноп моз бутьяліс öтарö-мөдарö. Шляпаыс кымыныськö и лэччывліс тшöкаөдзыс. Но аслыс Васька кажитчис зэв нин пелькөн да вынийöраөн. Теш туйö сетём Ковбой нимсö примитис да тöдтём йöзкөд паныдасигөн чургөдліс кос йөн кодь кисö: «Ковбой».

Олöмыс крута вежсис дас сизим арöсын. Гожöмнас локтісны стройотрядөн Питерса студентьяс. А көн студентьяс, сэн и студенткаяс, гитара да гаж. Овмөдісны дась нянь сёйысьясös эновтём Малань керка пөлö. Казяліс пампасьясын ёсьтём видзөдласнас Васька на пивысь веж юрсиа нылös. Сьölöмыс вөрзис.

Тöлысь джын бротьяліс Ковбой аслас мерлина вылын студентьяслөн öшинь увті. Терпеньöыс быри. Зэвтис сэсся öти

гажа рытö чинöм, но дöмастöм школьнöй гач. Пасьталис батыслысь гöрд дöрöм. Ъджыдджык эськö: воротниксьыс голяыс чурвидзö сийöсын додь вож моз, но видзöдчан водзын бергöдчис да ёна нин мичаён аслыс кажитчис. Шогмана. Оз нин нылыд сэсса бокö видзöдлы. Не на бара киссьöм пидзöса джынсыя роталь-студентьясыд. Мыськис кисö Васька, весиг пеляс кöтöдöм чунынас гудйысьыштіс. Бальябöж вылас шляпасö öшöдыштіс да муніс веж юрсиа нывлысь юрсö кольмöдны, сьөлöмсö косьтыны.

Локтіс. Виччысьыштіс кильчö вылын, оз-ö пет нылыс, оз-ö кыв том зонлысь сьөлöм тіпкөмсö? Весьшөрö. Керкаын бриньöдчисны гитараён, вензисны, сералисны. Петысь ни пырысь некод эз ло. Ковмис Васькалы аслыс пырны. Ныв-зон пукалісны крöватьяс вылын. Джоджын, вольсыштöм газет вылын сулаліс водка доз, жервидзисны кансер банкаяс да сідз-тадз туплясисны шöралöм-чеплялöм нянь кöрышъяс. «О-о! Абориген локтіс!» Мый сэтшöмыс аборигеныс, Васька эз тöд, но сьöрсьыс вайöм сулеясö питшөгсьыс перйис да пуксис веж юрсиа нывлы воча.

Мый водзöсö вöлöма, сиктсаяс тöдмалісны Васькасянь нин. Стöкан джын бöрын Васька корöма нылöс ывлаö да дыр жуйявтöг вощьöма. Ныв, дерт, абу петитчöма: кор на ещö татшöм прамöй мортыс сюрас,— кöсийсьöма петны Васька сайö, сійö кö пемыд сиктсö вежас Питерса югыд олöм вылö. Сідз али мöд ног сёрниыс вöлі, но Ковбой совхозысь вежон мысти уволитчис да муніс студентьяскöд. Сэксянь Ковбой волевліс гортас сöмын гожöмъяснас. Воан луннас жö довгывліс клубö, пуксьывліс кильчö перилö вылö да куритчис. Виччысис.

Дыр виччысьны эз ковмывлы. Том йöз да челядь йылöм гөгöртлісны. Киасьлісны Ковбойкöд. Кодкö, дерт, и шыödчысь сюрліс: «Но, мый нин олöмыс Питирас?» И Ковбой заводитліс помасьлытöм висьтъяс. Воддза волігьясас нин сиктса пемыд йöз тöдмалісны, мый Ковбой гөтрасьöма Ленинградса студенткаыскöд. Тесьтыс отсалöма пырны университетö, козьналöма том зятъыслы дача да «Вольва». Мый олöны Ковбой гозья аминь бура, кургöны лун-лун, Наталья Ивановна пö (бур гöтырыс) асывьяснас пöсь кофе вольпасьöдзыс вайö-тотшсьöдö.

Кодкö паметя йöз пиысь, эськö, шуліс жö: веж юрсиа нывсö пö эз öмöй Катяён шуны? Но Ковбой сы вылö сэтшöма бугжыльтчывліс: «От, вля, неужели менам гөтырлысь нимсö тэ бурджыка тöдан?» Ковмис бур паметялы лöньны,

нурбыльтліс сөмын: «Гашкө, и Наташа вөлі да...» «Но, вот и чөв ов, эн суйсы, он кө төд».

И талун локтіс Ковбой клубө. Еджид дөрөма, съод регата, одеколонас, тыдалө, суныштлөма. Клубсьыс дуксө вежонөн он вөтлы, көть өшинь-өдзөс ставнас восьты. Дерт, пыралас кө татшөм важиник клубад. Пукаліс, куритчис, виччысис. Локтісны, киасисны Ковбойкөд: «Но мый? Кыдз олан? Мый вөчлан? Мый нин Питирас керсьө?» Ковбой перйис «Мальборо» пачка. Тэрмасьтөг пестысис, чөсмасьөмөн кыскис тшынсө, нырөдыс лэдзис вөсньыдик руөн. Дышпырысь видзөдліс юалысьяс вылө. Шпыньмуніс: «Питерыд? Питерыд сулалө. Смольнөй сулалө и. Быд асыв өшиньөд видзөдла: местаас абу? А мый мор ськөд и лоас? Да көть и пөрө, выльысь лэптасны». Коставліс Ковбой, путнитіс чигарканас да содтіс: «Пока ме ловья». «А тэ нө стрөитель али мый?» — юаліс кутшөмкө няйт чужөма көмтөм кока детинка. «Хха! Но тэ и лөсыштін! Ме — стрөитель!?» Ковбой довкйөдлыштіс юрнас: но и но пө, эмось жө татшөм пес поткөдлан черьясыс. «Хха! Ме кодь стрөительыд этша. Став Питерыс менам то көні!» — Ковбой шамыртіс лежнөг йыв ыджда кабырсө, матыстіс детиналы ныр улас. Детина саймовтчис йөз мыш сайө.

Да-а. Код нө думыштны вермис, мый Ковбой коркө та ыджда мортөдз волас? Помалөма университетсө. Оні кыз деньга ки пырыс сысьялө-лэдзө. Питерсө ставнас кутө. Телохранительяс, бабаяс... Ментьяс радось отсавны, да оз на быдөнөс сибөд. Дзик нин пө, эськө, дышөдөма да. Көть и ньөбас эськө кык судтаа дача сяма керка ас сиктас да овмөдчас татчө. Но өд бара жө, став ладыс дзугсяс Питерас. Да и оз лэдзны муннысө. Аддзасны быдлаысь. Компаньёнъясыслөн кийс кузь.

«Да, Ковбой, сьөкыд олөмыд,— шпыньмуніс орччөн сулалысь Опонь Коля.— Кыдз сөмын татшөм олөмтө гөтырыд терпитө». — «Менө? Кыдз ме сійөс та дырасө терпита, шу». — «Мый нө, оз кывзысь? Али кофетө вольпасяд оз нин вай?» Ковбой эз казяв Колялысь шпыннелөмсө: «Дзикөдз этшсө воштөма. Коркө гортө локті да, этатшөм абача сэні». Ковбой довкнитіс юрнас Опонь Колялань. «Но, ме скөрми сэки. Ак, меся, скөтина, ме тэнө велөда дорын узылыны. А абачаыс ме вылө вувтіс. Но ме сійөс и жбоньөді. Вля! Мый ки улө сюрис, сійөн и лөсий. Өшиньөд шыбиті. Жаль, мөд судтасянь». —

«А сэсся мый вөлі?» — тэрмөдлө кодкө челядь пиысь. «Мый... мый... Локтісны аскинас куимөн. Пистолетаось... Ок и лыйсьыштім. Ставсө тотшкөді. Но менсьым шкапьясөс, и пылесосөс, и холодильникөс рузьөдлісны. Ставсө ковмис выльысь ньөбны». — «А гөтыртө мый вөчин таысь?» — «Галинаөс сітанас чужьялі, нахрен мен сэтшөм гөтырыс. Ме сайө быдөн мунас, шутьөкт сөмын. Төдөны өд, коді ме». — «А коді нө сійө Галинаыс?» — «Но, он, дерт, төд: студенткаыс тай тани вөлі, гөтырөй». — «Эз али мый Наташа вөв?» — «Ачыд тэ Наташа. Сэсся аслам гөтырлысь нимсө, дерт, ог төд», — дөзмис Ковбой. Чөв олыштіс. Печиктіс гожся рөмыдас чигаркасө: «Но, ладнө. Мунны колө. Куим вой узьтөм».

Ковбой вошис битөм керкаяс сайө. Клуб игнаис. Йөз вочасөн разөдчисны. Кильчө вылө колис морт куим-ө-нөль. «Да-а,— ышловзис кодкө челядь пөвстысь.— Олөны йөзыс. Став Питирсө киад кутны...» Опонь Коля чеччыштіс кильчө перилө вылысь, шпыньмуніс, лэдзис детиналысь бейсболкасө нырөдзыс: «Йөй на тэ, Ваньчик. Ковбойыс Питирсө весиг телевизор пыр на эз аддзывлы. Мун гортад, ковбой, коктө мыськы, ывлаась да вод узьны». — «А кытысь нө ставсө төдө: Смольнойяссө?» — «Смольнойтө и ме төда. Лесозаводын олө, важ керка пөлын. Гөтыр пыддиыс Пушка каньөс видзө».

Опонь Коль чеччыштіс пос помө, гораа сульсис кильчө боко да мөдөдчис гортланыс.

## ПӨДРУГА

Володь локтіс карө шойччыны.

Сійө тай нэмыс сідз: кодлы мый оз тырмы. Карса сиктө мунө, сиктсаөс карө кыскө. Отилы колө чөв-лөнь да пожөм сир дук, мөдлы — зык-шум да паськыд гаж, да мед некутшөм төдса аскинас эз шу: «Вот тай, яндысьтөм син, бара төрыт потшөсысь вит прасла кисьтөмыд да стынөс юрнад пөрөдөмыд. Абу али мый яндзим?»

Яндзим. Кыдз нө абу яндзим? Көть му пырыс мунан, лэдзас кө муыс. Сійөн Володь и локтіс. Босьтіс дыр нин чөжөм да гөтырысь дзевлалөм сьөмсө, пуксис пөпутка вылө, и карын нин тшолкөдө ки вомлөс сода каблукьяснас жуялөм асфальт кузя. Виль тюпеняс төлысь водз каблукьяс содтіс. Пельпом и рожа, эськө, шогмө, көть өні телевизорө, но тушанас гырысьджык чой-вок удзөдөмаось, абу удайтчөма. Весиг вокыс,

двёйни пөв сылөн, ыджыдджык кык сантиметрөн. Армияö ветліс и быдсөн, а Володьос эз босьтны: быдмышт пө, да көть десантö босьтам. Но и забеднö вöлі сэки. Локтіс гортас, батыс юасьö: «Но мый, босьтöны?» Володь муртса көм пöвнас эз лый сылы (самöй пöрчысьö вöлі): «Босьтасны кытчökö: количество йывсьыс думайтöмыд, а качествосö вунöдöмыд да!» Сэксянь и кутісны шуны сійос первой кол-во Володьон, сэсся Колволодьон.

Да. А карад нывъясыд, ачыд тöдан, бур вердаса вöv мам кодьось, дзоля вылад оз и видзöдлыны. Чиганитчöны. Но мед. Зато Володь кө көтны босьтчас, йöзыс чуралöны, оз бара Петросян ков.

Оліс карын Володьлөн друг, Иван. Кыз зырымсянь öтлаын быдмывлісны. Öти парта перечиннöй пуртөн вöлавлісны. Öтлаын школа сад йöрын доз юлісны, мед выпускнöй вылын эз жугыль босьт. Öткодь лöзъяс налы орчча сиктъясын ныласигөн тэчлісны. Сэсся олöмыс разöдіс: öтиыс дас во нин карын, мöдыс — сиктö кольччис. Гежöдика гожмөмяснас аддзысьлöны, важсö казтьывлöны, выльнас ошйысьöны. Көть ошйысьнысьö торъя нинöмөн. Некодыслөн двореч ни джуджыд мышка креслö абу. Сöмын дзоля удждонысь йирысь гөтыръяс да лов-мöд челядьон, кодъяслы сійö жö удждоныс муртса тырмö рушку тыртыштны да ситан сайöдыштны.

Но паныдасясны да ёна öта-мöдсö лыбзьöдласны. Иван ошйысьö дачаон да голякылысь «Запорожецнас». Володь — кыйöм-виёмөн да пыж-моторнас. А мый сэсся мужикъяслы колö? Көть торйöдчасны да вежалыштасны öта-мöдыслы, а юигас кыкнанныс озырöсь да пелькөсь: чиганлы вöv пыдди карнан вузалöны, ки пöвнас керкаяс разьöны да тшупöны. Век нин кокньöдыштлö лов вылад. Да и казтьывлантор кольö.

Ньöбис Володь лавкаысь еджыд доз да пиво гоз. Весиг та понда автобусö эз пуксьы, подөн муніс кар джынсö. Кузь каб-лукъяснад асфальт дйтшкөдöмысь кокчөръяс лыжалісны. Лифтö пыригөн нин думыштіс, мый Иван вермас не веськавны гортас гожъя луннад. Иван вöлі гортас. «О-о! Володь, друг!» — «Иван! Сё во!..» Тапкөдчыштісны, сувйыштісны öта-мöдöс бокъясас да, Иван нуöдіс Володьос веськыда кухняс.

Пызан вылын — осьса коньяк доз. Улас — ещö доз-мöд тыртöм. Помъясөн тырём клеёнка вылын — чегьялём нянь тупөсь, гырыся вундалём калбас, кык чусмөм стöкан да чабралём газетьяс. Иванлөн чужмөмыс пызан вывса газетьяс ко-

дьыс жө нямрасьом. Төдчө: сьолөмсяньыс нин юөма. Володьлы весиг юасьны эз ков, кызд другыс олө. «Медся бура!» — равөстис эськө Иван.

Пуксисны. Иван перйис виль стөкан, кисьтис аслыс да Володьлы джынийөн. «Но, юам!» — «Гөтырыд нө?» — «Курорталө челядькөд». — «А-а, сийөн и красуйтчан?» — «Хе-хе, мөд лун на. Войдөрлун колльөді. Рытнас гажтөм лоис да, суседөс кори. Төрыт ськөд жө пукалім».

Бырөдісны коньяктө. Володь лэптис ассьыс вайөмсө. Иван өтарө нимкодясис: «Но, молодец! Көть волынысө гөгөрвоөмыд». — «Да ме важөн нин көсья вөлі. Вай, меся, шыбита ставсө да ветла Иван дорө. Гөтырлы сідз и шуа век: меся, турун пуктытөдз Иван дорө ветла». — «Важөн нин колө вөлі. Дача вылө нуөдла. Овмөсөс петкөдла. Эн на өд аддзывлы?» — «Дась волөмөн видзөдла нин колкозтө».

Ветлісны содтысьны. Володьлөн кыв-вор воссьыны кутис. «Ок эськө, Вань, бура пукалам, но бабаястөгыд гажтөм». — «Володь! Бабаястө? Көть дасөс вайөда. Да вайөдөм оз ков: чукөста кө, керкаын бергөдчыны некөн лоө». — «Тайө тэ, Иван, содтыштін жө эськө да». — «Неуна, дерт, содтышти. Мый мианлы сы мындассьыс? Кыкыс тырмас». Володьлы эз вөв окота петны некытчө керкаысь, и бабаяс эз торья ковны, но сылөн шмоньсорөн шуөм кывьясьыс ыззьөдісны Иванөс: «Друг мортлы, да мед баба эг корсь? Лок, ветлам». «Кытчө?» — «Өтилаө».

Петісны ывлаө. Иван мунигмозык ньөбис коньяк, розаяс. «Карсаыд төдчө, — думыштіс Володь. — Мен кө, матере дай розаясьыс, сы пыдди эськө ещө доз босьтім». Иван пыртіс Володьөс кутшөмкө вит судтаа керкаө. Вель дыр звөнитчис сьөд клеенкаөн эжөм өдзөсө. Некод шы эз сет. «Хм. Абу гортас. Ветлам мөдлаө». Но и мөдлаас абу жө вөлөм туйсө лөз нойөн вольсалөма. Иван зумыштіс. Володь кутис нуөдчыны: «Ладнө, абуөсь кө и абуөсь. Мунам, тэ дорын пукалыштам». Иванлөн быттьө ылөдлөма другсө лоис, да пыксис: «Заводитім да корсям нин».

Сөмын рытгорув мудз да пөшти палялөм (көть и содтысьыштісны пөлысь-мөдысь) другьяс воисны өткөн сулалысь пу керка дорө. «Тані менам важ пөдруга олө, — шешмуніс Иван. — Пукалыштам, юыштам, да ме муна, ог кут гартласьны». Звөнокө кузя личкис, бергөдчис Володьлань: «Сөмын эн повзьы, абу дзык тыр сюсь бабаыс». Дзуркнитис өдзөс. Кодкө петіс посводзө. «Коді сэн?» — «Ме, Иван». — «Ваня», — пыдісянь лолыштісны өдзөс сайын эскытөг. «Ме, ме», — серөктыштіс Иван. Тэрмасьөмөн сяркнитис ключ. Иван

киняувті Володь аддзис нейджд тушаа пелькиник нылос. Тшук Володьысь ыджыдджык. «Ванечка!» — уськөдчис нылыс Иванлы сывъяс. «Энлы, энлы, — серөктыштіс Иван. — Ме абу өтнам. То менам дзолядырся друг, Володь». Мынтөдчис нывлөн азым киясысь да содтіс: «Өтлаын сиктса бус куртлім. А помнитан, Володь, Домна... Но-о! Кыкнан кок вылас тай хотө вөлі... Коркө чипос саяс кыйөдчөма: тшалакөн сизьдыштіс балябөжө, чи-панъяссө котрөдлөмысь». «Помнита, — нюмсермуніс и Володь, — сылысь войнас сэсся изйөн өшиньяссө пасыйим». — «Дерт, йөйөсь вөлім. Мый дон өтка пөчөыслы өшинь тэчөмыс сувтіс». — «Да-а, Митипер-суседыс эз өти лун сылысь винасө сысъяв».

Тайө сёрни-басниөн пырисны керкаө. Ныв, стөчджыка кө, ар 25-яса нывбаба, нуөдіс кухняө да лөньөдыштіс другъясөс: «Ш-ш-ш, Ванюшөс садьмөданныд». Иван серөктіс: «Ванюш?» «Да. Бать сертиыс нимті, — нывлөн синъясыс кызкө жугыла и долыда өтпырйө югнитісны. — Тэ көть төдмөдін мянөс, Иван». «Ме жө шулі нин: тайө — Володь». «Марина», — нывбаба нюжөдіс тшөтшыд чуныяса гөгрөс кисө. «Володь». И Марина пыр жө вунөдіс Володь йылысь, бергөдчис Иванлань: «Мый сэтшөм дыр эн волы? Кыздз нин олан?» — «Кыздз аддзан: кра-суйтча». Марина ышловзис да бара нюммуныштіс шкаплань стопкаясла бергөдчигмоз. «Кымын арөс пиыдлы?» — юалис Володь, мед кызкө тыртны сёрниын лөом костсө. «Вит кө-а?» — юалана видзөдліс Марина вылө Иван. «Нель». Сёрни сэсся эз и артмы. Володь эськө босьтчывліс сяркөдны анек-дотъяс. Но сералисны сідз-тадз, эз сьөлөмсянь. Марина синсө эз лэдзлы Иван вылысь. Иван мыйлакө педзис.

Асъядор Марина муніс мужикъяслы дждөжө вольсасыны. Иван мигнитіс Володьлы, довкнитіс юрнас жырлань: «Но мый, шогмө-оз?» Володь кыпөдыштіс пельпомсө: «Тэнад делө». Мариналөн вольсассис. Пырис кухняө: «Иван, ме тіянлы вольсали». Володь вылө бара эз видзөдлы, но сылы эз нин парскы. Радейтө нылыс, век на лача кутө. А Иванлы вөлөма өдзөс восьтылөм кодь. Эк-ма, олөм! И друг Володь гөгөрво-ис: муса сылы Маринаыс. Жаль и муса. И яндзим лои Иван пөнда.

Иван лэччысис ёна код улө да водіс. Марина пукаліс. Виччысис Володьлысь водөм. А, гашкө, и мунөмсө. «Быттьө өшкасьны вайөдіс. Абу лөсьыд», — думыштіс Володь, но чеччөм пыдди небыдика кутыштіс Маринаөс пельпомөдыс. Мөдыс эз петитчы, нөрөвтчис сы дөрө. Тіралө. Мужикъясысь тшыгъялөма, тыдалө. Кузя окыштчисны. Вывті кузя. Володьлөн сьөлөмыс

чеччис. Пöдiс лолыс. Нывбабалöн яйыс сыркъялис. Сылöн сьöлöм зутшкöмысь пельяс чуналисны.

Мырдöнмоз орöдчис Маринаысь Володь, вешйыштіс öшиньлань, видзöдліс югдысь ывлаö, пестіс куритчан. Куритчан чеччалис тіралысь чуньяс костын. Марина чöла сувтіс орччөн. Володь чунь соттöдз кыскыштіс чигаркасö, кусöдіс пöим дозйö да вöлисти бергöдчис сылань: «Но мый, мöдöдча, навернö...» «Кольччы. Кытчö войнас...?» — «Ог. Менам велавсьöма гортын узылыны...» — «Ачыд тöдан...» — «Ме доз джынсö босьта. Висьтав Иваныслы, кор садьмас». Малыштіс кагаос моз Маринаос юрöдыс, петіс.

Велавтöгыд öдва аддзис автопавильонлань петан туйсö. Пуксис павильондорса лабичö. Юыштіс штоп голяпомысь. Шевкнитіс лабич мышкö кияссö.

Асыввывсянь кыпöдчис шондi. Сявкнитіс югөръяссö зарни ордымъясөн кык керка костті. Ордымъяс пöлөн кузя нюжöдчисны вуджөръяс. Сильöбтіс медводдза лэбач.

Володь читкыртчыштіс шондiлань да нюммуніс.

Луныс пестысис мича.

## АДДЗЫСЬЛÖМ

Лена виччысис мужикыскöд автобус. Автобусыс дыр эз лок, да нывбаба вешйыштіс дзөръялыштны орчча ларёкъяс дорö. Вась кольчис. Лена шливкнитіс синнас төварьяс кузя. Нинöм торья бурсö эз аддзы да мöдöдчис бөр.

Друг водзвылас быйкнитіс мужик. Кисö паськөдöма. Жерьялö паськыд вомнас. Öтка-öтка пинь чурвидзö: кодкö аслас, кодкö көрт. Нывбаба вешйыштіс öтарö, мөдарö, но мужик бара потшис туйсö. Көсйис нин горöдны Васьлы, но мужик шыасис: «Эн öмöй тöд, Лена?!» Нывбаба сюся видзöдліс сы вылö.

Читкыр синьясыс быттьö тöдсаöсь. Чукрасьöм дөрöм-гачыс важөн нин абу исыштілöма васö, а тшöтьöсь чужöмыс — коса йыв. Вылыс льöбйыс вöйöма киссьöм пиньяс весьтас. Чужöмыс нөптөвтчöма. Син гураньяс улын — нопьяс. Чуньяс — лöz «чунькытшъясаöсь». Видзöднысö ар нелямын.

«Эн тöд? — бара юалис мужичöй. — Ме жö Сергей». Нюмыс вошлис, сэсся лои мыжа мортлөн кодь. Быттьö ылöдöмаöсь. Леналы тöд вылас уси пелькиник вöраса, быд кывйысь пель йылöдзыс гөрдöдысь зонка: «Сергей?! Тэ öмöй?» Эз эскыс-

сыы Леналы. Ёна нин торъяліс сійö зонсыыс тайö мужикыс. «Но, тöдін жö сэссия», — личалис серамöн мöдыс.

Во дас сайын, велöдчигас на юкис Лена öти жыр кык нывкöд. Сергей на дорö тшöкыда пыравліс. Эз торъя код вылö кö видзöдась, а сідз, кад коллявны. Пуксьывліс пельöсö, триньöд-чис гитараöн. Коркö и дозйöн воліс, но ачыс уна эз юлы.

Нывъяс велалисны сы дорö, лыддисны ас мортöн. Дерт, юалисны кö, кытысь зонмыс, вочавидзны нывъяс эськö эз вермыны. Кор да кызд тöдмасисны, кор медводдзаысь пуксис комната пельöсö гитараöн, эз нин помнитны. Воливлö и воливлö. Оз матькы, кок улын оз гартлась, некод дорö оз пысась. Да и лавкаö эм кодöс ыстывны, кор аслыд дыш пасьтасьны. Висьтавліс: уджалö кöнкö, олö висьысь мамкöд, гöтрасьны-котырасьны том на. А мый сэссия нывъяслы колö тöдны том морт йылысь?

Öтчыд сöмын асьсö тешкодя петкöдліс. Дыр сы бöрын нывъяс серавлісны-казьтывлісны. Пырис коркö Сергей на дорö. Гажа неуна. Вайис магнетофон да кык гöрд доз. Дозьяс — пызан вылö, маг — öшинь вылö: «Гуляйтам, нывъяс. Талун менам праздник». Горасьыс гораа включитіс магсö, тумбочкаысь лэптіс стöканьяс, абутöм буссö на пытшкысь пöльыштіс, кисьталіс. А нывъяс книга-тетрадьö сатшкысьöмаось. Экзамен матыстчö. Лена чеччис, чинтіс эралысь агрегатсö. Сергей бөр горзьöдіс. Лена бара чинтіс. Зон дузмуніс: «Музыкаыс оз кажитчы?!» Нывъяс весиг ыкöстны эз удитны: шургис-шыбитіс магсö öшинь сайö. Недыр пукалыштіс чöv. Жаль, буракö, лоöма. Лэччывліс да катöдіс бөр. Дыр зунясис-вöчис. Видліс: уджалö, кöть корпусыс пасьмунöма. Босьтіс киняулас и муніс. Кольöм винасö юисны экзамен бöрын. Сергейтөг. Сійö сэссия эз нин волы. Лөгасис, а гашкö, и яндзим лои.

Лена сулаліс. Эз тöд, мый йылысь сёрнитнысö. И Сергей чöv оліс. Лена шыасис водзджык: «Но, кызд олан?» Аслыс эз лöсьыд ло, быттьö ковтöмтор шуис. Сергей шешмуніс пиньтöм вомнас: «Ачыл аддзан: ставсьыс бура». — «Гöтыра?» — «Том нà, мам оз лэдз, — бара шешмуніс мöдыс да кутшöмкö гуся лачаöн юалис. — А тэ? Верöс сайын?» — «Да. То мужикöй сулалö». — «Эсійö?» — синбöжаліс Сергей. «Да». — «Челядь, кöнкö, эм?» — «Пи. Нель арöса». Сергей серöктыштіс: «Абу бара менö виччысьöмыд...». — «Мый нö сэки нинöм эн шу? Пышйин», — нюмъевтіс Лена бокö видзöдöмөн. Чöv усыны бара.

Котөрөн матыстчис Вась: «Он өмөй аддзы?! Автобусыс регыд вөрзяс...» Босьтис ки пөлөдыс, гогнитис Сергейлань юрнас: «А талы мый колө?» — «Тайө...» — «Но мунам. Некор», — ородис Вась да кыскыштіс гөтырсө. Лена довкнитыштіс Сергейлы да вөтчис Вась бөрся. Төвру Сергейөдз шыбитис Васьлысь кывъяссө: «Мый нө, бичыс доз вылө корис али мый?»

Автобус өшиньөд мыччысьліс ещө өтчид Леналөн мыгөрыс. Сійөс сайөдіс мужикыслөн руд курткаыс. Сергей карскөбтіс, кракольөн съолыштіс кок улас да сөдзөдіс: «Бычара...»

Орчөн мунысь дядьө бергөдчывліс сылань зумыша. Гөгөрвоис: эз сылы шуны, да муніс аслас туйөд.

## КОДА ЫРӨШ

Пөкмелля дырйиыд абу ёна нимкодь. Коді юліс, ас сертиыс төдө, а коді эз на видлы, йөзыслысь кывліс-аддзывліс. Ас көвъялөм висьөмөн эськө шуласны да. Йөз көвъялөм, көть ас көвъялөм, висьөмыд — век жө нин висьөм. Татшөм асывъяснас Олексей кымынысь нин көсйысьліс шыбитны юөмсө, но век кызкө эз артмывлы, бур другъясыд да сьөлөма пөчөясыд тай эмось на, сур стөкантө мыччысьясыд. Мукоддырйи Олексей вежонъясөдз бурдөдчас, оз кө гөтырыс кутшөмкө кипельөн бурдөдчан курссө дугөд.

Со и талун, асывнас, юрсө видліс лэптыны пөлатысь, но балябөжас быттьө нөшкөн дзенкнитісны: бөр ковмис водны. «Эз-ө бара гөтыр санөд?» Но йиркас видзөдліс, сэсся боквыв синсө көсөйтліс да гөгөрвоис Олексей: абу гортас. «Код лешакас нө уссьөма? Гашкө, Пиля Прокоын? Абу. Налөн паччөрыс киссьөма. Али Ольө Марьяын? Сылөн, буракө, йиркыс краситтөм. Гашкө, Вась Олексаньясын да? Сылөн бара жө пөлатыс абу: роч ногөн керкасө вөчөма. Сигөрас вөв юрсө төлысь вөлаліс, весиг удж вылас лун-мөд эз петавлы: сьөд удж понда пө искусствоысь ог лэдзчысьөй. Тувъявнысө тай оз жө тэрмась, юр пө бергөдчө да ог лысьт керка вевт вылас кавшасьнысө. Дерт, бергөдчас, он кө палявлы. Штопыс вом дорсьыс оз мынлы, весиг туй вывті мунө да «някасьө». Вот сэсся вөлыд и сісьмө кильчө бокас во-мөд нин... Кодлыськө юавны эськө, да некод керкаас абу».

Олексей ымөстіс, гашкө, кодкө шыасяс. «Кулөмаось кө-а?» Ковмис ньөжйөник лэччыны. Коксө паччөр пос вылө

пуктіс да, бара нөшкөн жбоньобтісны. Пукалыштіс. Мөд коксө лэдзис. Синсьыс би сьавкнитіс. «Сё морө, чорыда жө төкаритсьөма. Мыйкө бара кольыштіс-эз?» Джоджө сувтөм бөрын синмаліс жырсө: «А-а, Оңдрей Ёгор дөва ордын тай узьсьөма. Но, өні гөтыр певьялас». Дерт, эськө, Оңдрей Ёгор гөтыр во дас нин пенсия босьтө, да йөй бабаыдлы висьтав көть эн, вежөгтө быд сюръя дорө, спокой абу. Сійөн Олексей и муніс төрыт новоселльө справляйтанинсьыс. Гөтырыс Чими Катя вылө вувтіс. (Сэсся некодос нин тошалыштны оз позь.) Матьвоети пө, юксөй метөг, бөрас висьталаннөд, кодлысь коксө бурджыка шонта, да мөдөдчис керкаысь керкаө «көвтчыны». Бара на со гөтыр пондаыс юр висьөмтө корсис.

«Көні бара көзьяйкаыс?» Олексей муныштіс пач бокө кутчысьөмөн да пач вомысь казьяліс ведра. Гудыр ва, веркөсас нянь торьяс гөвкьялөны.

«Но, кода ырөш шутны лөсьөдчөма»,— копыртчис да исыштіс. Пөкмеллянад нырысыс вошөма, некутшөм дук эз кыв. Ырснитіс. Шома, нянь көра. «Хм!» Вель дыр кежлө сибдывліс ведра дорас. Весиг быттө юрас кайыштіс. Дерт, шоныд, сөмын на гудралөма да, дільквайөдыштө. Да и градусыс этшаджык. Но мед. Шомыс пытшкас шузяс на. «Пыртөдзыс колө унджык лөсыштны: бабаыс топыд да, оз кисьт». Литра куим ещө юис. Сэсся шомыс пыдөссьыс мөдөдчис да, сьөкыд лои юнысө. Недыр няклялыштіс суксө да пуксис пачводзө куритчыны. Сьөлөмсяныыс шпуткис чигарка. Пөкмелля эз нин вөв. Сөмын пытшкөссө гудрөдлыштіс. Öні и гөтырыдлөн кабырыс веськодь, позьө гортө мунны.

Пырис көзьяйка. Олексей лышкыда нюммуніс:

— Добрым утром!

— Мый нө сэтшөм нимкодь? Пөкмелитчыны нин удитін?

— Удиті бара, ми йөз сюсьөсь.

Көзьяйка кыйкнитліс джаджйө: «Тройнөй» доз вөлі тыра.

— Сьөрсьыд тай нө эз вөв нинөм?

— Вөлі ли, эз ли сэсся...— Ален Делон моз нюмдіс Олексей да өдйөджык уйкнитіс өдзөсө (өдвакө ырөшсө сылы шутлісны).

Гортланыыс матыстчигөн Олексейлөн сьөлөмыс ыркмуніс, кыз на гөтырыс видзөдлас бокрын узьлөм вылад, мыйөн виччысьө: укватөн али өщөпекөн? Бокө кежис мир туй вылысь да ыліті кытшовтіс позсө. Сэсся мөдысь да коймөдысь. Квайтөд кытш борын ас вылас чорыда матьөктіс да шуис еджыд дөрапас лэптыны: мый лоан — ло. Чорыд осььколөн мөдөдчис гортас, пырис пөшти маршируйтөмөн, чужйөмөн осььтіс өдзөссө:

— Но, гөтыр-мөтыр, дерт жө нин, тэ вермин Чими Каясө-а, тэ дорө локті.

— Көні нө молодечыс мян жөникаліс? — вывті нин небыда да юмола шыасис гөтырыс.

— Тэд нө кутшөм мог? — шөйөвошыштис, но збояліс Олексей.— Ондрей Ёгор дөва ордын тай шөйчыссьөма.

— Сэсся нө вольпасыс небыдджык али сөян-юаныс сылөн чөскыдджык?

— Кыкнаныс шогмө. Наперво тай эз на гөтыр моз пөкмелитчансө топөд-а. Юртө пө веськөд, Олексеюшка, да сідз нин мун,— тшөтясис Олексей.

— Менам өд помөйыд эм жө...

— Кутшөм помөй?

— А сэтшөм! — эз нин вермы сэсся кутчысьнысө гөтырыс.— Пөкмелитас тэнө кодкө, мисьтөм бугыльөс! Сиктыс ставнас нин сёрнитө, мый дөвабыслысь порсьпиянсө удзөдөмыд. Лавкаын менсьым юасьө: мужикыд пө ведра помөй юөма да мыйөн вештысьнысө кутан?!

Тан Олексейөс и шөгөдіс. Оні на, шуөны, жугыль ветлөдлө, весиг лавка винасө первой гөсьтьяслы кисьтө: оз-ө найө казьяны мыйкө.

## ГӨРД КЛЮЧ

Ваыс сьяльгө. Вужьяс да изьяс костті пискөдчөмысь инас өшйитөм морт кодь, сөнөд, зэвтчөма.

Квайтөд сутки вылө мөдөдчис. Али нельөд на?

Некымынысь гумсьывліс да, ва сапөгыс зыртис коксө. Ковмис пөрччысьны да сувтны косьтысьны. Колөкө, мыйтта на мунны ковмас. Гаддялас кө, некытчө он волы, татчө и шуймунан. Нямөдьяссө пыдзраліс да өшөдіс ув вылө. Вөсни носкисө шамыртис раз-мөдысь да паськөдіс колода вылө. Кокьяс васьыс чукрасьөмаөсь нин. Гөгөр видзөдліс: оськов дас сайысь казьяліс вужля. Матыстчис. Пуыс пөригас кульыштөма нитшсө да эрдөдөма еджыд лыа. Гож водзын лыаыс доналөма. Пуксис мышнас вужля вылө нөрөвтчөмөн, коксө тыртыштис пөсь лыанас. Кок шоналіс быттьө паччөрысь босьтөм гын сапөг пиын. Эз и төдлы, вугыртис.

Чужөм вылас ар даса кымын. Туша-мода сертиыс — гашкө и, ыджыдджык. Вежон сайын кайис вөрө вотчыны. Отнас.

Көсийс вөр туй боқысь чөд вотяштны мамыслөн удж выльсь локтігкежлө. Вокыс сыкөд вөзйысис да, эз босьт: дзоля на, куим арөс сөмын, повзьөдіс ошкөн, тшөктіс өшиньөд видзөдны.

Туй бокын муртса битон пыдөссө сайөдыштіс. Чөдйид ньөжйіө содө. Ачыс эз казявлы, пырис пыдөджык и пыдөджык. Шондіыс рытъя югыдөн нин югдөдіс вөрсө, кор казяліс, мый бокө вешйөма. Көн пө и туйыс?

Отарө-мөдарө шыбласьыштөм бөрын гөгөрвоис пу йылө кайлыны. Но увтөм пожөмыд тай абу өшинь увса льөмйид. Вель дыр кавшасис. Дзик йылөдзыс сідз эз и лысьт кайнысө: пожөмыс, гашкө, дас метраөн на вөлі джуджыдджык орчча пуяссьыс. Выліас видзөдліс. Пыдөстөм енэж лөзалө. Кымөрторъяс кытшөн котөртөны. Пожөм туганыс төвсьыс бергалө. Ыркмуніс морөсас. Юрыс кольмис. Кажитчис, быттёо пожөмнас и ставнас увлань юрөн пыдөстөм енэжас усьө. Лөньөдыштіс асьсө неуна, ещө вож куим кыпөдчыштіс да горув видзөдліс. Гежөд увъяс костті еджыд кинь кодь тыдаліс битоныс. Кокъяс шашаритчисны кос ув помъясө. Кок сөнъяс то зэлавласны, то личавласны. Гөг дортіыс кынөмыс посныдыка тіралыштө. Бара на асьсө лөньөдіс да видзөдліс гөгөр. Став полөмыс вуні. Дзик кок увсяньыс шылькнитчөма вөр. Матынджык турунвиж, местаөн пуксьысь шондісьыс гөрд, да весиг зарни рөма. Енэжтаслань лөзөдө да вочасөн руө вуджө. Вералө ылын вөр дорышыс: матыстчывлас, ылыстчывлас, быттёо ыджыд-ыджыд ловъя лов гөрда-лөза вонйын. Татшөмыс некымынысь вөвліс нин керка вевт вывсянь либө ыб вывсянь видзөдігөн. Но өні ставыс орччөн: оськовтан кө, поэяс кузяла мунны пу йывъясысь артмөм эрд вывті некытчө мытшасьытөг, кытчөдз лөз руөдзыс он во. А сэні мый лоө, и чайтнытө он куж. Мыйкө сэтшөмтор, мыйысь вөтөн лэбалігөн ыркмунлө сьөлөмыд.

Дыр на, колөкө, вомсө паськөдөмөн сулаліс, но төд вылас уськөдіс, мый эз шензьыны кай, да мөд синмөн нин видзөдліс гөгөр. Дыр мысти казяліс ылыськодь туй визь сяма. Пу йывъясыс сэн лайкалісны кузь чукыльөн. Ёдвакө татшөм чукляйд – вөр туй, но мыйкө өд колө вөчны. Лэччис, босьтіс битонсө да мөдөдчис лайковлань нырөн. Ылісянь на кыліс валысь сьяльгөмсө. Матыстчис. Пуяс костөд чукльөдлөмөн визувтіс неыджыд шор. Муртса, весьт пасьята тыдыштө, дзевсьөма турун да ош нитш пөвстө. Көнсюрө дзик вошлө нитш улө. «...визув кузяыс лэччы, кытчөкө шорыд век нин петкөдас».

Квайт сутки муніс шор пӧлӧн. Первойсӧ ворсӧмкодъ вӧлі. Сэсса кымын водзӧ, сымын шуштӧмджык и шуштӧмджык кутіс лоны. Вӧрыс эз нин сэтшӧм гажаӧн кажитчы, кӧть луньясыс ӧткодь шондіаӧсь вӧліны. Дӧзмӧдчисны номъяс. Шор бокасыс кымӧръясӧн кыпӧдчывлісны, сатшкысылісны чужӧмӧ да киясӧ. Бур, мый ном чышъянсӧ босьтіс, эськӧ, дзикӧдз нин вильӧдісны. Сутки мучитчӧм бӧрын гӧгӧрвоис сюмӧд турушка бедъ йылӧ пысавны. Ӧні кӧть син курӧдіс, номъяс эзджык самасыны.

Мӧд ли коймӧд луннас кутіс сӧрни шыяс кывны. Лунтыр горзіс, сулаліс ӧтилаын, виччисис: оз-ӧ кодкӧ пет вӧрсьыс туй индысь. Петысь некод эз ло. Бара гӧгӧрвоис, мый ном зыньгӧмысь да шор сяльгӧмысь шыясыс каститчисны. Сэсса эз нин горзы, кӧть кадысь кадӧ весиг торъя кывъяс кывліс. Вель унаысь мамыс шыасьліс, быттьӧ дзик орччӧн, мыш саяс. Лӧниника сідз нимнас чуксаліс, кыз тай висигъясӧ, кор орччӧн войяснас пукавліс. Кутчисис, эз бергӧдчы.

Нельӧд луннас гӧгӧрвоис, кыз шыясысь мездысьны: тӧд вылас уськӧдліс кутшӧмкӧ сьыланкыв да войдӧр ачыс сьыліс, а сэсса, дугдӧм бӧрас, шор сяльгӧм, ном зыньгӧм да пу шувгӧм радио моз нюжӧдлісны сьылансӧ. Сэсса тадзитӧ дышӧдіс жӧ. Мыйлакӧ куим-ӧ-нель сьыланкыв куш юрас бергаліс, вель унаӧс эськӧ вӧлі тӧдӧ да. Бӧръя луньяссӧ муніс да кывбуръяс лыддис.

Медся нин гажтӧм лоліс войнас. Ӧти вой узис ноддя дорын, мукӧд войсӧ сӧмын бипур пестывліс. Бур кос колодаыд оз быдлаысь сюр, а кондаыд и уна, да кань кодзан пуртнад тай он пӧрӧд ни чинты. Би гӧгӧр, воськов куим кымын югзьывліс, а сьӧд пуяс личкысылісны, ӧшйывлісны весьтас. Вуджӧр саяс ӧтторъя кыліс шӧпкӧм, а балябӧжас кодкӧ дугдывтӧг видзӧдіс. Та вӧсна узьмӧдчывліс вужля либӧ кыз пу бокӧ, мед кӧть мышсяныыс асьсӧ сайӧдыштны. Унаысь садьмывліс пу дзуртыштӧмысь, сюзь серӧктӧмысь либӧ кор лысва усигӧн йирмӧг босьтіс. Выльысь ӧзтывліс либӧ лӧдсыштіс бисӧ, мед ещӧ ӧти час джын кежлӧ ойбыртлыны.

Садьмис. Шонді бергӧдчӧма нин. Вӧрыс лӧньӧма. Час нель кымын шонді сертиыс. Пӧль кӧ, стӧча висьталіс да, он тай юав. Позьӧ на муныштны. Латш косьмӧма. Нямӧд шупалӧма. Кӧм пытшкыс ва на. Мед, регыд узьмӧдчыны жӧ ковмас-а. Мӧдӧдчис. Кокчӧръясыс доймӧны. Кияс мудзӧмаӧсь, кӧть битоныс джынъя. Чӧдсӧ содталыштӧ вочасӧн мунігмоз, но корсюрӧ, оз вермы кутчысьны да, ки тырнас апыштілӧ. Сакар

да кык шөрөм нянь босьтліс, сэйліс медводдза луннас на. Сэссия сөмын шорысь гөрдов, тшай рөма ваон да чөдйөн ылөдліс кынөм сьумалөмсө. Битон джынсө эз вөрзьөд. Мамыслы видзис. Он өд вөрсьыс куш кион пет.

Кыліс кутшөмкө дзизгөм шы. Виль пөлөс. Ном зыньгөм кодь, но гораджык. Бара каститчө? Оз, буракө. Сувтовкерис. Мотор шы? Пыж мотор? Збыль, шуйгавыв кыліс мотор шы. Кысь нө пыжыс вөрас босьтчис? Ю сыланьын? Уськөдчис котөртны. Кокъяс джөмдалісны, крукасьлісны, эз кывзысьны. Коліс эськө пудъя сапөгъяссө пөрччыны. Ва көм пукаліс топыда, эз шед. Джынвийө кыскис өтисө, а сэссия бөрө ни водзө. Мунас, кывтас пыжыс. Пөрччыны ни көмавны көмсө. Чотігтыр уськөдчис водзө. Битоныс гольөдіс пуясө. Вевтыс лэбис бокө. Некор лэптынысө. Колясны. Мунасны. Мотор лөкысь эрөбтіс да ланьтіс. Шпонкаыс ори. Сла-бог! Петны. Петны вөрсьыс. Ю кө орччөн, гашкө, лоас на пыжаыд. Морөспань улын кутіс бытшкыны. Водзын югзьыштіс. Кыдз пуяс. Видз. Кузь туруныс швачөдіс пыкталөм чужөмө да киясө, гартчис кок гөгөр. Көмысь некыдз мынтөдчыны. Дзирдыштіс. Кодкө ноксьө ю бокин.

— Эн кольөй! Виччысьлөй! — думсьыс горзө. Но сөмын кишкөм горзөм пыдди. Синва пычөбтіс. Руаліс водзвылыс. Синсө саөсь кинас чышкалө, но руыс оз вош: квайт луннад уна нин чөжсьөма.

— Эн кольөй!

Кодкө босьтіс сійөс мездорас:

— Абу-ө Сьөдтыдорысь вошлөм детинаыс?! Кыдз нө сизимдас верстсө мунін?

— Эн кольөй! — төдө, мый оз эновтны, но сыркъялө, дугдынысө оз вермы.

— Мамыд өд кык лунөн дзормөма. Аттө! Сизимдас верст.

— Битоныс... мамөлы... чөдсө... воклы вотлі... вошті битонсө... эн кольөй...

## ПЫШЪЯЛЫСЬ

Вась Миколай вөрысь лөктөмянь коймөд лун ветлөдліс зумыш. Киас некутшөм удж эз өшйы. Весиг гөтырөн ломтөм жар пывсяныс эз отсав: Миколай дышпырысь шлуп-шляпкерис корөсьөн, эз весиг мыссьы, киськасис да петіс пөварняө. Дыр

пукаліс юрсö лэдзöмөн. Мыш кузяыс йирмөг визлавны кутіс да, вöлисти гөгөрвоис пасьтасьны. Гортас кайис пывсянсьыс. Юрсисö эз сынышт ни ки чышкөдсö пельпом вывсьыс тувйö эз öшөд, сідз и пуксис пызан сайö: «Вай послебаннöйсö». Гөтыр, кыв ни джын, вайис еджыд доз. Мөдös на Миколай корис да юис. Чöла, стöкан бöрся стöкан. Петіс ывлаö куритчыны. Гөтыр видзöдіс мужикыслөн син гөгөрсä лözьяс вылас, но нинөм эз юась: пьсьтас коркө да, ачыс висьтась. Комын во öтлаад олігөн сёрни оз ков, сідз гөгөрвоан. Вась Миколай матö кызь вит во прöмысловикөн. Вöрад быдторйыс овлö. Тшöкыдджыка вольвліс мудз, да пывсян бöрын варовмывліс, небзьывліс. Воліс и скөрөн, кор мыйкө эз артмывлы. Но татшöмнас гежöда Миколайсö бабаыс аддзывліс.

Тöлысь эз волы гортас Вась Миколай, төв кежлö лösьöдчис. Неыджыд Косьтан ю пölөн сьлөн сулаліс куим керка. Колö вöлі быд керкаö разöдны припасьяс: шыдös, сукар, пуля-порок, кос яй да картопель. Сэсся горув керка дорас выль пывсян лэптіс. Лым пиад собалөм бöрад добра! — пывсяныд. Ещö öтчыд шуис Миколай кайлыны вылыс керкаöдз, нуны öттормөдтор. Шонді петтöдз на чеччис, пузьöдіс тшай, паньыштіс тöрытья юква коляс, чукöстіс понсö, нопьясис да петіс туйö.

Вирсов бура тöдіс вöрсö. Унаысь таладорын вöравліс, чери кыйны катліс Косьтан да Вуква юяс кузя. Весиг вит во Кöзьяин вылö уджалөм абу вуштöма паметьсьыс тöдса пасьяссö да ордымьяссö. Йöйталіс, дерт. Эз ков тадзи вöчнысö. Но öні сёр нин. Мый лоны — лои. Сöмын ментьяслы оз ков сетчыны. Öні ловйөн кө сюран, став лөгсö сы вылö койыштасны, асьыныс узьтөм войяссö, и зьртөм коксö, и полөмсö казьтыштасны. Колö жö вöлі тайö старукасö тотшкыны. И босьтнысö öд пöрысь вижляыслөн нинөм эз вöv. Вина чекушка да тубрасын кызь шайт. Но, тыдалö, вöляыс да винаыс юрсö кольмөдісны. Гортöдзыс кө воис, гашкө, и сайкалыштіс. Гөтрасис эськө чигья баба вылö. Но сконьясис. Гортас воис пышьялысьөн нин. Весиг мамсö эз аддзывлы, чуланьсь босьтіс централка, перйис батьыс дзебасысь мелко, нопйö чөвтис вит пачка патрон, пара нянь тупösь, мешök сакар, тувкнитіс дзоля воксö морösас: «Тэ менö эн аддзывлы. Гөгөрвоин?» Мöдыс сöмын довкнитіс юрнас. Та дыра кежлö и воліс гортас Вирсов.

Войсь дыр нин дзебсясьö вöрын. Ментьяс, эськө, вöтлысьöны, но пармаыд паськыд. Öтчыд сöмын бöж вылас

пуксывлісны. Куимён вёліны. Понъяёсь. Автоматъясаёсь. Муртса эз сюр сэки. Лэччис Вуква дорё. Мёдлапёлас вуграсис мужик. Джинсыа, прёстой дөрёма. Дерт, абу татчос мужикъяс кодъ, но код тодас, гашкё и, карса госьт отпускалө. Матыстчис Вирсов береглань, кёсийс нянь корыштны, но кустъяс пивысь ещө кыкөн петісны, понйон. Казялөмаёсь. Горөдчисны. Вирсов шыбитчис вөрө. Гутшнитіс автомат. Выліті мунісны пуляясыс. «Повзьөдлөны на», — такөдыштіс асьсө Вирсов. Кайис яг нөрыс вылө да видзөдліс бөрлань. Пуяс костті лөсыда тыдаліс, кызд ментъяс вуджисны юсө, видз вылын шыбитчисны кыв-мөдөн да торйөдчисны. Шөрсаыс усьнитіс понсө. Вирсовлөн кодзавліс морөспань улыс: «Понйыс кө суас, труба». Пон кайис ыджыда чеччалөмөн, дзик көин кодъ, сөмын гөныс пемыдджык. Вирсов уськөдчис нитш вылө, тэрмасьөмөн кыйис мелко стволнас пон мыгөрсө да небыдика личкыштіс спускөвой крүчок вылас. Татшнитіс винтовка, сьөла моз шпоркнитіс пуля. Пон сангысис нырнас муө да куим-ө-нөлысь лявөстіс. «Эк! Раниті, буракө, сөмын. Но мед. Талөн ме бөрся вөтлыссис». Душ-мөдысь сяркнитіс на бөрас, но понтөг та пасьта вөрсьыд өти морттө өдвакө аддзан...

Төвбыд Вирсов ветлөдліс вөр керкаясөд. Сёян тырмис. Вөралысьяслөн запасьяс вылын не өти мортлы позьө овны. Сюрліс лыйны и пөтка, весиг кодсюрөлы керкаас на кольліс сёянсьыс вештысигмоз. Дерт, вермис кыйсьысь шөрө веськавны, но коді сійөс өні тодас? Тош быдтіс, босьталіс өтилаясь да мөдлаысь шоныд паськөм, лызь. Оз кө земляк паныдась, век нин позяс ылалөм вөралысьөн висьтасыны. Сідз төлыс и колис. Тулысланьыс кокньөдыштіс. Воис гожөм. Корсьөмысь, дерт, эз эновтчыны, но дышпырысь нин, көнкө, корсьөны. Гожөм шөрланьыс Вирсов овмөдчис Сизим козьяө, век нин йөз син водзысь бокин. Вөчис землянка, гөгөрыс кодйис траншея да ячейкаяс. Армияыд тай мыйсюрө сетөма жө. Видлы өні босьтны!

Мөд луннас Вась Миколай воис вылыс керкаөдз рытгоров. Кодкө неважөн на волөма. Бипур бокин тушонка банкаяс туплясьөны. Пөварняысь бур моздор пес сотөмаёсь. «Роч, буракө, водзөстө абу гөгөрвоөма керавны». Керкаө пырис да, юрсиыс сувтіс: кодкө петкөдөма став припассө. Мешөк кос нянь, кос яй, кос картопель... Вась Миколай видзөдліс тыртөм джаджйө, пуксис лабич вылө да сьөдасьмөныс матькис. «Эмось жө кузь киа йөзыд. Да өд өнія кадө кос нянь он жө гусяв, сө

едреналять!? Дзикөдз яндзимсө йөзых воштөмаөсь!» Тшамъяис кушмөма жө, но вөчны нинөм. Ломтис пач, пуис шыд, сөйис, вердис понсө да водис узыны. Войнас садьмөдис понлөн лөкысь увтөмыс. «Мый нө жангө!» — горөдыштіс керкасянь да петис ывлаө.

Пон сулаліс керкасянь метра кызь ылнаын да камгис-увтіс вөрө, корсюрө эрышталөмөн. «Ош ли, морт ли», — бергөдчис Миколайлөн юрас. Котөрөн пыравліс керкаас, кыкнан стволас сюйис пуля патрон, горөдіс пон увтанінлань: «Код машкадилө ветлө?!» Вөрсянь воча горөдісны: «Дыр узян, көзяин!» — «Мый он чукөстчы? Лыйи кө нө?» Миколай өлөдіс понсө. Пон лөнис, но дыр на мурөсталіс воысь морт ылө. Миколай лөдсаліс пачсө, шонтіс тшай да шыд. Эз юась нинөм воысь мортлысь, сөмын сюся синмаліс. Ковмас кө, висьтасяс. Морт висьтасьны эз тэрмась. Шуис сөмын, мый коксө мургыльтіс. Тошка. Няйтыс чужөм ылас тшупөда. Паськөмыс, буракө, ылас сісьмыны заводитөма. Абу кыйсьысь кодь. Вошөм мортөн он жө шу. Татшөм сувтса синматө көть изьялөмөн ваө шыбит, шегсьыс пыдө оз вөй.

Шуйга кокыс вель ыджыда пыктөма. Миколай шонтіс ва, кыскыштіс воөм мортлысь кок лапасө, да майтөга ваөн зыралөм бөрын зэлыда төбис важ дөрөмөн. Гөсьт сөйис бурпөт да нюжөдчис нар ылө. Ёна мудзөма, весиг шкорөбтывлө. Зато Миколайлы эз узьсы. Сійө дыр пукаліс пызан сайын, куритчис. «Вежаягысь кө Вирсовыс и эм-а. Во гөгөр кыйны оз вермыны. А сійө со мый вөчө, керкаяс ректө. Көртавын колө да лэччөдны. Да өд ылын. Матайтчан». Узьысь мыйкө нурбыльтіс ун йывсьыс, шеныштіс кинас. Кыис өшөдчис нар вывсянь. Килутшас вит чут. Сои лыясыс вөснийсь, ки мышкас лөзалөны сөнъясыс. Челядь. Он и чайт, мый татшөм киөн позьө лөк вөчны. Но пөдтіс жалсьө Миколай.

Асывводзнас садьмис Вирсов кисө пєслалөмысь. Дыр эз вермы нинөм гөгөрвоны. Узьлытөм войяс да кык сутки чөж кокнас маитчөм бөрад ылөдлөма онялысь керкайд, небзьөдөма лысьөмсө, ланьтөдөма полөмсө. Көсийс мынтөдчыны Вирсов, но сєр нин. «Ок тэ, сука! — сөмын и артмис сылөн. — Ме тэ дорө морт дорө моз, а тэ...!?» — «Морт дорө моз кө локтін, керкасө эн ректы». — «Ме ректі? Сөмын локті да!» — «Чеччы, эн тшөкөлдывайт». — «Ог. Тадз и кута куйлыны». — «Чеччы. Пезьгөда да, морт оз төдлы». Ковмис Вирсовлы чеччыны. «Көн пицальыд?» — «Ме ружьетөм». — «Эн ылөдлы. Висьталісны, кык стволөн пө ветлан». Ковмис петкөдлыны.

Миколай босьтіс вужля улё скойыштём мелко да двустволка, тасалис керкасё, нопъясис да мөдөдчис горув керкалань. Көрталём кинад да доймысь кокнад он өддзы. Ковмис лэччыны горув керкаөдз матё нель сутки. Кадысь кадё Миколай разьльвліс Вирсовлысь кияссё, мед вирыс оз сувт. Кык вой узисны ноддя бокин мыш на мыш, өти вой — шөр керкаын. Кодкө и сэн удитөма пакөститны: теш туйё сёянысь кольөма сөмын сов чуман. «Тайё, шу, абу жё тэнад уджыс?» — «Тэнад чөс туйё, мися, эг на волы да, курва!» — «Час, волам да, сэн петкөдласны, коді курваыс». Вирсов сөмын герчнитіс пиньнас.

Горув керка дорысь Вась Миколай виччысьтөг суис куим оперөс. Асывнас көйёны нин вөлөм водзё мунны. Миколайёс недыр юасисны, кыдз-мый пышъялысьёс кутөма, сэсся өти на пивысь, капитанөн висьтасис, тапкөдыштіс пельпомас: «Кыйсьысь вылө и звер локтө». Виль пивсянын бурпөт пивсьөм бөрын небзьөм-личөдчөм оперьяс көзяинкөд сёр войөдз пукалісны пызан сайын, юисны сук тшай. Дзэбасысь Вась Миколай перйис водкатор. Сюрис доз и госьтьяслөн. Ёнджикасё Миколайкөд капитан сёрнитіс, ёртъясыс чөвджыкось вөлісны. «Но, өні виччысь, Николай Васильевич, медаль либө орден. Лазьяд көть өні розьсө вөч. Ошъясыд асьныс кутасны чөс туй вылад лапасё лэптөмөн петны». — «Узьысьтө көртавны — абу ыджыд геройство», — яндысьыштөмөн нурбыльтіс Миколай. Эз быттьө лөсьыд вөв Вирсов водзын. Виль кытш вөчигөн көзяин кисьтіс кружка пыдөсө водка да сетіс пышъялысьлы. «Эн сет, аслыным этша, а жуликөс юкталан», — өлөдіс капитан. «Мед пивсян бөрас юыштас. Сэсся, гашкө, мый дыра оз видлы». Вирсов юис, исыштіс кабырсө да сөдзөдіс: «Мый? Сөвесьтыд йирө? Пета да, аддзысьлам на». Миколайлы парскисны пышъялысьлөн кывъясыс: «Мортлы моз вина кисьті, а ещө и грөзитчө. Аттьө шу, мый керкаясөс ректөмсьыд плешкад пуляөн эг дзенгы». — «Кутшөм керкаяс ректіс?» — «Вылыс керкаясысь төвся припассө петкөдөма кушөдз». — «Вөр керкаяссьыд шуан?» — «Да. Арбыд катлі, верма ли, ог ли». — «Сійөс өд ми петкөдлім». Миколай гөгөрвотөма видзөдліс оперьяс вылө: «Кыдзи ті?» — «А сідзи. Мед этайё жуликыс эз тшөгөдчы». — «Ті?.. Ме арбыд катлі... Вермытөм кокөн...» — некыдз на эз вермы гөгөрвоны Миколай. «Хе-хе-хе, тэ өд пара йөра уськөдан да, бара на припасыд лоө», — не кад вылө шмонитіс гажмыштөм капитан. Вась Миколай кыпөдчывліс, сэсся сьөкыда бөр пуксис лабич вылө да лөня шуис: «Петөй керкасьыс, мед дукныд тані эз

вөв». — «Пывсян бөрын өд он жö ывлаө вөтлы», — век на шмоньвыв вуджөдны зилис капитан. Вась Миколай шуркнитис пызан вылысь вина кружкасö капитанлы чужөмас да равөстис: «Шеть татысь, мися!!!»

Капитан вувтис Миколай вылө. Оперьяс уськөдчисны дорйысьны. А Вирсов пукалис нар вылын, пыдi пельөсын да вак-вакөн сералис. А мый ещö колис сылы вöчны?

## ФИЛОСОФ

Вась дядь юышталис тшөкыда. Гашкө, ёнджыкасö, мед висьөмсö вунөдны. Шыблалан висьөм вөдитис өкмыс во. Армия бөрас босьтис. Мам кулөм бөрын олісны батыскөд кыкөн. Чой-вок важөн нин сюрөсаось, а сійö сідз эз и гөтрась: нинөм пö бабасö смекайтны. Пельтөм батыскөд ёна сёрни эз артмывлы. Быть йөзад пет. Сэссия дыр юөмьяс бөрад чорыдакодь висьөдіс. Но өд йөзкөд юан, а йөзыдкөд кокниджык.

Томнас Вась дядь вөлі зэв сибыд. Морт вылө кинас эз волы, да и челядь сы дорысь эз вешйывлы. Ёна радейтис вөрö ветлыны либö вуграсьны. Дядьөн шуысьяссö унаысь босьтліс сьёрсыс. Но висьөмыд көвьясис да, аслыс видзысь ковмис: садьсö воштывлөм бөрын мунö, ачыс оз төд кытчö. Некод кө орччөн эз вөв, важөн нин вошис. Дядьөн шуысьяссöс дугдісны ськөд лэдзны. Йөз кутисны өтдортчыны. Да и ачыс дугдіс пөтавлыны гортсыс садь юрнас. Лыддысис либö гижалис мыйкө кыз тетрадьö, кодöс мортлы эз петкөдлы.

Во куим сайын Вась дядьöс Философөн нимтісны. Свадьба, колльөдчөм, празник — Вась дядь йөзö петö. Юыштас да куритчысь том йөз дорö матыстчö. Синмалас кодөскö, сувтас паныдөн: «Вот мый тэ олөм йывсьыс думайтан? Тэ чайтан, тадз и эм? Олан-олан дай кулан? Абу-у! Мортыс өд вечнөй. Мортыс оз кув. Сійö космической лоö. Мекөд, кор висьма, найö век сёрнитöны: тайö тэнад абу висьөм, мөд ногыс йитчынысö тэкөд ог вермөй да, быть лоö висьмөдны. Сөмын пö тэ вылө став надея. Ся некод космосас сарнас оз вермы лоны».

Татшөм сёрнитö дыр кывзыны сьөкыд, но он мынтөдчы. Вась дядь кутчысьөма соскад: «Эн на тэрмась. Час, висьтала». Вывлань индас: «Сэні высшөй разум олө, космической йөз. Ми на дорын челядь кодьöсь, но олөмыс насянь». Пöрысьяс өвтыштчывлісны: «Тайö релегиятö тэтөг төдам». Тшөтшьяяс

ыстывлісны ылөджык. Томъяс вешйивлісны. Сөмын Өндрей, дядьөн шуысыс, эз вермы сідзсө вөчны. Жаль вөлі кызкө, да и лөсявлісны өта-мөдыскөд.

Коркө вуграсьны мунісны, а Вась дядь слаб юрнад нянь ноптө гортас кольөма. Вежон шлявгис-зэрис, вуграсьөм прамөй эз артмы. Куим сутки сюра вылын олісны: көтөдөм сукар пуисны сола ва пиын, вый ни гос керкаыс эз сюр. Бөрас Өндрейлөн батыс өна материтіс Вась дядьөс: «Детинасө тшыглы вины көсйин али мый?» Но өд дядьыс абу мыжа. Өндрей бөрсяныыс вөтчис: «Тэ, дядьө, эн пов батыс, коркө ветлам на». А Вась дядь шпыннялө: «Мөдыс ружьеөн вуграсьнытө катлам. Лыйсыны велөда. А сюра пыддиыд Сюраөс лыям да, муссө сөям».

Мөдыс Вель во кежлө козла мөдөдчисны мөдлапөлө. Ар көкъямыс Өндрейлы вөлі. Кытшлалісны вель дыр: оз сюр бур козйыс. То ыджыд, то бедь кодь, то чукля. А көдзыд вөлі, школаын көкъямысөд классөдз эз велөдны. Детиналөн вурун кепысөн киясыс турдісны, юкалөны. Дядьлөн гач пиын ковмис кияссө шонтыны. Бөрас Вась дядь дыр на сераліс: «Киясыс Өндрейлөн, ог төд, шоналісны-эз, менам тай гөгийө гыөрзис-а».

Уна татшөм вөвлөмтор на дядьөн шуысыслы төд вылас усыліс. Дерт, сэсся лолыд оз кыпты шуны, тэнсьыд сёрнитө пө ме сө ветымынысь нин кыла. Вась дядь тайө вежавидзөмсө гөгөрволіс ас ногыс: «Некод менө тэыс кындзи оз гөгөрво! Йөзыс тупөйөсь али тэ сэтшөм юра, ог төд». Сійөн жө, буракө, бөръявылыс кутіс висьтавлыны, мый космическөй мортыс, коді водзыннас вөлі Карп пөльөн, а бөрас Энштейнөн, шуөма, мый Вась-дядь кындзи высшөй разумсө өні сетөма ещө дядьөн шуысылы.

Бөръя аддзысьлігас Вась дядь вөлі гажа. Сыліс Высоцкийыс мыйкө да сёрни помлань кыскис питшөгсьыс съөд мышка кыз тетрадь: «Ме регыд кула. Видз тайөс, гашкө, ковмас. Тэ мортыс юра. Менам ещө куим на эм, но сэн уна на колө содтавны да шыльөдны». Өндрей гортас воөм бөрын шыбитіс тетрадьсө книга джаджйө да вунөдіс сы йылысь. Некор вөлі, да и төдіс, мый гижөмсө унаысь нин кывліс.

Во мысти дядьыс усьөма улөс вывсянь да швачкысьөма балябөжнас. Телеграмма серти Өндрей локтіс гортас велөдчанінсянь. Ютөминысь «видласис» гажмытөдз. Съөкыд вөлі видзөдны дядьыс вөлө, быттьө вөлі сы водзын мыйыськө мыжа, быттьө ылөдліс сійөс олігас. Войнас өтнасөн пукаліс

кулөмакөд. Кадысь кадө вежлаліс юрладорсыыс сисьсө. Сись вежигөн би йөктіс Вась дядьлөн чужөм вылын, и кажитчис, мый дядьыс лолалө.

Час кыкын, мед не вугыртны, Öндрей кытшовтіс жырсө. Öдзөссө восьтыштөмөн куритіс пач бокысь аддзөм чигарка пом. Чеччис порог вылысь. Матыстчис енув пельөсланы, öбраз сайса дзебасысь босьтіс съод мышка куим тетрадь да восьтіс вылыссасө. Чеччалан гырысь шыпасьясөн воддза лист бокас вөлі гижөма: «Никто ничего не знает о жизни! Коркө төдмаласны, но лоө сёр! Мортыс вечнөй! Ми коркө лоам космической йөзөн, кыз Энштейн, Лейбниц, Наполеон, Карп пөль да Аристотель!..»

## уджйөз

Ёгор Миколай Öньө пө кувсьөма да Трипан Öдялы шыасьлөма. Трипан Öдя сикт пасьта разөдөма. Вель унаөн Öньө керка дорө локтісны. Мужикьяс черөн-стружөн. Метра Вась ведра көрт тув вайөма: ыджыд пө мортыс вөлі да, гортйыс караб ыджда ковмас. Öньө, дерт, эз багатыр вөв, но Метра Васьлы ки вомлөсөн кө сыысь джуджыджык, ёна нин ыджыдөн кажитчө.

Кильчө вылын ызгөм:

— Игана тай нө!

— Эз, эськө, ёна игнасьлыв да...

— Дерт, кабакад йөзыд эз бырлы...

— Яндысь кулөма йывсьыс тадзсө. Мый көть юышталө вөлі да...

— Юөмыд өд абу грек, ас деньга вылад кө.

— Ха! Кор нө Öньөлөн ас деньгаыс вөлі?

— Мыйяскө, эськө, исавліс жө деньгатө да. Эз тай өти пач тэч.

— Да. Мыйяскө тэчлөма.

Мужикьяс пачка джынйөн удитісны куритны. Локтіс вель ыджыд баба кельөб. Медводзын Трипан Öдя.

— Мый нө он пырөй?

— Игана да.

— Черныд нө?

— Ог жө өдзөс жуглыны кутөй, абу өд шышьяс.

— Мыськавны өд колө. Кынмас да, кыз мыськалан?

- Час, Пиля Коля участкөвөйла муніс.
- Сійө өд дас верст сайын оло. Кор на и волас...
- Коляыд чиклет вылад — ас, несыйны он удит, гурөдас

Шитинтө.

Чөв усылсны. Сэсса кутшөмкө баба шыөдчис Одя дорө:

— Одя... Мыйкө... Кыдз нө эськө шонъяныс шыасьліс?

Одя, тыдалө, дыр нин виччысьөма, пыр и сяркнитіс:

— Кыдз шыасьліс? Кыдз шыасьлөны, сідз и шыасьліс...

Асывнас видлыны локті, а кабақыс игана. Но, думайта, мыйкө и игана?! Вель дыр гольөді өдзөсас. Мися, узьө али мый?

Йөз чукөр топөдчыштис Одя гөгөр. Метра Вась вомсө паськөдөма: рака шевкнитөм борднас пырас, оз кө өтка вылыс пиняс мытшась. Мужикъяслөн чигаркаяс кусісны. Бабаяс синсө чышъян помъяснас тільөны. Кулөм бөрад тай ставыс жаль. Эз, эськө, ёна прамөй морт вөв да: ылөдчысь, юысь, удж эз төдлы, пач тэчөмысь өтдор. Да и сэн: водзвыв кө юкталан, вомөд пачыс сулалас, он кө юктав — бөрсяныс киссяс.

Школалы тай кольөм во куимысь тэчліс-а. Директорлысь пөкмелитны корөма да: он пө өд мен вөч. Вежон мысти зводыйс киссяс. Выльысь вөчас да, төла повөддяө струбаыс киссяс, ещө шиперсө на жулльөма вель ыджыда. Коймөдысьсө директор шуас: зэв пө, эськө, непрамөй морт да, корнысө ся некодөс. Стөканөн-джынийөн спирт кисьтас гуся запасысь. Ёгор Михайлө Оньө пачтө лөсьыда нин вөчас. Оз жө позь челядьөс йөртны. Ыджыд пачтө куим пөръя тэчөмсьыд вит дон босьтас, а непрамөй мортнад шуөмтө оз вунөд. Гожөмнас директорлысь гортсьыс пачсө вежөма. Оні быд пач ломтігөн сүседас петөны. Керка пытшкыс рыныш кодь сьөд.

Метра Вась каститчөм-маститчөм йывсьыд вермис лунтырьясөн кывзыны. Тэрмөдлө Одяөс:

— А мый нө сы водзасө петін? Вөтасин мыйкө?

— Эг вөтась. Нучкаөс ыстывлі асывводз... Дзоля нылөс верөс сайө сета да, деньга колө.

— Оньө нө сэтшөм озыр вөлі? Хм! Төді кө, ловъя дырйиыс жмитлі жө да. Век менө вөлі ыстө: тэ пө, көнкө, деньгаа. Менам пө кытчөкө төрыт пуктысьсөма да, ог помнит, кытчө.

— Сылөн нэмыс эз вөв...

— Мыйла нө ыстін, сідзкө?

— Да нель-ө-витысь удждысьліс менсьым два пейсятөн да рубөн. Ёнасө, эськө, эг и казътывлы да. Пач тэчөмьясьсыс тай вөлі курыштлас да, шула: кор нө триста пейсяттө ваян? Энлы пө, ичинь, коляс да, сета.

— Кыдз нө рубнас да два пейсятнас куимсё ветымыныс артмө?

— А локтас вөлі шонъян да: вайлы пө, Трипановна, пара шайт. А ме өнія деньгалысь серсө ог төд да, мися, босьт ачылд. Сійө ий шуас: ме этайө дасасө босьтла, важ деньгаөн өд руб на ий лоө. Зятьлы висьталі да: көмөдөма пө Ёньөйд, важнас пө дасавыд сөа вөлі.

— Но өні вошис. Ловъянас кө эз сет, кулөманад этша босьтан.

— Унаөс ий ылөдліс,— шыасис кодкө бабаяс пөвстысь.— Менсьым кольөм во даса удждывліс, век на вайө. Пошта Натальён витаыслы мөд во жө нин. Матренлы и...

Кирө Опонь Вась, Ёньөлөн первой другыс, бузөбтіс:

— Но, өні, бабаяс, мөдарьюгдысянь перевод виччысьөй, вина пробканас печатьсө самөй Ёньө тэчө.

Мужикъяс серөктісны, бабаяс вувтісны Опонь Вась вылө: он жө пө шонъян йылысь тадзи шу, ещө пө өд друг морт. Опонь Вась, другыс кодь жө наян, пыр и бергөдіс сёрнисө:

— Энлөй, Одысө тай нө торкинныд. Мед водзө висьталас. Метра Вась куим гөна морөссө гыжъялө:

— Вай лөньыштөй и эм, мед висьталас.

— А мый сэссия висьтавынысө? Нучка пырөма, а Ёньө виж куйлө: «Ок өд, Нинук, кула, абу деньгаөдз. Мун ыджыд мамтө корлы». Нучка повзёма, первойысь на кулысь морттө аддзө да. Ся пө паччөрас мыйкө рукөстіс да еджыд савана кутіс пач костөдыс лэччыны. Гортө Нина локтіс, кывйыс оз артмы: «Смертьыс пө лэччө да тэно корис». Господей, видз, мися, менө өд эз жө кор? — Эз, Ёньө пө корис, а Смертьыс паччөр вывсянныс нин лэччө. Ме образ босьті да петі. Мися, образнад некод оз сибав. Гольөдча, оз восьты. Горза: «Ёньө! Кулөмыд али ловъя?» Оз шыась. Сэссия быттө жыннян бовкнитіс да, мужик шыасис: «Эн камав, лолыс самөй петіс». Гөлөсыс төдтөм да ещө юалі на: — Тэ нө эськө код лоан? — Ме пө Ёгорей аркандел.— Мися, Ёгорейыс өд абу аркандел, прөстө святөй...— Омөля пө вичкоас ветлан, өні аркандел нин. Вот өд, мися, пөрысь ропотыд, грекө вөйи да... Нинөм ог төд. А гөлөсыд и шуө: — Мун, старука, эн кулөм ловсө смушшайт.

Опонь Вась син пөвсө читкыртліс:

— Арканделыс нө эз ачыс Ёньөыс вөв?

— Но, сылысь өд гөлөс төда жө...

Дыр на сиктсаяс вульскисны кулөмасө. Кодөскө дозла ыс-  
тивлөмаөсь. Лавошничайс небзьөдчөма: «Тайө мыним да, бур  
нин, ассиян көть ещө содта».

Мужикъяс дарйыштчисны. Кодсюрөлы мөдысь нин  
веськаліс, кор локтісны Пиля Коля да Шитин. Кыкнанныс су-  
сана баля кодьось: кусөм мотиксө верст куйм йөткәлөмаөсь.  
Шитин чышкыштіс кияссө турунө, мыйлакө разьліс да бөр сиптіс  
кобурасө, матыстчис өдзөс дорө:

— Ноко, чертө вайлөй.

Бертовтіс өдзөссө, йөткыштіс пельпомнас. Краймыш өдзөс  
шлопкысис-потіс кузялаыс. Посводзө гузьгысьөм йөз  
мытшасисны джөмдөм Шитин мышкө. Шитин ләптіс кисө:

— Энлөй! Лөньлөй!

Лөнисны. Керка пытшсянь коставлөмөн кылісны жынняян  
шыяс. Бабаяс тэрыба пернапасасисны: «Сят-сят-сят!» Одя  
тіралысь киөн кыскис питшөгсьыс пернасө, образыс уси  
кинйавсьыс. Метра Васьлөн гораа гурөбтіс кинөмыс.


Шитин ньөжйөник восьтіс керка өдзөссө. Гөвкъялысь тшын  
сайысь дыр мысти тыдовтчис жө пызан. Пызан сайын  
дзигөдчөмөн пукалісны Оньө дядьөн шуысь Ёгорейыскөд.  
Ота-мөд вылас өшйөмөн найө мургисны кутшөмкө сьыланкыв.  
Буракө, медбур местаас «шонъянлөн» дядьөн шуысь камөбтіс  
кулакнас кымыня тазйө.

Кирө Опонь Вась петіс Шитин мыш сайысь да чышкыштіс  
вом дорсө:

— Но, кисьтышт, друг морт, коснад оз коллрысьылыны.

# Олөм-вылөм!

---



## ПОН

Пон дорё кёзяиныс сёмын код юрөн матыстчывліс. Шыльөдліс, гыжъявліс пель сайсё да мыйкё мойдліс. Пон эз гөгөрволы, но нюлыштліс кёзяинлысь кисё ли чужёмсё. Кёзяин матьөктліс, но эз ёна скёрысь, да вешйивліс пон дорысь. Сёянсё петкөдліс кёзяйка. Сійё матькывліс жё, но мөд нога. Пон вөлі ыджыд, сёйис уна, кыйсьыны эз новлөдлыны, керка петкөдны некод жё эз волы. А кёзяйка сылі вылын вөлісны мөс, кык порсь, кукань да мустём дука, яндысьтём бугыля сера кань.

Сідз и оліс пон дас во. Руд гөнас еджыд сіяс мыччысисны, голяйс визьён вушйис дом увтіыс. Кёзяин куимысь вежліс чепсё кызджык вылө, гоз-мөдысь босьтліс юанінө аскөдыс, кыкысь тшак вотны, кымыныськө чужйыліс бокас. Өтчыд — керкаө пырөмысь, мөдысь — пөльөн шуысьсё уськөдөмысь. Көть эськө пон эз мыжа вөв сэки: кычи-морт локтө, да кыз он нюлышт чужёмсё. Но кычи-морт повзис да кутіс никсьыны-вурзавны. Коймөдысь кёзяин чужйивліс прөстө сідз, кок улын гарт-ласьёмысь. Куим-ө-нөльысь понлы мусукасьны сюрліс, кор зыртчөм чепсё орөдны вермывліс. Сідз и пөрысьмыс сэсся.

Коркө войнас жугыль босьтіс. Пемыд. Кымөра. Төлысь ни кодзув. Казьтыштіс важсё. Дількмуніс сьөлөмыс. Войбыд сэсся вурзаліс. Кёзяин петавліс, материтіс. Но пон ёнджык на босьтчывліс вурзавны. Эз во сьөлөм вылас кёзяиныс. Повзьөдчан дукөн сысянь өвтіс.

Лун-мөд мысти кёзяин ветлыны дугдіс. Кыськө йөз воис. Куим лун понйөс некод эз верд, сёмын керкаысь лөвтём кыліс. Коймөд луннас кёзяинөс виль чомйын петкөдісны. Понлөн мыйлакө тшөтьыс сувтліс. Вурзаліс лунтыр, а рытнас орөдчис да муніс кёзяин дук кузя паськыд туйөд. Аддзывлөмаөсь во мысти на понсё шойна дорысь. Омөльтчөм, сёмын ыджыд юрыс кольөма, орзьөм синма, куйлө пө, юрсө мыльк вылас пуктөмөн, кёзяин гу вылас. Локтысьясөс казялөма. Чеччөма ньөжйөник да юрсө өшөдөмөн мунома вөрлань. Чуксавлөмаөсь, небыд шаньгаён ылөдлөмаөсь... Абу бергөдчөма. Пырөма козья тільө.

## СЕМЕН

Выль йөз шпынъявлісны, кор аддзывлісны Семенөс, либө өдйөджык ордывлісны сійөс. Кодлыкө и мог эз вөв: этша али мый йөйыс свет вылад? Да и Семен торья йөзлань эз сибөдчы, посёлокса поньяс моз юрсө өшөдөмөн лунтырьясөн тапьяліс ас кежас. Кадысь кадө мыйкө нурбыльтліс да кинас шеныштліс. Лёзь юрсиа, гез помөн көртыштөм гача, лым сёлөмсянь выль лымйөдз ветлөдліс көмтөг-пасьтөг. Төвнас куш яй вылас пасьтавліс кизьястөм турунвиж ной куртка да тшайподасьліс резина сапөгөн. Йөз первойсө жаладдза сетлісны гын сапөг да бурджык паськөм, но вина стопка кө веськавліс вомас, Семен шыблавліс вылыссьыс ставсө да бара кольліс гач кежсьыс.

Быд асыв удж вылө моз, стөч сизим часын, воліс Семен аэропортө. Паныдавліс да коллявліс став самолётсө. Стөч дас кык часын матыстчывліс буфет дорө. Индивліс чуньнас булки да кофе стөкан вылө: «Эдэс, эдэс». Кыскывліс зепсьыс мелоч да, буфетчица вылө гуга синнас видзөдөмөн, өтикаөн сеталіс деньгасө, кытчөдз мөдыс эз шулы: «Тырмас». Вештысьліс кө ыргөн деньгаөн, нурбыльтліс: «Даан уна буфтан», мый вылө буфетчица шуліс шмонитөмөн: «Дерт, уна босьта, талун чөскыд да...» «А-а», — нюжөдліс Семен, вешйивліс бокө, гораа ырскөмөн юліс кофесө да бөр мунліс «удж вылас». Көдзыд луньясө, кор самолётгьяс эз лэбавны, Семен аэропортысь эз петавлы. Сапөгьяссө пуктывліс юр улас да броткөдчөмөн водліс батарея бокө. Сідз и узьліс лунтыр. Рытланьыс босьтліс сапөгьяссө киняулас да гөгрөс подья кокьяснас видзчысьөмөн, быттьө изьяс вывті, восьлавліс гортас.

Коркө татшөм лунө жө Семен пукаліс джоджас, батарея бокын. Матыстчис ар кыка нывка. Дыр видзөдіс Семен вылө, сэсся бергөдчис мамыслань: «Мыля нө дядяысь көмтем?» «Лок татчө», — яндысьөмөн гөгөр видзөдліс мамыс: эз-ө казяв кодкө. «А мыля дядяысь көмтем?» — «Лок, эн юась нинөм абусө», — дзикөдз нин яналөм мамыс гораа шөпнитіс нылыслы. Ныв, тыдалө, гөгөрвоис, мый мамсянь вочакыв оз ло, да матыстчис Семен дорө. «Дядя, те не мыля көмтем?» Семенлы любө лои, мый кодкө сы дорө шыөдчис, да ещө и дядяөн ыдждөдліс. «Да, дяга. Гхы!» — «Кокеныйды кыммась. Те мыля, дядя, көмтем?» — «Гхы! — серөктіс Семен да юрнас довкнитіс, — ме дяга». Нывка гөгөрвоис, мый и дядьөыскөд сёрни эз артмы. Кутчысьліс Семенлы көмтөм кокас, юрсө суйліс пельпомас: «Көдиидь...» «Да, ме дяга», — читкыртчывліс долыдысла Семен. Нывка пуксис джоджө да ружтөмөн кутіс кыскыны коксьыс буркисө.

Йора сулаліс ыджыд. Сюръясыс зарниасисны ася кы-  
сянь, и чайтсис, мый эз кыаыс югзьод сюръяссө, а сюръяссы-  
ыс кыпөдчисны зарниа-гөрда югөръяс да зырисны рытиввыв-  
лань лөз пемыдсө.

Важон нин том нывбаба өтнас. Вөрас — быттьо гортас,  
ставыс ки улын: вотос, тшак, чери, бурдөдчан турунъяс. Уна  
нэм нин тан олө. Вунөдіс, кымынысь пуяс вежлісны рөмсө,  
кымынысь вөр керка дзевсьывліс лым улө. Төвъяснас вөвліс  
шуштөм. Шутьялө ывлаын төв, шаркөдчөны өшинь-өдзөсө  
лым чиръяс, либө пашляк лыйсьө керка гөгөрсә пуясө. Вич-  
чысис дыр тайө шуштөминысь петкөдысьөс. Но некод эз лок,  
и вочасон велаліс овны өтнас.

Нянь көр вунөма нин. Оз майшась сы понда. Олө. Пуяс  
шувгөны керка весьтын — сөрнитө пуяскөд. Төв таркнитас  
өдзөсө — лөньөдө сійөс. Съөлаяс велалісны, пуксьөны пель-  
пом вылас. Керка пельөсын тшөкыда киллысьлө ур котыр. А  
вөлі өд коркө мөд олөм. Вөліс мужик. Локтісны гулыд ягө  
арнас. Вөрыс вөлі Ыджыд лун кодь. Веськыд джуджыд по-  
жөмъяс пыкисны сөдз енэжсө. Съөд нитш вылын чусалісны  
усьөм коръяс. Увтасінын лөз козъяс сайө сайөдчисны родысь  
банйыштөм кызъяс. Пөкрөв бөрын мужикыс муніс вөрө да  
эз лок. Ветліс корсьны, но муртса ачыс эз вош. Кольччис.  
Гуавтөм мужикыс воліс быд вой. Зэв лөкөн. Коркө брөд ва,  
няйт паськөма, коркө гырда да коль чужөм-рожаа, коркө ош  
ку пиө гартчөмөн. Оні дугдіс повзьөдчыны.

Со и тавой. Чеччис йора воль вылысь. Мужикыс пукаліс  
өшинь дорын да лөня юис тшай. Пуксис орччөн. Врсьтіс синсө:  
керкаын некод абу, сөмын воссьыштөм өдзөсөд пырө ывла  
ыркыдыс.

Югдыштис. Асыввылын, кузя нюжалысь увтасінын гөрдаліс  
кыа. Нывбабасянь сажень дас ылнаын сулаліс ыджыд йөра.  
Сюръяссяныс кыпөдчисны зарниа югөръяс.

## БИПУР

Уль резюв чискис, эз көсйы өзйыны. Гөрөда кабыр  
нюжөдчис бипурлань, чөвтис сямөд турушка. Посныдик увъяс  
саялісны тшын пиө, косьмыштісны, да битор быттьо яндысьөмөн  
дзигөдіс найөс. Недыр мысти съөд тшын лөзөдіс, резюв  
шыбитіс би кывъяс да трачкөмөн кутіс ломтысьны.

Сой кыза ув вылын друг кыськө мыччысис кодзувкот. Гөрд.  
Ыджыд. Сійө ружтөмөн кыскис мыш вылас руд пожөм лыс.  
Ув помын кодзувкотлысь туйсө потшис би. Кодзувкот

вөрөдыштіс усьяснас, бергөдлыштіс юрнас. Сэсся котөртіс ув мөдар помө. Но сэн би ыпъяліс да нюліс нин увсө гөгөрбок.

Кодзувкот шыбитчывліс өтарө и мөдарө, но гөгөр ыргис би. Кодзувкотлы бергавны колис сөмын весът кузя ин. Кытшъяс сълөн чинісны и чинісны. Би саридз босьтіс кок увсьыс діторсө. Кодзувкот чөвтис мыш вывсьыс руд пожом лыссө да заводитіс бергавны дурпоп моз.

Пожом лыс чишнитіс, сълөн биторйыс воис кодзувкотөдз. Кодзувкот ёкмыльтчис, пөрис ыпъялысь ув вылө да сьөдөдіс.

Ён дядьөлөн лолыс тырис бипур пөльтігөн. Пуксис. Перйис зепсьыс «Астра». Нюжөдчис билань. Кыскис сэтысь ыпъялысь ув. Пөлыштіс ув вылысь кодзувкот шой да пестіс чигаркасө.

Добра мудз мортлы бипурыд.

## ОШ

Кайисны куимөн ош кыйны. Вөр керкаө воисны, нурийштіс чисны. Педөр Вась водіс узыны, а Синпөв Митрей да Ёгор Иван пукалісны на пызан сайын. Вой шөр бөрын чеччыштіс калич, өдзөс воссис, пырис поп. Кытысь босьтчис вөр шөрын төвнас? Морыс төдө. Митрея-Иваналөн юрси сувтіс. А поп на вылө весиг эз видзөдлы, матыстчис Педөр Вась дорө, тшынөдіс, сьылөдіс кулом мортөс моз: «Упокой, Господи, душу раба твоего...» Пернапасаліс куимысь да воши. Митрея-Ивана уськөдчисны ывлаө, но сэнні туйпом абу, ни шы оз кыв. Видзөдлісны өта-мөд вылас: «Сө мокасьт, эз жө өд кыкнанныслы өтитор каститчы?» Вөрө петігад эз юны ни.

Асывнас садьмис Педөр Вась, а сылы висьталөны: поп пө тэнө сьылөдіс войнас. Сералө мужикыд. «Эн мун мянкөд, мыйкө лөк лоө». — «Мунөй, гачтөм челядьөс тадз пөнөй. Ме өд резюв сам вылад ог сетчы, нитшсялөм сир нин». Но мый, он өд көртав. Мый лоны — лоө.

Кокниа и шедіс ошкыд. Гусьыс вөрзьөдісны, лыйисны. Кульны лосьөдчөны. Педөр Вась матыстчис ош дорад, прикладнас жер вомас тувкис да шпыньмуніс. И колө жө тадзи лоны! Ошкыд кыпөдчывліс, лапанас дөвкнитіс Васьлы да бөр уси. Васьлөн юрыс разі-пельө. А ошкыд кулома.

Сэсся и шу мыйкө.

## ВОЙЙЫВ

Сулала бокшаын. Увтасын сөльгө ёль. Оз тыдав. Сөмын кыв-ворыс, гуся сьылөмыс йиджө сюрсаөдз. Ставсө сайөдө кельыд гөрдөн лөнялысь воййыв турун. Чунь йылөн өдва судза ляпкыдджык йывъясөдзыс.

Муна, воййивсö вешталіг. Крукася. Кок улын воймөм керьяс, съод сотчөм мыр. Абу. Абу мыр, а керка пельöсö сувтөдлөм сюръя. Коркө тан сулавлісны керкаяс. Баксывлісны зэр водзын ыжъяс. Кыалы воча шыасьліс-кадавліс зарни сорса петук. Сылөн йөлөгаяс дыр котраліс мөдлапөвса вөрөд пуысь-пуө, пуысь-пуө, кытчөдз эз вошлы-сывлы шонділөн зарни югөрьясын.

Пуө. Олөмыс пуө. Олысьыс мунө муө. Пуяс, йөз, пемөсьяс, ставыс водөны муө. Водөны чеччытөм вылө. Кок улын кос воййив заяс. На улын муртса төдчыштөны подув керьяс.

Керьяссө тайөс коркө увья конда кодь мужик пөрөдіс яг шөрысь. Ымөстісны пуяс, кор рутшка-ратшкакылігытыр гыпкысис муө ниа. Чинталіс пуяссө мужик, бруткис вуж додь вылө. Оти лунөн кыпөдісны керкасө. Вина-сура пызан сайын сиисны сө во овны месай-месаньлы, нэмыс сулавны — керкалы.

Дженьыд вөлөма керка нэмыс. Ещө на дженьыдджык олысьясылөн. Подув кер вылө өні оз нин ышмыны пучейяс. Вильснита. Сісь керйысь чуктө болоньыс. Пытшкас дзувьялөны кодзувкотьяс. Тэрмасьөны дзевны виччысьтөм грөзысь, неминуचाысь еджыд небыдик колькьяссө. Налөн олөмыс сэні. Водзө олөмыс.

А вөлі өд тан и мөд олөм. Асывводз тайө бокшаөд лэччывлісны кокни вөраса нывьяс. Сөстөм вала. Вежа вала. Зонпосни чилзгытыр котөртлісны, дөрөмьяс пөрччалігмоз, өд вылысь мед бурскысьны ичөтик гобльөгө. Сельгө ёль. Сельгывліс и сэки. Ворсөдчис изйысь петөм лапкор-чачаөн. Лэчча ёльлань. Гашкө, сійө жө ордымөдыс, кыті лэччывліс оз вом дора чөдлач синьяса нывка.

Берегсянь оз тыдавны керьяс. Оз тыдавны съод изьяс — важ горя пачлөн колясьяс, важ олысьяслөн да оланіньяслөн пасьяс. Нинөм абу гижөма на вылө. Да и мыйла? Ме и сідз аддза найөс, кодьяс тані мыр бертлісны, гөрлісны. Кодьяс сьылісны нор да гажа сыланкывьяс. Кодьяс мусукасьлісны да быдтысьлісны тані.

А нимьяс... Мый меным нимьяссьыс. Кокниджык-ө лоө, төдмала кө, мый дзор тошка нюкыльтчөм пөльөсө шулісны эз Тюрөөн, а Микулөн? Мый сирөд вужля кодь латшкөс мужикыс абу Кернөг, а Пөкей? Мый вала лэччысьыс абу Пыста, а Матрен? Мый сэтшөмыс нимыс? Вичко книгаын — вичко ним, а пармаыс да ёлыс ас ногыс пыртлісны йөзөс. Мый меным өні көвьявлөм нимьяссьыс?

Лөнь. Оз кыв ни морт чукөстчөм, ни мөс бакөстөм. Сөмын пуяс шувгөны зумыша. Сөмын ёль чольгө мыш сайын. Сөмын воййив туруна бокша водөма гөрд сырья быгалөм чышьян моз. Эз-ө Пыста вала лэччигас уськөд сійөс рыська пельпом вывсьыс?

Чөв олө бокша.

# Чунылыс-висьтъяс



## ФАКТЪЯС

Детсадö ветлігөн вензи миянös видзыськөд. Сійö шуис, мый төвнас луныс дженьыд, а войыс пемыд. Эз вен менö. Төвнас өд гөгөр еджыд лым. Сысянь век югыд.

Шуисны, мый югыд абу лымсьыс, а шондіысь. Шуисны, мый шондіыс төвнас ылынджык мусяньыс гожся серти. Сійөн и югыдыс, и шоныдыс төлын оз тырмы муыслы.

Эг эскы. Төвнас өд шондіыс горувтi ветлө. Сідзкө, и югыдлы, и гожлы унджык колö лоны.

Менсьым юалісны: «Мыйла, сідзкө, төвнас көдзыд, шондіыс кö ёнджык шонтö?» Ме вочавидзи, мый төвнас уна лым. Сысянь и югыд, и көдзыд. Шондіыс өд оз вермы сійös сывдыны, кытчөдз тулыс оз во, да лымйыс ачыс оз сыв.

Ме дзикөдз дзугси да юалі рытнас батьлысь: збыль-ö төвнас луныс дженьыд, а войыс пемыд. Бать менсьым юаліс: «Гожөмнас, кор войбыд вуграсим, пемыд вöлі?» «Эз», — шуи ме. «А öні видзөдлы ывлаас... А кадыс өд вит на сöмын...»

Тадз ме төдмалі, мый олöмыс дзуг. Öд шондіыс төвнас тыдалö матынджык, а збыльысьсö ылын. Тöлын лым и шондi югзьөдöны, а войяс пемыдöсь.

Öні татшөм фактъяс ылө видзөда серамсорөн да ёна эскытөг. Код төдас, мый мортлы тыдаланасьыс збыль, а мый сöмын каститчö?

## ШÖЙÖВОШÖМ

Оліс миян керкаын ныв. Бульдогös видзис-дöзьöритіс. Тшöкыда аддзывлі, кызд петкөдліс бульдогсö ывлаасьны.

Зэв мича нылыс. Ставыс тырмö. Ставыс шогмö. Ёна сьөлөм ылө воис.

Но коркө аддзи сійös понтöгыс. Эг төд весиг первойсö. Кытчö и вошöма мичыс? Ньöти абу мича. Абу мича, кöть тэ мый сэсся кер.

Лешакыс төдас, мыйла тадз? Понсьыс роді? А гашкö, сöмын понйыскөд орччөн мича кажитчис?

## КОДЗУВЪЯС

Кодзулөн тыр са съод ывла йиркыс. Уна син дзоргö вылісянь миян вылö. Мунам кыкөн. Дзуртö кок улын лым. Кодзувъяс дзирдалöны лым вылын. Тайö тöлысь рөмпöштан койö уна рöма киньяс. Енэжыс гугасьöма лым вылö.

Кодзувъяс — ылысса сиктын öзъялысь öшиньяс. Быд öшиньясь кыйкъялö андел. Лов видзысь. Лов кутысь. Дöзьöритö сылы сетöм морт ловсö. Со уси кодзув. Гашкö, куліс кодкö му вылын, да сы бöрся оз нин ков дöзьöрыс? Али ачыс анделыс уськөдчис шөрö вошöм мортлы матісянь отсавны? А, гашкö, вермытöм морт асьсö помаліс? Эз сяммы андел нинöмөн мыжа мортöс сувтöдны?

Тэ бергөдчин мелань да лöня шуыштін: «Зарни койдыс уси му вылö. Виль чужысь водзö». Лым вылын уна койдыс нин виччысис петан кадсö. Лöз ной вылын посни моль моз дзирдаліс.

## ÖTKÖN

Пемдö. Öшинь водзын пемыд жырйын пукалö нывбаба. Öшинь сайсянь лым чирьяс небыдик гыжъясөн гыжъясьöны стеклö. Гортын лөнъ. Пельын тінъгымөн.

Мед разöдыштны лөнъсö, нывбаба овмөдіс олысяös. Джодж пöвъяс дзуртышталöны небыд гөна кокъяс улын. Сяркнитышталöны пöвъясö олысялөн гыжъяс.

Кранысь тєпкö ва. Ньöжйö, öти нога, унзіля. Дышпырысь дзугö лөнъсö. И таысь лөнъыс ещö на чуналана.

Олыся уськөдö мыйкö орчча жырийн. Ачыс йöжгыльтчывлö виччысьтöмысла.

Пемдö ёнджык. Нывбаба кыпöдыштö пельпом вылысь искөвтöм шальсö да ышловзьö.

Олыся унмовсьö паськөм видзан шкапын шарп вылö куткыртчöмөн.

Пöнар югзьöдö еджыд асфальтсö. Лым чирьяс жбыркнитöны веж кытшö да лэбöны пемыдö поезд бияс моз.

Кокни ышловзьöм. И бара керкаын лөнъ.

## ВИСЬÖM

Гыөрзьöм öшиньö видзöдö куим арöса зонка. Öшинь вылын лöзов лымйыс вöчöма тöv. Ывлаыс гыөр сайын оз тыдав. Сöмын тас весьттыыс шонді — юж вылö лямөдöм öмидз кодь. А гөгöрыс посни войтъясөн резсьöма öмидз ва.

Зонка казтыштö öмидз варенньöа тшай. «Меным тшай колö», — шуö сійö вомгорулас, мед гөгөрвоны ассъыс кöсйöмсö. Но ыджыд мам пельтöм, гусьон шуöмсö оз кыв, и ичöтик мортлön ичöтик мөвпыс вунö.

Öмидз ва кötödö öшиньö сибдöм гыöрсö. Зонка оз вермы кутчысьнысö да нюлыштö. Гыöрыс абу юмов. Но сы улын тыдовтчö йи, а йи пырыс ымралö öгыр. Зонка ещö некымынысь нюлыштö йисö. Воö стеклööдз.

Ыджыд мам синтöм, но, буракö, мыйкö казялö. Кыскö зонкаöс öшинь дорысь сой бордйöдыс да суйö киас жугалöм ныра акань.

## АВТОБУС

Еджыд экран вылын котралöны лöза-вежа вуджөръяс, вижа-гөрда югөръяс. Серыс вежласьö батын ньöблöм калейдоскопын моз. Мамыс кадысь кадö кыскыштлиö ар куима зонкаöс шарпöдыс. Зонка пидзöсчанясьöма пуклöс вылö, шашаритчöма көрт таскö. Медся ыджыд виж югөрыс — шондi.

Öшинь — тетрадь лист кодь. Позьö шондi улö рисуйтны пу. Зонка серпасалö, но автобуссö зөркйöдлö, да пу местаö артмöны сöмын гыжняяс.

Зонка топöдö чуньяссö öшинь бердö. Гыөр сылö, кольöны чунь туйяс. Нель розьöд мыччасьöны керка öшиньяс, сюръяяс. Окота видзöдлыны ывласö дзоньнас. Зонка шлапкö кисö öшиньö, сэсся вежö кынмöм кисö. Китуйкöд артмö орччөн мөд.

Кыкысь дзирдыштлиö шондi. Кыкысь ёрö синсö. Зонка читкыртчö. Автобус джөмдö. Зонкаöс босьтöны шарпöдыс да сувтöдöны джоджö. Зонка восьтö синсö да дыр оз-гөгөрво, мый водзвылас кодлөнкö руд пальто бөждор.

## ПАСЪЯС

Пон котөртö туй кузя. Сувтыштлиö толитöм сюръя дорö. Лэптивлö коксö. Тiрксьöдö водзö.

Зонка петö ывлаö. Усьöма лым. Зонка воськовтö. Бергöдчывлö бöрас. Видзöдлö кок туй вылас. Ещö некымынысь шлапкывлö коксö. Видзöдыштö. Любуйтчыштö. Пырö.

Ныла-зонма пукалöны гыöра паркын. Кургöны. Зон весалö лымйысь лабич мышсö, перйö перечинной пурт, вöлалö-баситö нывлысь нимсö. Окыштчöны. Мунöны.

Пöль дөмө гын сапөг. Шурсйöдлö то шылаөн, то емөн. Нырагез пыдö пырö дөмасö. Гын сапөг дөмсьö. Пöль бергöддыштö корөгöсь киас, любуйтчыштö. Сувтöдö паччөр вылас. Ещö öтчид видзöдлö боксянь. Пуксьö пызан сайö да ырскөмөн юö тшай.

## ТӖДЫСЬ ПИЯН

Кулан выйын ТӖдысь куйлӧ вольпасьын. Пиянсӧ корис. Куим пи, куим мыджӧд, куим лача. Куимнансӧ вердӓс-удӓс, быдтӓс-велӧдӓс. Ай-мамлы гаж вылӧ, бур йӧзлы отсӧг вылӧ. «Муна, — шуис пияныслы, — бӧр вольтӧм вылӧ, зарни синмӧн аддзывтӧм вылӧ, зысы пельӧн кывтӧм вылӧ». Чӧв олӧны пиян. «Коля, — шуис пияныслы, — тӓнӧс ас вежӧрӧн овны, ас кокӧн ветлыны, ас киӧн удж песны, ас лолӧн лоловны. Мый верми — велӧдӓ, ӧнӓ асьныд ставсӧ кужанныд. Олӧй лӓбачьяс моз, вына борднад сынӧдсӧ вожӧдӧй, поздысьны мусӧ эн вунӧдӧй, гажӧдӧй сьылӧмнад войтырсӧ».

Пӧрысны пиян лӓбачьясӧ. Ыджыд пиыс Кутшӧн лӓбзис, паськыда бордьяссӧ шевгӧдӓс, ёсь синнас кыйдӧс-пӧткаӧс корсьны кутӓс. Шӧркӧст пиыс Коликкайӧн жбыркнитӓс, тусь кокыштӓс, сьывны-дзолъзыны босьтчис, йӧзӧс гажӧдны-ышӧдны, лов кыпӧдны. Коймӧдыс «крук-крук!» шуис, Кырнышӧн уськӧдчис шой гудйыны, рабзьӧм яй кокавны, мерлинаӧн чӧсмасьны.

Ышловзис бӧрьяысь ТӖдысь. Ӧтмоз лелькуйтӓс пиянсӧ. Ӧти позйын видзис. Ӧткодя велӧдӓс. Некодӧс мӧдысь вылӧ эз пуктивлы. Да быдӧнлӧн тай аслас туй, мир туй кӧть морттуй. Сьӧкыда ышловзис.

## ЛӧМ ПУ ВУЖ

Чойлы вӧлӧма арӧс. Меным тӧлысь на абу тырӧма. Дерт, сӓйӧс ог нин бура помнит, но самӧй сӓки пӧльӧ ӧшинь улӧ вайӧмаӧсь кык нӓриник пу: чойлы — пельсь, меным — лӧм. «Челядьлы на моз вужьясьны, на моз йывмыны, налысь нэмсӧ овны, пуяслы челядьлысь шуд видзны».

Сӓдз вочасӧн и быдмисны пелься-лӧмья миянкӧд тшӧтш. Пельсьыс, дерт, дзоляджык, а лӧмйыс пӧльлӧн керка сигӧрысь вылӧджык кыптӓс. Разӧдчисны пӧльлӧн челядь, менам дядьяс-обьяс. Кулис пӧчӧ. Колис пӧльӧ ӧтнас. Ачыс ыджыд. Ачыс Ен и Омӧль. Ачыс месай и месань. Керка юр кутысь. Керка подув видзысь. Но ӧтнас.

Пӧрысьмис. Пӧрысьладорыс шашаритчыны кутӓс олӧм шӧртас. Дугдӓс котшыс курутчанӧн тшынасьны. Курыд зелля юӧмысь эновтчис. (Водзын ведра пӧлӧн лун юӧ вӧлӓ, кутӓс дозйӧн-джынийӧн юны.) Ёрччӧм-маткӧм чинтӓс. (Некод вылӧ лои.) Воймӧм бӧрас гӧгӧрвоис: олӧм овсьӧма, кӧть кураснас чӧсмасьны колӧ удитӧдчыны.

Сӓк, тыдалӧ, и лӧмйысь родӧмыс чужис. Элясьны кутӓс: «Лӧмйыс лунъюгыдсӧ сайӧдӧ. Вужьясьыс керка бердӧдз воӧмаӧсь. Керка подулын кык ньӧр пидзӧс выя быдмӧма. Керав-

ны лоо коркө». «Мый нө, пуыс мустө зыртө? Мед быдмас. Челядь оз-оз да и кокасшьштасны»,— шулісны сылы менам бать-мам. «Керкай кушмис. Пу вужйид кө пө тай керка улө-дзыд воас, олысьыс бырө. Керала коркө».


Көты приметаясө ёна эг эскывлы, татшөм сёрнисъыс сьөлөм век жө ыркмунліс. Кыдз нө сідз? Менсьым льөмйөс? Менам пулысь вужьяссө?! А ме вылө кө вуджас? Некымынысь весиг ачым пөльөс босьтчывлі өлөдны: «Йөзыд быд нинөм абусө сөрөны да, ставсө кө кывзыны... Ошиньөдзыд чеччыштөмөн он судз. Югид и шонид веськалө». — «Коркө сөрөвно керала. Леторосыс мудөд увті нін мыччасьө».

Эз керав. Кушмис пөльөлөн керкаыс. Ёнөн-бурөн тыртөммис. Дерт, эськө, арлыдөн нин пөльө муніс. Эз дас көкьямысөн, көкьямысдас көкьямысөн. Но быттьө мыжа сы водзын: менам пуөй өд керка подуvsө лэптіс, олан русө ортсө лэдзис.

Өти петан туй эськө вөлі жө: ылөджык пусө керкасяныс вужйөдны... Но сэк өд пөльө ачыс на зумыд вөлі. Вина юис ведра пөлөн. Табак шпуткис «Моршанскөй». Быд праздник мужикьяскөд шердйысис. Некор вөлі кок улас синсө чөвтлыны. Некор вөлі потшөса-керкаа костсө синмавны.

Водзджык кө гөгөрвоис, гашкө, и тыртіс на өкмысдассө.

# Йӧзкост олӧм



## ЕНКОЛЯС ЙЫЛЫСЬ ПОЭМА

(*Важ олöмысь*)

Ворсысьяс:

**ПЕРЫМСА СТЕПАН (КРАП)** — миссионер, пöрнöй мужик, пидзöс горулöдзыс дукöса, пельпом вомöныс гöрд плаша, гöрд кышöда низь ку дорöса шапкаа, морöсас ыджыд перна, киас көрт пома перна сяма беды

**ВЕЛЯНЬ (ЕН ВОДЗЫН — УЛИЯНА)** — ар 16–20-яса кокни вöраса оз тусь кодь ныв. Синтöм. Воддза юкöнын: лöz сарапана, еджыд дукöса, көтиа, сера чөрöса, морöсас ыргөн да эзысь молля сикötш. Мöд юкöнын: съод паськöма, зэлыда көрталöм чышьяна, морöсас дзoляник пернаа

**КЫСКА** — ар 20–25-яса Печераса тун. Еджыд дөрöм-гача, дукöса, важиник дöра лазья, гöгрöс шапкаа, чаркиа (кок пöкйöдз чөрья көти сяма кучик көм), вöнясьöма паськыд вöньөн. Коскас пуртöсын пурт, весьтөн-джынийөн кузя кымын

**ВАСЮК** — Степанлөн кывзысьысь, ар 16–18-яса, шапкатöм, руд паськöма, каблуктöм сапöга, лезь юрсисö кутыштöма векныдык вижа-еджыда вöньторйөн

**ДЗОЛЮК** — Кыска дорын бергалысь. Еджыд дөрöм-гача, ар дас кыка зонка

АНЬ — ар 30	} Еджыд паськöмаöсь. Мужичöй-яс дöра либö кучик лазьяöсь, юраныс гöгрöс шапка либö юр вöнь. Аньлөн — юрной. Мужичöйяслөн косканыс пуртьяс
ВЕР — ар 30–40	
ЗОН — ар 20	

**СТЕПАН КОТЫР** — көрт паськöмаöсь, шыа, шыпурта да тошка чераöсь, уна рöма кучик сапöгаöсь, кианыс нейджыд сайöдьяс (щитьяс — гöгрöс, верзьöмаяслөн сяма)

**ПЕРЫМ ВОЙТЫР**

*Занавес пöдса на.*

Кылö лабутнöй мужик гөлöс: «Кор ичöt на вöлі да гөгөрволі на тöвлысь сьылöмсö, ёльяслысь варгёмсö, пуяслысь шöпкөдчөмсö, кывлі ме изьяслысь сёрни. Гусьон сёрнитöны найö, лöня колö кывзыны, но уна вермасны висьтавны рой-сялём изьяс.

Гашкö, и вуніс нин мыйсюрö, гашкö, и ылöдышта көнкö, но ог нин вермы выльысь юасыны пöрысь изьяслысь, оз нин висьтавны меным öтчыд висьтавлөмсö. Да и пельтöммö мортыд быдмөм мысьт. Тöвлөн да ёльяслөн, пуяслөн да изьяслөн сьылөм-мургөмыс, сёрни-басниыс оз нин сетчыны арлыдалы. Ковмас нин, тыдалö, меным эскыны, менсьым гөна кывъя висьталөмсö кывзыны, гашкö, и верма мыйкö висьтавны, мыйсюрö казытыштны. Кытчö содтышта, кытысь чинтышта, но мый вөлөма — вөлөма, мый шуöма — шуöма, мый кольöма — волас на, сөмын петкөдчас мөд ногөн, оз нин сэтшөмөн, мед велавнысö сы дорö эг удитöй.

Сьöкыд овны, нинөм кö оз вежлась. А ми век тэрмасым кытчөкö, вежсьөмсö ог казялöй. Бытьтö оз и вежсьы нинөм, сөмын асьным пöрысьмам. Но изьяс оз тэрмасыны, зйтшвидзöны öти местаын да ставсö төдöны, ставсö казялöны. Турун сі шонділань бергөдчис. Турун сі вылö ловъя геб пуксис. Бордья-сас дзоляник öшкамөшкаяс ворсöны. Кодзув син куньліс. Му ышловзис. Морт ю весьтö копыртчис, содзнас ловъя васö гумовтіс. Чöскыд ваыс, джуджыд, вынъяс содтö, олөм вылас чуймавны чуксалö. Кад и миянлы сөстөм вежа васö гумовтлыны».

## **Воддза юкөн**

### **МЕДВОДДЗА ПЕТКӨДЧӨМ**

*Печера ю бокин. Веськыдвыв — кык öшиня пелькиник керка. Гоз-мөд пу öшинь улын, куим-ö-нель сюръя-ен. Стенö тувъяс вылö öшөдöма косьтыны тыв. Тшалак вылын Кыска лөсалö майöгъяс. Орччөн бергалö Дзолук.*

**ДЗОЛЮК.** Тэ, шуöны, сирөн уявны кужан...

**КЫСКА.** Уявнытö нёнъпомсянь велавлі.

**ДЗОЛЮК.** Тэ, шуöны, ошкөн тапъявны кужан...

**КЫСКА.** Ошнад тапъявны нель кокөн кысьясигөн на велавлі.

**ДЗОЛЮК.** Тэ, шуöны, варышөн лэбавны кужан...

**КЫСКА.** Лэбавнытö кок вылö сувтөмсянь велавлі.

ДЗОЛЮК. Мыйла нө, сідзкө, он уяв, он тапъяв, он лэбав? Ме кө вөлі тэ моз кужа звер-пөткаө пөртчыны, эськө дугдывтөг тапъялі, мудзлытөг уялі, ородчытөг лэбалі. Мусө эськө вылісянныс видзөдлі, васө эськө пыдөсөдзыс мурталі, вөрсө эськө помсянь помөдз востьалі.

КЫСКА (*видзөдлө Дзолюк вылө да шпыньмунө*). Мыйла, шуан, варышөн ог лэбав, мыйла, шуан, чериён ог уяв, мыйла, шуан, ошкөн ог тапъяв? Да, ставсө ме тайос вөчны кужа: тунасьны велавлі, мусө-васө верма муртавыны, но өд вермөмыд абу на вөчөм. Ме, дерт, вына зэв, зонъяс ышмасны, меным морөсө майөг чегласны. Найос ки пөлөн верма личкыны, найос кок чуньён верма лямөдны, но өд морт вылө китө он кыпөд, көть и верман, да мыйла дурнысө? Сідз жө лэбавны верма, уявны, ыджыд сьөд ошкөн вөрті тапъявны, но өд кужөмнад, төдөмлунъяснад колө кужөмөн вөдитчынысө. Ме кө лэбавны кута лэбачөн, ме кө уявны кута чериён, ме кө пөртсыны кута зверьясө, вермас морт чужөм вунны нэм кежлө. А мортлөн чужөмыс өд мөвпөн югзьөма, мортлысь чужөмсө муслун вөчөма, мортлысь чужөмсө оз позь воштыны, оз позь дзебнысө зверлөн ку пиө.

*Пырө Ань.*

АНЬ. Кыска, зысь пи, кос пөгиб. Мөскөс мөд лун корся, ог вермы некызд аддзыны. Тэ дорө локті, гашкө, отсыштан.

КЫСКА (*Дзолюклы*). Шегьяссө вайлы да ворсө.

*Дзолюк вайө неыджыд сепысын шег да ва вор. Кыска перйө нель шег, нель пөрья качөдлө, сэсся видзөдө вайө, мыйкө шөпкиг.*

АНЬ. Но мый? Тыдалө мыйкө?

КЫСКА. Мужикуловыдкөд мун Ыджыд пөрасө, сэн мөскыд, коксө дойдөма.

АНЬ. Атьё, Кыска, зарни тошкөдз тэд овны.

*Мунө.*

ДЗОЛЮК. Кыдз нө төдмалін?

КЫСКА (*тэчө шегьяссө бөр сепысө, петкөдлөмөн*). Тайө шегйыс индіс, тайө востьіс, тайө отсаліс, тайө висьталіс, а ваыс петкөдліс.

*Пырө Вер.*

ВЕР. Вай отсышт, Кыска, йөрми.

КЫСКА. Мыйён нө ме верма отсавны?

ВЕР. Понлөн нырысыс вошис и оз сөй нинөм, тшыкөдө-маось, буракө.

КЫСКА (*сюся видзөдө Вер вылө*). Да, понйыд бур да, дерт, жаль. Но абу тшыкөдөмаось, а поз вылысь зын шырөс сөйөма. (*Дзолюкы.*) Вай урөс вөтлан турунсө матич боксысь.

*Дзолук пыравлө, петкөдө рузумө гартыштөм турун корөсьтор.*

КЫСКА. Оз на өні дзык позь сетны, рытланысь пөж да турун васө сет понйыдлы, мед пежысь петас.

ВЕР. Атьё жө нин.

КЫСКА. Бөрас аттьөасян, кор бурдас.

*Вер мунө. Кыска бөр босьтчө майөгө. Дзолук бергалө гырысьяс гөгөр, көсийө мыйкө юавны, но оз лысьт, шыөдчө сөмын Вер мунөм бөрын.*

ДЗОЛЮК. Вот ме өтитор көсья юавны, Кыска, да век ог лысьт...

КЫСКА (*серөктыштө*). Юав, гашкө, вомад ог варт.

ДЗОЛЮК (*гыжйыштө балябөжсө*). Тэкөд тшөтшъяясыд со важөн нин гөтыраось, а тэ нө мыйла он гөтрась?

КЫСКА (*думыштчө*). Тшөтшъяяс, эськө, гөтыраось, да абу тунъяс, ме гөтыртөм, да тун.

ДЗОЛЮК. А мый нө, туныслы оз али мый позь гөтрась-нысө?

КЫСКА. Позьө. Но өд кутшөм ещө гөтыр сюрас. Гашкө, первой лунсянысь юр вемтө кокалас...

ДЗОЛЮК. Он өмөй бөрийынысө куж, тэ жө тун?

КЫСКА. Бөрийынытө кужан, да өд нылыслы мусман-он?

ДЗОЛЮК. Смитан кө...

КЫСКА. Сидз кө өтчид вөчан, сэсся вытьид воссяс. Лөк-ланыд мортыд өдийөджык кыссьө. Мед нин сьөлөм бөрьяс, ме сөмын, ковмас кө, ас вынөн корся.

ДЗОЛЮК (*ыпнитө*). Кызди нө ас ногыд? Петкөдлы. Көть Перым муысь медмича нывсө.

КЫСКА (*шмонитөмөн*). Ок, кутшөм сюсь: оз өд кутшөмөскө, а сразу медмичасө. Синмыд бердас.

ДЗОЛЮК. Гашкө, ог дзыкөдз синтөммы...

КЫСКА. Но, тэ менө ыззьөдін. Вай видлам и эм. Дерт, эськө, тайө мөс корсьөмсьыд сьөкыдджык да.

ДЗОЛЮК. Меным мед мыччысьлас жө.

КЫСКА. Сюсьджыка видзөд.

*Босьтө бубен. Камалө. Ымзө. Нельысь шыбитө шегьяссө. Нель пельөсө койыштө ворйысь содзыр вайн. Ва весьтысь вешталө мыйкө чераньвез кодьөс.*

Пемдö. Шуйгаладорын, пыдын, нейджыд гөрда-лöза югöрын зэв öдийö сьөрсьөн-бөрсьөн мыччысьлöны нывбаба мыгөръяс. Сувтö öти мыгөр — Велянь, еджыд паськöма, но пельпом вылас плавгöма ыджыд сьöд сыръя дора чышъян. Чышъяна кияснас шевкнитö бордъясөн моз, öвтыштö кинас, вöчö некымын воськов да вошö пемыдö.

Югдö. Велянь сулаланинын туплясьö сьöд чышъян. Недыр мысти чышъяныс кыптö да лэзььö-вошö.

Кыска да Дзолюк видзöдöны öта-мöд вылас шемöс, дыр оз вермыны нинöм шуны.

**КЫСКА** (вöтын моз). Эг чайтлы, мый Эжва таскын татшöм нывъяс эмöсь. Коскыс — льöм пу ньөр, чужöмыс — рыська йöv, вом дорыс — оз тусь, морöсьясыс — вый тупыльяс.

**ДЗОЛЮК** (синсö чашкөдöмөн видзöдö Кыска вылö). Со тэ кутшöм, Кыска... (Друг мöд нога нин.) А мый серти шуан эжватаснас?

**КЫСКА** (оз кыв). Ме эськö тайö нывсö Веляньөн шуи...

**ДЗОЛЮК**. Мый серти эжватаснас шуан?

**КЫСКА** (оз на нинöм бура кыв). Ачыд нö эн öмöй аддзыв?

**ДЗОЛЮК** (пельпомсö лэптыштлö). Шуас жö: «вый тупыльяс»... Абу öд кöч юр. (Сьылыштöмөн йöктыштö.)

Кöч йöктö-йöктö  
шабдi кудель бöжнас,  
вый тупыль юрнас,  
сыла-госа кывнас...

**КЫСКА** (век на вöтын моз). Сидз-сидз: шабдi юрси, энэж син... (Синсö чöвтö Дзолюк вылö, дыр видзöдö палялигмоз. Вочасөн чужöмыс вежсьö, нормö. Чöла.) Эк, Дзолюк, абу миян ныж пиньяслы тайö анчаыс. Вайлы меным сигудököс.

Дзолюк кыв шутöг петкөдö сигудök. Кыска пуксьö тшалак вылö, ворсö да сьылö нор сьылан. Дзолюк пукалö орччөн, лöня кывзö, вöлнисти гөгөрвоö, мый мыйкö не сидз лоус.

## МÖД ПЕТКÖДЧÖМ

Веж видз. Ылын тыдыштö Эжва ю кусынь. Видз шöрын Ыджыд Вежа Кыдз. Кыдз улын квайт сюръя-ен. Локтöны ныв-зон. Сьылöны. Славитöны Вежа Кыдзсö.

## КЫДЗ СЛАВИТӨМ:

Ен вежös мыджысьöй, зарни юра Кыддзöй!  
Му веркös пыкысьöй, эзысь кока Кыддзöй!  
Му пыдös судзысьöй, көрта подъя Кыддзöй!  
Чужтысьöй дай лов сетысьöй, вердысь-удысьöй.  
Олөм пыкөдöй, олөм кутысь-видзысьöй.

Вөччөдам дай баситам, муса Кыддзанöй,  
Дона тулан куөн, ыргөн низь куөн, эзысь ур куөн,  
Шөвкөн и парчаөн, кумачөн и камкаөн.  
Сулав да красуйтчы югид шондi улын,  
Нэр йывнад вывланьö, сывъя увнад увланьö.

Вежаысь вежа вужсьыд сөстөм ключ петö,  
Сөстөм васö, чөскыд васö быдтаслы сетö.  
Заравасö дай зарни васö вужнад кыскан,  
Зараванад дай Зарань ванас вожъястö удан,  
Зараванад дай Зарань ванад войтырös удан.

Ен öти неньпомысь, Кыддзанöй, някасям.  
Ен öти вужйысь, Кыддзанöй, юктасям.  
Ен öти сюрösөн, пыкөдөн олам.  
Енэжсö кутысьöй, вердан вердысьöй, Вежа пуöй.

*Лентаяс, куяс öшлöны Кыдз Вылö. Мунöны.  
Кольö öтнас Велянь.*

## ВЕЛЯНЬ (юрбитö).

Вежаысь вежаöй менам, сөстөм Кыддзанöй да  
Пашкыр юрсинад Енэж мытшалысьöй,  
Эзысь кучикöй дай зарни яйöй да,  
Кодзув чусiöй да кыа вöняöй,  
Лун төв мелiöй дай вой төв вынийөрöй,  
Зарань вердасöй дай бура лелькуйтöмöй.  
Пемыд жö войын менам чужсьöма да,  
Эзысь тöлыссянь козин босьтсьöма.  
Асьядорыс тай югдандорыс нин да  
Нопъя чераныс везсö зэвтöма,  
Петысь Шондiсьыс менö куньöма да,  
Шондi козиныс абу вичмöма.  
Лоö тай меным кималасөн да  
Шыльыд кучиктö тэнсьыд малавны.  
Эзысь пельөн дай, кытша пельөн дай  
Тэнсьыд ловшытö лөня кывзыны.  
Уклад везъяса чусмөм синьясөн да

Ог нин убөлит тэнö аддзыны.  
Көть нин син пөлөн эськө синсявны да,  
Олөм джынйос, эськө, и тэд сеті.  
Мөд и синмөн кө эськө синсявны да  
Олөм мөд джынсө, эськө, и сеті.  
Вердан вердысьöй, видзан видзысьöй,  
Эзысь Кыддзанöй дай Зарань юрсиöй.

*Юрбитö Кыдзлы, кималасөн öшөдö шөк лента.  
Веляньысь гусьөн петö Зон, киас тубрастор.*

**ЗОН** (*аслысмос*). Аттö, мича жö ныв Велянь. Зарни юрсиас шондi ворсөдчö, пөлöзнича синмас енэж видзөдчö, морөсьяс — вый тупыльяс, коскыс — вадор бадь, кокъяс вылас видзөдлан — вирыд пузьö, сьөлөмыд вомөдыд чеччыштö. Луд вывтi мунö — турун сi оз вөрзьи, көдж вывтi мунö — лыа чир оз вешьи. Купайтчыны пырас — визулыс лөнью, бадьяс кышакывны дугдöны. Уна мича нылөс аддзывлi, уналөн яй пырыс лыыс, лы пырыс вемыс тыдалö, но Велянькөд орччөн ставыс тамыш да чукля.

**ВЕЛЯНЬ** (*кылö, мый кодкө эм. Кывзысьö. Первой повзыштöкодь, сэсся гөгөрвоö Зонлысь родөмсö да збоймö. Серамсорөн*). Но-о, абу-ö муса зонмыс-молодечыс вöравны петöма? Ньөвтөг-вужтөг, чертөг-пурттөг?

*Зон сулалö вом паськөдөмөн.*

**ВЕЛЯНЬ** (*кывзысьыштö*). Али нö чөс пасьта вомнад кый-сян? Дерт, куркысь дозмöрыд да кравзысь сьöлаыд шедас, тэдз кө дырджык сулалан.

**ЗОН** (*юрсö öшөдö*). Тэныд эськө и серам да теш, а меным и гожья луныс арся вой кодь.

**ВЕЛЯНЬ**. Кодзув югөр улас бурджыка узьяс.

**ЗОН**. Тэтөг, Велянь, олөм абу ни гаж ог төд. Мед көть лача сетін...

**ВЕЛЯНЬ** (*серамсорөн*). Ныв вöлясö морөс тырөн эг на апыштлы, асья кыасö пйдөсөдзыс эг на юлы, а тэ нин менсьым югыдсö көсьян мырддыны, шоныд шондiсö донтөм донысь ньöбны.

**ЗОН**. Вöралігөн чөс туйöй кок улысь вошö, тывьялігөн тыв сюрөсыс кийсь усьö, эн сет том улысь урөсмыны, босьт менсьым козинөс. (*Нюжөдö тубрассö.*)

**ВЕЛЯНЬ**. Вöрад кө татшөм сусь, оз на тэнö морөн лый. Гортын дас төб на эг путшкывлы, сыв кузя дөра на эг кылы, а тэ менö сермөдавны көсьян. Ог босьт тэнсьыд көртымтö.

ЗОН. Аттö, чорыд сьöлöма жö тэ, Велянь.

ВЕЛЯНЬ. Сьöлöмтö öд оз кöртысь дорны, оз изйысь кеваны, ставыслөн öткодь яй сьöлöм. Сöмын тай озйыс тулысын дзордзалö, гожöмын гöрддзасьö. Тöлын вотöс оз вотны, гожöмын ур оз кыйлыны.

ЗОН. Велянь!

ВЕЛЯНЬ (*курыда*). Мун, Зон, эн тешитчы ме вылын. Синтöм помьсь кутшöм гöтыр? Менö кö öд босьтан, нэм чöжыд киöд ковмас новлöдлыны.

ЗОН. Ме лoa тэнад синмөн, тэнад öшиньöн!

ВЕЛЯНЬ. Лун кö öтлаын олам, шуан: мыйла тайöс и босьтсьöма. Мöд лун кö олам, шуан: синтöм недökунь. Коймöд лун кö олам, шуан пеж бугыльöн да керкасьыд тодмышкалан. Мун, кытчö мунан! Эн дэльöдчы.

*Бергöдчö зонлань мышкөн, жугыля сьылö «Узи дай, олі дай...»  
Зон ньöжйö мунö Кыдзлань.*

ЗОН. Нуасны ныр улысь. (*Разьö тубрассö, öшöдö Кыдз вож вылö звер ку, малыштö скюръя-енъяссö.*) Сетöй меным, Войпель и Ёмала, Ен и Зарань, сям да сьöлöм, вежөр да киподтуй ассьым чужмарöс кыйны.

*Мунö.*

## КОЙМÖД ПЕТКÖДЧÖМ

*Сэн жö. Велянь сьылö. Ю дорсянь кайö Степан аслас котырыскöд. Нöсилаөн вайöны сьöкыд тубрасьяс. Степанлөн киас перна-бедь, киняулас — тубрасын небөг да гоз-мöд пу öбраз. Сьылöны вичко сьылан. Аддзöны Веляньöс, сувтовкерöны, шемöс усьöны.*

ВАСЮК (*медводз сайкалö, матыстчö Велянь дорö*). Оз вöлöм тан колипкай дзользьы, оз вöлöм тан сöстöм ёль сельгы, оз вöлöм тан шоныд зэр сяргы, пукалö вöлöм мича-мича ныв да колипкайөн дзользьö, сöстöм ёльөн сельгö, шоныд зэрөн сяргö.

ВЕЛЯНЬ (*повзьöмсö пöдтöмөн*). Кыла: сьылöм абу мян кодь, сёрни абу перымса. Абу-ö тi немчу-тотара? Абу-ö тi йöгра-яран? Кодьяс лоанныд, ветлысь-мунысьяс? Кутшöм муысь-ваысь воанныд?

СТЕПАН (*чöвтö куим пернапас*). Кымын муöd-ваöd ветлi, но татшöм мичсö эг аддзывлы. Эз-ö тайö Ен чужтысь петкöдчы гректöм олöмысь? Абу-ö вежаысь вежа Мария?

ВЕЛЯНЬ. Синмыд менлөн моз өмөй чусмөма. Некодос на ме эг чужтывлы, нэмсө Веляньон мено шулисны. Шемос усьмөныс абу мича ме, оз ков ме вылын тадзи серавны, бурджык ассыныд пыжъяс домалой, медым Саридзодз бор эз кылавны.

СТЕПАН (*аслыс*). Ок и варов жо нылыс вөлөма, да и мичлуныс тырмидз вичмөма. Тайос пырта ко аслам эскөмо, йозыс борсяныс вөтчас кельөбон.

*Йоз тэчө эмбурсө муө. Степан вольсалом ки чышкөд вылө пуктө кисыс тубрассө. Васюк сэк кості сибөдчө Велянь дорө, кутыштө коскөдыс. Велянь сійос поводноя тойыштө.*

ВЕЛЯНЬ. Ок тай, сюсьось ті, тшап ушкуйникъяс, рөдтөм-вужтөмъяс, гортув төдтөмъяс!

ВАСЮК (*тшапа гөгрөстө морөссө*). Менам рөд-свөй ыджыд, керка сигөр джуджыд, стынйөй зарни нитшка, кок ув эзысь подъя.

СТЕПАН (*колсвартө бедьнас Васюкөс*). Чинты гордынтө, раб божий! Эн век блуд йылысь мөвпав!

ВАСЮК (*йөжгыльтчө*). Ме жо нинөм сэтшөмсө эг вөч...

СТЕПАН. Мөвпыштін ко блуд йылысь, сідзкө, блудитін нин мөвпнад. А сыысь, мый тшенкйысян мекөд да мыжсьыд пыксян, лыдды кызь витысь Ичөт Ектенья.

ВАСЮК (*вешйө бокө, лыддьө гораа, сэсся пыр гусьөн-джык*).

Бара и бара Мезөслы кевмысям:

отсав, мылышты, мезды и видз мянөс,

Енмө, аслад бур көсийөмнад.

Зэв вежа, зэв сөстөм, зэв бурсийөма

нималысь Пан гөтырөс мянлысь,

Ен чужтысьос и некор вежсьывтөм

Нылөс Марияөс быдсяма вежакодь

казьтывлам, асьным асьнымөс,

и морта мортөс, и быдөн олөмнымөс Кростос Енлы сетам.

Кызд тэнад кутөмыд и тэнад каналөмыд,

И выныд, и нималөмыд, Айлөн и Пилөн, и Вежа Ловлөн,

Өні и быд кадө вежсьытөг и оръявтөг локтан нэмъясө.

Адон.

Нималөмыс Айыслы, и Пиыслы, и Вежа Лолыслы.

*Степан кинас өвтыштөмөн лөньөдыштө Васюкөс да вөтлө ассьыс йөзсө. Йөз мунө. Недыр мысти заводитө камгыны керасян шыясысь йөла. Пельөсын сулалө Васюк, киясыс морөс бердас, синсө кылөдөма, лыддьө Ектенья, а гашкө, и Степан вылө броткөдчө.*

## НЁЛЬӨД ПЕТКӨДЧӨМ

СТЕПАН (*Веляньлы небыда*). Ми абу ушкуйникъяс, ни абу рөдтөмъяс, а Крестослысь югыдсө разөдысьяс. Тэ, буракө, ныланой, Сус Крестос, мян мезөс йылысь абу на кывлөмыд, сылөн югöрыс тэлань абу на волөма?

ВЕЛЯНЬ. Меөдз лунъягыдыс оз волы, кысь нин мукөд югыдсө аддзыны.

СТЕПАН. Шондi синмөн тыдалө, а бур велөдөм — сьөлөмөн. Мед мезөсөс кывны да аддзыны, оз ков син ни пель, а колө сөстөм лов.

ВЕЛЯНЬ. Дерт, сөстөм лов да синма сьөлөмыд бур, но верми кө ещö Енлысь вөчөмсö аддзыны. (*Ышловзьö. Кост.*) Ме эськө став олөмөс сылы сетi, кодкө менсьым синмөс кө восьтiс-югдөдiс.

СТЕПАН. Ставыс Ен кыин. Эскыны колө ёна. Эскысьлы отсалас.

ВЕЛЯНЬ. Енмыд өд мусö вөчис да енэжö овмөдчис, морт олөмад оз суйсьы, ас олөмнас олө.

СТЕПАН. Сийö тiян, а мян Господь — бур ыж видзысь кодь, быд ыж сылы дона да муса, некодöс оз эновт.

ВЕЛЯНЬ. А мый нö тiян ичöt енъясыд, сiдзкө, вөчöны?

СТЕПАН. Миян Енным öти, куима Ен, а сюръяяслы да изъяяслы ми ог юрбитöй.

ВЕЛЯНЬ. Кыдзи куима? Куим?

СТЕПАН. Абу, öти, но куима: Ен-Айөн ставсö чужтiс, Ен-Вежа Лолөн ставсö ловзьöдiс-вежөдiс да Ен-Пиён ас вылас йöзыслысь став мыжсö босьтiс.

ВЕЛЯНЬ (*нимкодя*). Сiдзкө, куим и артмö да, мыйла öтикөс висьталан?

СТЕПАН (*дöзмытöг*). Абу куим, а куим чужöма.

ВЕЛЯНЬ (*думыштчö*). Но-о. Сё тешкодь: куим бана шаньга... Миян Войпель нель чужöма жö.

СТЕПАН. Нинөм тешкодъыс абу. Лэбалiс Вежа Лов, мөвпыштiс вөчны Ывлавывсö. Вөчис — лоис Айөн, а кор йöзыс грекө вöйисны, ыстiс Писö му вылө грекъяс босьтны.

ВЕЛЯНЬ. Да өд и мян сiдз жö: Енмыс лэбалiс чөжөн да вөчис мусö, а кад воис, да ыстiс писö му вылө, но эз грек босьтны, а йöзсö видзөдлыны.

СТЕПАН. Сiдзкө, и тi Сус Крестосöс тöданныд, но мөд ног сылы юрбитанныд, грекаяс.

ВЕЛЯНЬ. Пöлино, кутшөм грек йылысь висьталан кузяла? Мый сийö сэтшöмыс?

СТЕПАН (*думыштчö, тошторсö малыштö*). Грекыс мый? Мортыд Ен водзын чужомсянын грека, ыджыд мыжа. Тян ногон кө өд, мортыс пезын жö чужö.

ВЕЛЯНЬ. Сийö пезтö өд пывсянын мыськöны.

СТЕПАН. Пывсянын сöмын няйтыс вушйö, а пезыс оз. Мамсö кө кага дойдö, дойсö бөр оз босьт, а сідзкö, мам водзас пыр мыжаон кольö. А мам водзын кө мыжа, и Ен водзын мыжа. Да и сьод уджсö мортыс мыж понда вöчö.

ВЕЛЯНЬ. Со кыздз? Гашкö, став морт уджыс мыж лоö да?

СТЕПАН. Ставыс не ставыс, а уна чукöрмö олөм олигад: морт виөм, бөлбанъяслы юрбитөм, гусясьөм...

ВЕЛЯНЬ. Миян гусясьысьястö потшкөн лэдзöны да, сэтшöмыд этша...

СТЕПАН. Сы пыдди уна гөтыркөд олысьыс тырмö.

ВЕЛЯНЬ. Сийö нö грек жö?

СТЕПАН. Грек. Сыысь гееннаö веськалö лолыд.

ВЕЛЯНЬ. Кытчö?!!

СТЕПАН. Тян шуöны, мый быд морт кулөм бöрас веськалö мөдарьюгыдö?

ВЕЛЯНЬ. Сöмын лолыс, ортыс му вылö на кольö.

СТЕПАН. Вот-вот. Ортыс — сийö некытчö сибавтөм-инасьтөм лолыс и эм грека йöзлөн.

ВЕЛЯНЬ. Миян тай нö ставыслөн, шуласны.

СТЕПАН. А ставыс и инасьтөмөсь, сы вöсна мый Енсö оз тöдны. Сэсса шөйтасны-шөйтасны да, гееннаö и веськаласны. А сэн Антуслөн чукöрыс: мутияс да иванейяс, урöсьяс да пөлөсьяс, шыбитöны сир пöртиö да пуöны шег ыдждаөдз. Коді Енмөс-мезөсөс төдіс, сöмын сылы эскис, сийö веськалö Райö, югыдинö да шоныдинö. Енмыс небыд сьөлөма, быдөнлы отсалö.

ВЕЛЯНЬ. А меным отсалас?

СТЕПАН. Эскан кө, да.

ВЕЛЯНЬ. Аддза кө сылысь бурсö либö асьсö...

СТЕПАН (*кыпыда*). Аддзан! Сувт ме водзö!

*Велянь кималасөн корсьö Степанös, сувтö сы водзö. Степан перйö зепсьыс вежа ваа ичөтик доз, резö куимысь Велянь чужöмö.*

СТЕПАН. Айыс, и Пиыс, и Вежа Лолыс! Айыс, и Пиыс, и Вежа Лолыс! Айыс, и Пиыс, и Вежа Лолыс! Адон! Адон! Адон!

ВЕЛЯНЬ (*дрөгнитыштö, паськалөм синмөн видзөдö Степан вылö, виччысьөмөн инмөдчö сылы чужöмас*). Тош... (*Видзөдасьö гөгөрбок.*) Турун... Кыдз... Енэж... (*Сералö гажжа. Вочасөн серамыс вуджö бөрдөмö. Велянь уськөдчö Степанлы морөс вылас. Шөпкө.*) Аддза. Ставсö аддза. (*Бара*

сералё.) Со тэ, бур морт. Со турун... Со кызд... Со ю... Со энэж... Аттьё. Аттьё тэд, бур морт.

СТЕПАН (*малалё Веляньёс юрөдыс. Нимкодя*). Со и тэнё эз энот Енмыс. Сійёс аттьоав. Сылөн көсийёмөн синсялін. (*Такөдө то сералысь, то бөрдысь Веляньёс.*) Бёрдөд важ шогтө. Серав шудыдла. И тэнё милёсьта Господь босьтис ас борд улас.

ВАСЮК (*дугдө броткыны, лёкгоршён горөдө*). Вежа айё, лыдди!

*Степан да Велянь дрөгнитёны.*

СТЕПАН (*синсё кылөдлө, чөвтө пернапас*). О-о! Енмө дай мезөсө, прөстит ичөт вежөра мортөс. (*Васюклы.*) Мун йёзас ветлы ли, мый ли: видзөдлы, мый олём олёны, мый керёны. (*Веляньлы.*) А тэ, нылан, көсьян кө кывзыны Сус Кростослөн велөдөм йылысь, мунам мекөд.

ВЕЛЯНЬ (*кыпыда*). Ёні көть му помөдзыс тэ бөрся муна! Нуөд!

*Мунёны.*

## ВИТӨД ПЕТКӨДЧӨМ

*Эн жө. Воё йёз. Гусьён ызгёны. Йёз пөвстын бергалё Васюк. Петө Зон, матыстчө йёз дорө.*

ЗОН. Степан Крап мянөдз воёма. Гундырьяс кодь көрт дөрөма йөзкөд. Регыд тан лоасны, Вежа Кыдзнымөс кераласны, мянөс дзескөдасны.

ЙӨЗ. Пышйыны колө вөрө. Тышка вын колө чукөртны, йөгра дорө йөзөс ыстыны. Гашкө, он кө водзсась, оз вөрзьөд: енкола тшупас да водзё мунас?

ЗОН. Унаён нин Печера да Ву вылө сетчисны овмөснас. Но энө полөй: водзсасьны колө.

ВАСЮК. Абу өд морт виысь Степаныс. Бур Енмөс вайё. Ме ськөд во нин ветла, төда.

ЙӨЗ. Сійён и ситансө нюлан. Миянлы асланым енъяс на шогмёны. Энлөй, ёртъяс, видзөдлам.

ЗОН. Нинөм видзөднысө, мед мунө аслас еннас иванейяс дорө.

ВАСЮК (*Зонлы пинь пырыс*). Оз-ө аслыд ковмы мунны? Степан өд став тунысь вына. Сэтшөмтор керө, мый сэсся некод оз куж.

ЙӖЗ. Мый кужӧ? Мый вылӧ сямыс судзсьӧ?

ВАСЮК. Быдтор вылӧ сямыс эм. *(Чуньяс вылас лыддьӧдлӧ.)* Ва вывтӧ из вылын катӧс, Ендӧнсаӧс синтӧммӧдӧс. *(Чуньсӧ лэптӧ вывлань.)* Вит тунӧс вермис!

ЙӖЗ. Миян туньяс ытва вӧчӧны и зэр чуксалӧны, весиг керкаӧ пыжӧн пыравлӧны. Морттӧ синтӧммӧдны вежӧр оз ков. Юрад кӧ тӧв шутьлялӧ, сэтшӧм шемӧсыд артмас. Кӧрт паськӧмаяснад и витсӧӧс верман. Эмӧсь на миян бур туньяс, сийӧ витыс, кӧнкӧ, жебӧсь вӧлины.

ВАСЮК. Ставныслы налы пом воис. Сус водзын мыжмӧмаӧсь да, Степан налысь уджӧйӧз чукӧртны воис.

ЗОН. Чукӧртӧ бара, сы мында лов кӧ босьтӧма.

ВАСЮК *(думсьыс лӧньӧдӧ йӧзӧс)*. А лолыд ӧд миян Енсянь водзӧсалӧм, Ен дорӧ и веськалас.

ЗОН. Ассьыд нӧ мый он сет?

ВАСЮК *(ышнясьӧмӧн)*. Тэ абу-ӧ вывтӧ варов?

ЙӖЗ. Энлӧй, Степаныс локтас да ачыс висьталас. Виччысьлам, гашкӧ, збыль абу лӧк морт. Эн вензьӧй, весиг кырныш кырнышлысь синсӧ оз кокав, а сийӧ ӧд морт...

ЗОН *(вомгорулас)*. Сийӧ ӧд кырныш кырнышлысь...

*Недыр кежлӧ чӧв усьлӧны.*

ЗОН *(аслыс моз)*. Тӧрыт Ручпиян овмӧснас Излань сетчисны. Эз кӧ мунны, позис на гундыръяссӧ певъялыштны да.

ЙӖЗ *(чуймӧмӧн)*. Кӧрт дӧрӧмаяссӧ? Аттӧ, оз тӧд, мый висьталӧ. Накӧд бертчыны он вермы.

ВАСЮК. Тэнад, зонмӧ, сювйид вӧсни.

ЗОН. Кодлӧн? *(Матыстчӧ Васюклань.)*

ВАСЮК. А кӧть и тэнад...

ЗОН. Волы татчӧ, кыз зырым.

ВАСЮК. Ме — кыз зырым?! *(Пӧрччӧ дукӧссӧ.)*

*Зон да Васюк дӧтшкӧдӧны ӧта-мӧдсӧ. Мукӧдыс дорйысьӧны да оз казавны Степан чукӧрлысь локтӧмсӧ. Степанкӧд орччӧн Велянь. Найӧ сувтӧны, видзӧдӧны, кыз Зон пӧвсалӧ Васюкӧс.*

СТЕПАН *(шпынняялӧмӧн)*. Мир тӧянлы! Он-ӧ видз-мутӧ юкӧй, али вӧр-ваыс дзескыд лои? Мый сэтшӧмасӧ юканныд?

*Йӧз вӧчасӧн торйӧдчӧ. Кодкӧ вӧньсӧ злӧдӧ, кодкӧ косялӧм дӧрӧм сос лӧсьӧдӧ, кодкӧ потӧм льӧбсӧ видлалӧ.*

ЙӖЗ. Крапыс нӧ тайӧ и эм? Дзик жӧ нин вердлытӧм. Тайӧн и повзьӧдлӧны? Миян ног тай бура сӧрнитӧ-а. Веляныс нӧ на дорын мый вӧчӧ?

ЗОН (*чуймөмөн*). Велянь! Тэ!? Ачыд сибөдчин али босьтисны? (*Кутчысьё пуртас.*)

ВЕЛЯНЬ. Эн малав пурттö, Зонмö. Степан менсьым синмös восьтис. Ачым сы динö сибөдчи.

ЙÖЗ (*чуймалö*). Но-о, Велянь аддзö! Синмассьöма! Аттö дивö!

ЗОН (*бугжыльтчö Степан вылö*). Сибөдчин? Эн сирась сöмын, эн сибды-а.

ВЕЛЯНЬ. Эн гудрась, сöран нинöм абусö...

СТЕПАН (*быттö оз кыв шуасьöмсö*). Видзöда да, сэтшöм шань йöз, а öта-мöдлысь пувва кисьтанныд. Мый нö, сурыс кодлыкö эз судзсьы али мича нывъяс эз тырмыны? (*Васюклы. Быттö сöмын на казялис.*) Но-о! Васюкös тай, вөлöм, пуркөшитöны. Сюсь жö тэ морт: йöз дорö локны эн удит, нöш улö нин веськалöмыд.

ЙÖЗ. Варов тай тайö төвйыв мортыс. Гажа сёрниа. Веляньös бурдöдöма.

ВАСЮК (*матыстчö Степан дорö. Удтысьё*). Сус Кристосös этайö зонмыс кулитö, да эг вермы кутчысьны.

СТЕПАН. Кулитö, шуан? (*Шпыньмунö.*)

ВАСЮК. Кулитö. Кулитö.

СТЕПАН (*матыстчö Зон дорö*). Сидзкö, тiян пу еньясыд бурджыкось?

ЗОН (*зумыша*). Ме еньяскöд азя шыд ни сюра эг панявлы, ог тöд, кутшöмöсь, но тэнад локтöдз зык эг тöдлöй, а öни ныв-пи батыös вомалö, вок воклы паныд мунö, ёрт ёртлысь син кокалö.

ВАСЮК. Тэ бара кокалан, дозмөр варыш.

ЙÖЗ (*сералöны*). Но-о! Сидзкö, тэ и дозмöрыс вөлöмыд. Тайö абу жö дозмөр, бöжтöм катшаыс.

ЗОН. Бордтöм рака: лэбавны оз вермы, а кравзаныс вель паськыд.

СТЕПАН. Эн вензьöй, вокъяс. Прöступитчис том мортыс. А тэ, зонмö, эн сэтшöма скöрав сы вылö. Небзьöдчы. Тэ öд он на тöд менсьым Енмös, он тöд вынсö, он тöд небыд-лунсö.

ЗОН. Кывлим сылön «небыдлун» йылысь. Медбур йöзсö пö миянлысь сылы козьналан. Регыд этатшöм бысмыльыс куш и кольö. (*Индö Васюклань.*)

ВАСЮК. Но! Но! Этша на лоис. (*Дзевсьö йöз сайö.*)

ВЕЛЯНЬ. Эн увгы, Зонмö, Степан вылö. Бур морт öд бурön сибөдчö, а лёк — лёкөн.

*Степан довкнитö юрнас.*

ЗОН (*читкыртлө синсө*). Коді нө бур вылө шыён да көрт дөрөмөн йөз дорө локтө? Ми тай нө весиг кыйсигөн мыш ни морөс ог дзебөй, мед ловъя лов водзсасыны вермис.

СТЕПАН (*серөктыштө*). А тэ вежөра, и кывйыд лэчыд. Мен татшөмъясыд колөны. Но он, буракө, төд, мый роч мусянь татчөдз туйыс кузь: коркө ош воча лоө, коркө и... лөк морт.

ЗОН. Мезөсыд нө оз мезды өмөй лөк мортысь?

ЙӨЗ. Абу на йөзыс сэтшөм лөкөсь, да и ошкыс нинөм оз вөч, он кө вөрзьөд. Мортыс өд ошкысь жө артмөма, позьө сёрнитчыны.

СТЕПАН. Мортыд эз ошкысь артмы, а Адам да Евасянь чужис.

ЙӨЗ. Гашкө, рочьяс и насянь, ми тай ошсянь-а. Кодьяс нө сэтшөмъясыс, Адам да Еваыс?

ВЕЛЯНЬ. Адамыс пө медводдза верөс, Еваыс — сылөн гөтыр. Ен-Батьлөн вөчөмторьяс. (*Бергөдчө Степанлань.*) Сидз?

СТЕПАН. Сидз, шөктуг, сидз.

ЙӨЗ. Миян йөз артмөмаөсь Ош да Зараньясь, Шонді нывсянь. Веляныс нө кор тайөс төдмавнысө удитөма.

СТЕПАН (*пөся*). Да өд морт оз жө кут пеж тваркөд узылыны.

ВЕЛЯНЬ (*яндысьыштөмөн*). Сидз тай висьтавласны...

ЙӨЗ. Ошкыд эськө пеж, да аныс мукөддырйиыс пежджык овлө.

*Неыджыд кост. Йөз шөпкөдчө, ызгө.*

ГӨЛӨС (*виччысяна*). Кывлім, уна шемөс вөчны кужан. Гашкө, петкөдлан?

СТЕПАН. Ме ог куж нинөм, Ен кыин ставыс: көсьяс — лэбавны кутан, көсьяс — ки-коктө он вермы вөрзьөдны.

ЗОН. Миян туньяс тэнад ентөг ставсө вөчөны: китөм-коктөмөс сувтөдөны и төлысь вылө лэбалөны.

ЙӨЗ. Веляньсө тай бурдөдөма жө. Ачыс, көнкө, тун, да оз висьтась.

ВАСЮК (*быйкнитө йөз сайысь*). Он-ө көсийй шуны, мый туньясныд тиян Енмысь ёнөсь?

ЗОН. Ог төд, ме енкөд бертчөм эг аддзывлы.

ВАСЮК. Позьө өд видлыны, кодлөн енмыс вермас.

ЙӨЗ. Абу өд найө поньяс, мед пурсыны. Усьөдам өтамөд вылас.

ВАСЮК. А мед кодкө тиян пиысь вермасяс миян багатыркөд Ен нимөн, кодныс вермас? (*Видзөдлө Зон вылө.*)

ЗОН (*Васюклы*). Лок, багатыр, пель дінтө шомала.

*Йӱз сералӱ.*

СТЕПАН (*чорыдакодь, но лӱня Васюклы*). Ланьт, кычи, эн резийьсь.

*Васюк сайӱдчӱ.*

СТЕПАН (*нюмъёвтӱ йӱзлы*). Йӱй руыс петӱ, том на. Оз ӱд шыӱн да пуртӱн бертчыны вежӱра йӱз, а юрӱн.

*Йӱз костысь йӱткыштӱны Васюкӱс: «Мун вежа айыдкӱд люкась, тӱнад юрид кыз».*

ВАСЮК (*дузмунӱ*). Абу ӱд меж.

ЗОН. Меж эськӱ да, ляк сюра: нывъяс бӱрся туркъялан, а люкасьны он кӱсийы.

*Йӱз сералӱ.*

СТЕПАН (*сӱрнисӱ бергӱдӱ мӱдарӱ, наяна*). Ме тӱда, кыздз позьӱ бертчыны... (*Йӱзлы.*) Вай висьталӱй, мый лоӱ, кодкӱ кӱ этайӱ кыздзсӱ вӱрзьӱдас, енъястӱ жуглас? (*Индӱ Вежа Кыдз Вылӱ.*)

ЙӱӱЗ. Оз лысьт некод... Кыис косьмас. Оз пӱр пуыс, а енъяс чардӱн виасны.

ЗОН. Эн кывзӱй сийӱс, эн лӱдзӱй Кыдз дорас матыстчыны.

ВЕЛЯНЬ (*Степанлы, рама*). Гашкӱ, оз ков миянлысь енъясӱс дзерӱдны?

СТЕПАН. Тиян енъяс? Эн на ӱмӱй гӱгӱрво, мый ӱти Ен миян, а тайӱ ставыс сӱмын трӱпӱк пуяс.

ЙӱӱЗ. Мед видлас, сӱтшӱм кӱ збой.

СТЕПАН. Тиян енъяс рамӱсь. (*Аслас чукӱрлы.*) Ноко, нӱровтлӱй Войпельсӱ!

*Кыкӱн перйӱны муысь сюръясӱ, пӱрӱдӱны. Гымыштӱ.*

ЙӱӱЗ. Кывлӱнныд?! Миян енъяс шыасисны! Час, швачкас, и пом Степанлы.

СТЕПАН (*быттьӱ нинӱм эз и вӱв*). Ёмаласӱ ӱни пӱрӱдӱй!

*Пӱрӱдӱны. Бара гымыштӱ.*

ЙӱӱЗ. Оз ӱмӱй нӱ чарднас лый!?

СТЕПАН. Оз лысьтны тиян енъяс Сус Кристослӱн рабъяс вылӱ ки лӱптыны. (*Чукӱрыслы.*) Вайлӱй лагыра черсӱ. (*Го-*

раа.) Ме дор кө Енмыс, отсалас! Аддза нин, пу йлө лэччис Вежа Лолыс!

*Пу вылө пуксьө лэбач.*

ЙӖЗ. Збыль өд! Абу-ө мян аяслөн лолыс? Каленик-лэбач! Гулю да!?

*Степанлы сетӧны чер, сийӧ чукӧстӧ Васюкӧс да матыстчӧ Кыдзлань. Зон уськӧдчӧ Степан вылӧ пуртӧн. Степан чукӧрысь гоз морт шы воровъясӧн пелалӧны, уськӧдӧны да пыкӧны Зонмӧс му бердӧ.*

ЙӖЗ (ыызгӧ). Лэдзӧй, Гундырьяс! Дугдӧй! Татшӧм тӧян и небыдлунныд?!

*Степан чукӧр сайӧдӧ вежа айсӧ. Зырӧ йӧзӧс.*

СТЕПАН (*сатшкӧ муӧ перна-бедьсӧ. Йӧзлань*). Оз ков зыксыны: ӧти муӧд ветлам, ӧти вевт улын олам. Енъясныд кө ёнӧсь, асьнысӧ доръясны. (*Васюклы.*) Сюмӧд турушкасӧ ӧзты, мед Емдинса кызлӧн моз чагйыс бӧр оз йитчы.

*Тэрмасьӧмӧн керасьӧ. Васюк кералӧминсӧ чишкалӧ. Кыдз нӧровтчывлӧ да веськавлӧ кум пӧръя. Воддза нӧровтчигас ылькнитлӧ еджыд ва, сэсся — гӧрд ва, коймӧдысьсӧ — сьӧд. Кыдз усьӧ. Кылӧ ылысса йӧлӧга: нисьӧ ымӧстӧм, нисьӧ горӧдӧм, нисьӧ омлӧвтӧм.*

ВЕЛЯНЬ. Пӧрис...

ЙӖЗ (*шемӧсӧн*). Пӧрис Вежа Кыдзным. Куим ва киссис... Збыль тай ёнджык Сускыд...

СТЕПАН (*бӧр сетӧ черсӧ. Йӧзлы*). Антус-Сӧтана кыйӧ жеб да вежӧртӧм йӧзӧс аслас дзугъясӧ, но Господь-Мезӧслы водзсасьны оз вермы. Ыджыд да вына Ен Бать, помтӧм сылӧн лолыс. Ыстис Писӧ му вылӧ дорйыны йӧзӧс. Йӧзлӧн ӧд вежӧр ичӧт, йӧз ыжъяс кодьюсь. И мед найӧ эз вошны олӧм тӧлляс, Сус Кростос индӧ да югзьӧдӧ туйсӧ.

*Йӧз вочасӧн разӧдчӧ. Зонмӧс лэдзӧны.*

ЗОН (*чеччӧ му вылысь сьӧкыдпырысь*). Куим ва киссис Вежа Кыдзлӧн: воддза ваыс — курыд синва, мӧд ваыс — югыд вир, коймӧд ваыс — сьӧд ор. Пӧрӧдисны мянлысь видзысь айӧс, уськӧдисны вердысь мамӧс, талялисны югыд ловнымӧс.

Некодлы öнi кевмыны, некодлы юрбитны, некодлысь эбös корны, некодös дözьöритны.

*Матыстчö пөрöм Кыдз дорö. Сьöкыдпырысь сувтöдö сюръя-яссö. Найö помöдзыс оз пырны, сувтöны пöлöса. Зон пидзöсчаниясьöмön малыштö Кыдзлысь дiнсö.*

ЗОН. Эн шогсыы, Кыддзанöй: колины на водзös босьтысьяс, колины на важ олöм олысьяс, эз на пөр ыжö мян зарни сюра кöрным. *(Кост.)* Мунны колö Излань. Асьным кö дорйысьны ог кужöй, йöграос колö корны.

*Мунö. Петöны нывбабаяс, горöдчöны Кыдзлы.*

### КЫДЗЛЫ ГОРÖДЧÖМ:

Ен вежös мыджан и зарни Кыдз усис,  
Синва-лысваön, курыд синваön киссис.  
Му веркös пыкан и ззысь сюрös орис,  
Орön дойыс-вундасыс и сьöd орön письтiс.  
Му пыдöсö йиджан кöрт подйыс сiмис,  
Сiмön дай сiм ваön, пемыд вирön ойдиc.  
Чужтысьöй дай лов сетысьöй, вердысь-удысьöй,  
Олöм пыкöдöй дай олöм кутысь-видзысьöй.  
Помасин тай, помасин! Этшад вотöдз эштiн!

## Мöд юкөн

### КВАЙТÖД ПЕТКÖДЧÖМ

*Печера вывса грезд. Кыр йылын гоз-мöд керка. Ылын лöзальштö пожöма вөр. Öти керка бокин Вер лöсалö чös кер. Йөр сайын, орчча керка бокин ноксьö Ань.*

ВЕР *(аслысmoz)*. Таво ар пötка уна лöö.

АНЬ. Тэнад öд кольöм восьяс на эм.

ВЕР. Пельса кындза абу жö нин.

АНЬ. Мян тай кыйсьысьыд эз ло да, не Кыска кö, лытöм яй вылын и овны, эськö, лои. Пиян öнi, эськö, кыйнысö босьтчисны жö да. Вом кöр вежны век нин вайыштасны.

ВЕР *(оз друг гөгөрво)*. Кутшöм лытöм яй?

АНЬ. Но-о! Кок пöлаыс нö...

ВЕР. А-а, тшактö висьталан? Эг тшукөн гөгөрво. *(Кост.)* Кыскаыд ставлы отсалö. Менам понлысь тай урöссö вötлиc да, бара на олам.

АНЬ. Олам, мый не овны. Кыска жö Гөрдань-вердысьöс корсис да, йөвтор быд лун эм и.

*Котөрөн пырö Дзолюк. Киас дзоляник ньөввуж. Кашкө.*

ВЕР (*серамсорөн*). Мый нө кашкан? Көч повзьөдiс?

ДЗОЛЮК. Эз... Кутшөмкө йөз локтө талань...

ВЕР. Кодарсянь? (*Дугдө лөсасьны.*)

АНЬ. Кутшөм йөз?

ДЗОЛЮК. Мылва пөлөн. Морт вит-ө-квайт.

ВЕР. Йөгра али кыйсьысьяс?

ДЗОЛЮК. Абу йөгра ни абу кыйсьысьяс. Паськөмныс миян нога. Аньяс эмөсь. Бөрсяньыс мөсьясөс кыскөны.

АНЬ. Мөскаөсь кө, абу бурысь петөмаөсь туйö.

ВЕР. Гашкө, бара Эжва йылө ушкуйникъяс катiсны? Айй висьтавлiс, водзын тшөкыда волывлөмаөсь Вина да Эжва вылө.

*Локтөны йөз. Медводзын Зон кыскө раз додь, кытчө тэчөма көлуй гөрөдьяс, дозмук, вольяс. Ставөн мудзөмаөсь.*

ЗОН. Чолөм, бур йөз. Шойччыны нө лэдзанныд?

ВЕР. Чолөм, төвйив йөз.

АНЬ. Мый ог лэдзөй? Лэдзам.

*Йөз личөдчө, пуксялө көлуй вылө.*

АНЬ. Муна, тшөкта пывсян ломтыны.

*Пырö керкаө.*

ВЕР. Кытысь нин лоанныд, ветлысь-мунысьыс? Аддза, кузь туй мунөмныд, уна ва вуджөмныд. Тыдалө, ыджыдтор вөрзьөдөма.

ВООМЪЯС. Эг бур вылысь ай-мамлысь гуяс эновтөй. Ко-лим ставсө гундырлы, пышйим. Көрт кырнышъяс воисны, кытысь эг виччысьөй. Төлысь нин туйынөсь.

ВЕР. Кутшөм вын тiянөс вөтлiс, кутшөм лөк суис?

ВООМЪЯС. Локтiс Крап Степан роч муысь ыджыдавын. Став олөм дзугис. Еньяснымөс кысьтiс, Вежа Кыдз пөрөдiс.

ДЗОЛЮК (*збоя*). Эз өмөй нө повтөмъяс тiян сюрны? Этша өмөй Эжва вылас чера-пуртаыс? Татчө кө локтiсны, эськө... (*Лыйө ньөвийөн бокө.*)

ЗОН. Тэ, зонка, збой. И миян тэ кодыыс абу этша.

ВЕР. Гашкө, ыджыд тышын усины ёньясыс, пөсь вирөн парма нитшсө көтөдiсны, а вөрөгөс сувтөдны эз вермыны?

ЗОН. И тышыс эз вöv ыджыд, а йöзöс уна воштим.

ВЕР. Мый нö сідз? Кört йöзсö некыдз вины оз позь?

ЗОН. И кört йöз шыпуртысь куlöны. И кört йöзлы дорöм черыс мөрччö. Ош моз кö варгыльтисны — став лаз новлысьыс эськö шы босьтис, кöин моз кö локтисны — став гач новлысьыс эськö черö кутчысис. Но эз ош моз лок, эз кöин моз Степан уськөдчы. Руч моз вöзйысис тагöс улö — пырис керкаөдз, вöзйысис котшасөдз — кайис паччөрö. Паччөрö кайис, горсö кутис йирны. Йирö да шуалö: «Менам чомйын горйöй бурджык, менам чомйын пачöй ыджыдджык». Кöчөн пырис, сюзьон петны кöсйö.

ВЕР. Коді нö сэтшöмыс? Роч муысь тай нö волöны да, дона төвар босьтlöны, донön и вештысьлöны. Мыйла нö тайö бурсö босьтö, а лөкөн вештысьö?

ЗОН. Степан Крап виль еммöс вайис, ныв-аньöс ылөдліс, томуловлысь вежöрсö гудыртис. Унаön сы бöрся мунöны, важ еньясöс сотöны, вежа кыдзяс кералöны, миян енкарьяс пыди видзайнъясö ассыныс вичкояс, енколаяс лэптöны.

*Петö Ань, петкөдö пöв Вылын гоз-мөд ыджыд черинянь да сур яндöва.*

АНЬ. Юöй, сьөлөмшөръяс, черисö чеплялöй. Кузь туйыд вöньтö личөдö, ноптö ректö.

*Воомъяс сөйöны-юöны.*

ВЕР. Кутшöмджык нö, эськö, Степаныс? Сывъя пельпома, кöнкö, зыр пасьта киа?

ЗОН. Абу-у. Ачыс малямущ кодь, кос куриныга. Сы весът чушканыс зилөн.

ВООМЪЯС. Кывнас вый бордйөн моз мавтö, а кинас сира гезйөн дзугö. Сан моз увсянь парсыштö. Гуся пурысь.

ДЗОЛЮК. Ме кö, эськö, и кывзыны эг кут, этадз эськö — колс, этадз — швач... *(Шенасьö.)*

ВЕР *(Дзолюкы)*. Эн лыбзы. Гырысь костö ныртö эн сюй. Тöдан öд, мыйла чöжъяслөн нырныс лямалöма.

ДЗОЛЮК *(нурбыльтö)*. Тöда... *(Вешйö бокö.)*

ЗОН. Унаön тан оланныд?

ВЕР. Морт дас лоö челядътöгыс. Да чомкост ылнаын сьöd зон олö торйөн.

ЗОН. Мыйла нö торйөн?

ВЕР. Шуа тай: сьöd зон. Тун сйö, Кыскаön шуöны.

ВООМЪЯС: А-а! Кывлім, кывлім. Ылөдз нималö.

ЗОН. Сйö, сідзкö, тиян юр пыддиниыд?

ВЕР (*шпыньмунё*). Миян өд асланым юръяс эмось. Сійё ас юрнас жё оло, медбур кыйсьысь миян, отсасьысь да омольысь видзысь.

*Невиджыд кост.*

ЗОН. Кытчөкө сувтны жё колё да, помся өд он мун. Водзын олысьяс нё эмось на?

ВЕР. Кольчөй татчө. Орччөн йёгра котыр оло. Ылын-джык — вогиляс, кык котыр.

ВООМЪЯС. Төрам? Ог дзескөдөй? Вай сувтам и эм.

АНЬ. Чукөрнад гажаджык.

ВЕР. Төранныд. Эстчө керкастө тшупам. Тыла ректыны отсалам. Чөстуй асьныд таляланнид. Вёрыс паськыд.

ВООМЪЯС. Аттьө жё нин, бур йёз. Татшөм гажаинад позьё на и овны. Дай Крапыд татчөдз оз другөн во.

ЗОН. Сидзкө, овмөдчам. А ме вужъясьны отсала да, йёгра дорё муна Краплы паныд вын чукөртны. Эжватассө бөр локтигмоз чукөста.

ВЕР. Миянөс эн вунөд. Мунысьяс лооны жё, сэтшөмкө нин Крапыс лёк.

ЗОН. Кора. Йёз ковмас.

АНЬ. Но, тайө сёрнитө удитланнид на сёрнитны. (*Войсьяслы.*) Пырамөй керкаас. Сёйыштаннид-юыштаннид да, вой кежлас инавны тиянөс кытчөкө колё.

*Ставөн пырөны керкаө. Кольёны Зон да Дзолук.*

ДЗОЛЮК (*балябөжсө гыжъялө. Аслыс*). Видзөднысө лөпөть кодь, а абу жё дзык польысь вөлөма. Лоө тшөтш вөзйысьлыны, гашкө, босьтас. (*Зонлы.*) Мыйкө... этийө... гашкө, менө тшөтш босьтан да? Ме өд ой-ей сюсь.

ЗОН (*серөктө*). Ньөввужыйд дзоля. Бөр локтигкежлө кө ыджыдджыкөс вөчан, босьта.

*Пырө.*

ДЗОЛЮК. Тешитчө. Туйсө кө йёгра дорё вөлі төда, водз-джык на вои да.

## СИЗИМӨД ПЕТКӨДЧӨМ

*Медводдза петкөдчөмын кодь. Кыска пукалө керка пельёсас чурка вылын. Пидзёс вылас сигудөк. Ворсө. Локтө Дзолук. Кыска сийөс оз казав.*

ДЗОЛЮК (*чукөстө*). Кыска. (*Гораджыка*.) Кыска!  
КЫСКА (*дугдө Ворсны*). А-а. Тайö тэ. Но, мый бурсö вись-  
талан? (*Серөктыштö*.) Со öд, мый му пасьта вöчсьö, төда, а  
ас сиктысь төлысь чöж нин выльторьяс эг кывлы. Да и мый  
выльыс вермас лоны?..

ДЗОЛЮК. Выльторыйд бара тырмö. Пышйысьяс локтисны,  
тöдтöм йöз.

КЫСКА. Кодысь нö пышйöны? Оз-ö вöрыс сотчы? Оз-ö  
муыс сыркьяв? Абу-ö ушкуйникьяс локтöмаöсь?

ДЗОЛЮК. Абу, эжватас кутшöмкö Крапысь повзьöма. Ко-  
тырнас и эмбурнас воöмаöсь.

КЫСКА. Мый нö, Крапыс сэтшöм ён?

ДЗОЛЮК. Краплөн, висьталöны, сойыс вöсни, да наяныс  
во-мöд водзджык чужлöма. Виль енмöс Эжва да Емва вылö  
вайöма, важ еньясöс увтыртöма, Вежа Кыдзьяссö кералöма,  
лэптöма вичкояс, енколаяс. Вевтяьсыс пö эзысь, öшиньясыс  
миян карта öдзöсьясысь паськыдджык, а сигöрас зарни  
пернаяс.

КЫСКА. Бырисны öмöй Эжва вылысь вежöра йöзыс? Оз  
öмöй вермыны руч кыйысьяс öти ручöс мудеритны, кык чунь  
костö топöдны?

ДЗОЛЮК. Локтöма пö Крапыс тышка вынөн, көрт дөрöма  
йöзөн.

КЫСКА. Гöгрöсмисны öмöй эжватаслөн ньöвьясыс? Ныж-  
мисны öмöй эжватаслөн паськыд дора черьясыс?

ДЗОЛЮК. Ёсьöсь на пö, эськö, ньöвьясыс, лэчыдöсь на  
пö, эськö, паськыд дора черьясыс, но мужикуловлысь пö  
бöжтöм катшаяс кинысö клячалöмаöсь. Вежöрсö воштöм аньяс  
Крап бöрся кельöбөн вөтлысьöны, вомнысö паськөдöмөн  
кывзöны выль ен йылысь, куима ен йылысь сөрöмсö.

КЫСКА. Куима ен, шуан? (*Зумыштчö*.) Тайö енлы кө сет-  
чам, пом мянлы воас: Сыктыв вылын серам кусö, Эжва вы-  
лын гажыс бырö, Печераын шудыс чинö, Луздорын нюмсер  
вошö, Мозын вылын ворсöм ланьтас, Ву вылын сьылöм орö.  
Вай жö видзöдлам, шегьяс шыбитлам: кодарын Крапыс крапья-  
ялö, кодлысь ловсö тшыкөдö?

*Босьтö бубен. Камалö.*

Нель төв, нель вок, вайой юөр бур ли лёк.

Асыв кымөр — зэра кымөр,

Лунвыв кымөр — чарда кымөр,

Рытив кымөр — шера кымөр,

Войвыв кымөр — лымья кымөр.

*Мунё Веляньлөн Вуджёр. Вошö веськыдвылö.*

КЫСКА (*шатовмунö, усьö, чеччö. Дзолюклы*). Аддзан? ДЗОЛЮК. Велянь? Сöмын мыйлакö съöd паськöма. Да и йöзыс сы гөгөр съödось...

КЫСКА. Со öд Крапыд мый вöчö! Наян ручысь на ручджык. Эжва бокса видзьяс вылысь медмича дзоридзсö нетшыштöма.

ДЗОЛЮК. Мый нö Веляньыс чайтöма? Кытчö видзöдöма?

КЫСКА (*куруйда*). Кыдз нö позьö олан берегысь скон берегö чеччыштны? Кыдз нö позьö ай-мамлысь енъяссö вунöдны, йöз енмөн ышмыны? Ме тай нö Веляньöс низьён чайтi, а сийö кидус вöлöма.

ДЗОЛЮК (*лачаён Видзöдö Кыска Вылö*). Тэ öд ставсö верман. Гашкö, вöчан мыйкö? Оз жö позь татшöм мичсö кырнышлы сетны.

КЫСКА. Да, ме унатор верма: вынён ошкöд бертча, вежөрөн төвкöд панлася. Верма бурдöдчыны, му-ва пыдöс муртавны. Но мортөн чужтöм лёккöд съöкыд вермасыны, öд лёкыс бурсö някалö да бур водзас котöртö, мед ловийөн кольны. (*Сигудöксö сетö Дзолюклы*.) Пырт сьылан кудйöс, ме лэчча, пыжысь ва кояла. Ковмас эновтчыны сьылан шыясысь, ковмас босьтлыны киö бертчан шысö.

ДЗОЛЮК. Гашкö, виччысьлан недыр? Воысьяс пövстысь Зон мөдöдчö йöгра дорö отсöгла.

КЫСКА. Оз позь мөжгыны. Сийö мед ветлас, а ме муна. Эз öд йöгралысь мичсö гуны, найöс кыпöдны съöкыд лоö.

ДЗОЛЮК. Сидзкö, менö босьт тшöтш.

КЫСКА. Удитлан на сойтö песны. (*Малыштö юрöдыс. Мунö.*)

ДЗОЛЮК (*жугыля*). Кор и быдмывла: öтик эз босьт, мөд эз босьт...

## КÖКЪЯМЫСÖД ПЕТКÖДЧÖМ

*Мөд петкöдчöмын кодь. Сöмын сайын тыдыштö пу часовня. Берег пöлөн ветлөдлө Велянь. Съöd паськöма, вомгорулас лыддьö. Юдорсянь кайö Кыска. Джöм сувтö. Видзöдöны öта-мөд вылас.*

КЫСКА. Шыбитi ассьым сигудökös, путкыльтi пыжысь васö, зибйыштчи öзынсянь. Эг куим төлысьён, эг куим вежонён, эг куим лунён, а куим часён вои Печерасянь Эжва вылö. Мөд кö, эськö, чөрвөнсьö көртавны эз удит, а ме тэ водзын нин сулала шемös.

ВЕЛЯНЬ. Унаён нин ме водзын шемос сулавлісны, унаён нин меным сьолём восьтивлісны. Некодлы на муслун эз вичмывлы, некодлы на нинём эг косьйысьлы.

КЫСКА (*юрсё лэдзё увлань, сьёкыдпырысь сёрнитё, быттьё пычкё кывьяссё*). Радейта, зськё, тэнё, Велянь, олөмысь ёнджык, но эз муслун туйё петкөд. Көсийи, зськё, тэ вылө матысянджык син чөвтлыны, да эз көсийөмыс пыжё пуксьөд. Жөник кө ме тэнад вөлі, шог эг төд, казак кө — эг майшась. Но кывлі: сира сапөгөн крапьялысь юр вежөртө бергөдөма. Таялөмыд тэ рөд-вуж, ай-мамлысь гуяссё, кисьтөмыд налысь горсё, а өні йөз горйө изьяс ваялан, йөз пач под вартан.

ВЕЛЯНЬ (*чышгьянсё лэдзё улөджык плеш вылас*). Менам керкаөй джуджыд часовня. Господь-мезөсөй менам өти ай, енсё чужтысьыс менам өти мам. Абу Велянь ме, а раба божия Улияна. Эз вежөрөс гудырт Степан-батюшко, аслас югөрөн менө козыналіс.

КЫСКА (*жугыля*). Степан Крапыдлөн сапөгыс дзуртө. Степан Крапыдлөн паськөм йөйлөн кодь. Сылөн морөсас перна дзирдалө, рака-катшалысь синсё пөртмалө. Мыйкө вежөр кө колис, ныланөй, он кө көсийи тэ ловтө пежавны, катам вывланьё, мунам Степанысь, сьөла-колиплы ськөд не сьывны.

ВЕЛЯНЬ (*кельид нюсерөн*). Степан йылысь тэ лёка сёрнитан, сөмын ас вылад он тай видзөдлы: нимыд шышлөн кодь, кийд сьөд гөна, вылад шабур шой, ветлан роталь моз. Мыйөн көсьян тэ менө пөръявны? Кыдзи көсьян тэ менө видзнысё?

КЫСКА (*видзөдалө кисё, быттьё первойысь аддзё*). Кийө гөна кө, сідзкө, шуда морт, паськөм киссьөма абу гөль понда. Вөрса звер-пөтка ставыс ме кийн, менам чөсьясын, менам лэчьясын. Ошкөд муркөдчан менам паськөмөй, йөра суөдан менам чаркиөй, чери тывьялан сырзьөм дөрөмөй. Ог ме коль тэнё Краплөн сам пыдди, уна зонмөс тэ мичнад ылөдлан, ловсө том йөзлысь Суслы вузалан.

*Матыстчө Велянь дорө. Велянь косө.*

ВЕЛЯНЬ. Матө ме дорө тэ эн матыстчы, мун да грекьяссьыд войдөр мынтөдчы.

КЫСКА. Ог ме көсийи, мед ловья еньясөс пөвйө гижтөмөн вежисны. Ог ме көсийи, мед вичко винаён тагья сур вунөдісны. Ог ме көсийи, мед сись кодь вөр-пусө енколаяс вылө лэдзисны.

*Видзөдлө часовня вылө, шеныштө кинас. Часовня ыпмунө.*

ВЕЛЯНЬ (*часовня вылө видзөдө. Измывлө, сэсса босьтчө юрбитны*). Енмө дай Мезөсө, мезды лёк тунысь, сылөн кыса киясысь! Гөна киас Антус гыжъяс, сук юрсисысь сюръяс мыч-часьоны! (*Пасьясьө*.)

КЫСКА (*видзөдлө Велянь вылө плеш пырыс, шуалө быд кыв төдчөдөмөн*). Оз лок отсөг вылө енмыд, оз отсав. Абу сылөн тэ раб, а аслад йөй рулөн. Уна му вылын лёкыс вөчсьө, оз удит енмыд быдлаө, а, гашкө и, оз көсьы ылөдчысьлы отсавны: кутшөм нө ме антус? Кийн гыжъяс тшөтшыдөсь, юрын сюръяс оз быдмыны.

ВЕЛЯНЬ. Енмө да Мезөсө, мезды! Микөла-угодник, Петыр-Павел апостол, вежа Ёгорей, Габрилө да Михайлө...

КЫСКА. Отсөг тэныд, Уллына, оз ло. Отсөг оз ло ни мездысь оз лок: Микул-угодник виль угоддьояс видзөдалө, виль туй вылө сиасьө, Петыр-Павел йөрш вугралө, Ёгорей гож водзысь дзодзув кыялө да дыш анясьлы питшөгас сюялө, Габрилө да Михайлө сямөд буксанөн буксьоны — кодї гораджыка букөстас, сылы румка вина. Он төд тайөс, раба божья Уллына, эскан виль енлы, лөг тэнад петө важ енъяс вылө. Полан грекө вөйөмысь, а он төд, мый мыжсө морт вөчө, морт и вештысьө.

*Велянь шатовмунө. Кыска тшапкө сійөс, шыбитө пельпом вомөныс, лэччөдө пыжө да йөткыштчө өзынсянь. Юрөбтө «Узи дай, олі дай...» сьыланкыв.*

ВЕЛЯНЬ (*пуксьө пыж пидөсө. Тэрмасьтөг, быттьө аслыс мөйдө*). Зібъясян, Кыска, Эжва паныд катаң. Пыжыд сир моз чилгысьө, нель весът сода гыяс поткөдө, өтарө-мөдарө швачкө-шыбитө, быттьө ыджыд гөр небыд му муркөдө. Сьылан, Кыска, долыд тэныд: мыш саяд часовня сотчө, пыжад дона тулан пукалө. Ок, эськө, водзө кө видзөдлыны вермин, олан туй вылад синтө чөвтлыны. Да туныд тай йөз олөмсө төдө, ассыйс оз артышт. Гудыртчис эськө тэнад сьөлөмыд, эз сьывсьы сэки. (*Чеччө, бергөдчө Кыскалань*.) Он вермы виччысьнытө, шогыд суас да, ваөн он посыйсь ни биөн он вөтлы! Он босьт менө, пеж тун! (*Шыбитчө ваө*.)

КЫСКА (*горөдчө*). Ок-ок-ок! Ныланөй, ныланөй! Сус Кростосөс казьтывлін, а важ ен дорө жө мунін, ва пидөсө да ва югыдө, Кульёс мичнад гажөдны, войся кывтысьөс шемөс уськөдны. Төлысь-Войпельлы сьывны-норасьны. Чими моз тай нө пескыльтчин да гы пиө вошин!

*Вочасөн пемдө. Сценасө югзьөдө сөмын гөрө биөн ыпъялысь часовня. «Узи дай, олі дай...» сьыланкыв помланысь гораммө.*

## ӨКМЫСӨД ПЕТКӨДЧӨМ

*Медводдза петкөдчөмын кодъ ставыс. Кыска пукало тшалак  
вылын юрсө өшөдөмөн. Водзвылас, ыджыдджык тшалак вылын  
пу тасьтi. Кыскакөд орччөн Дзолук. Киас пань.*

ДЗОЛЮК. Көть өтчид паньышт. Тшыглы кулан.

КЫСКА. Ог вермы, Дзолук, горшө тасасьö. (*Вештö  
тасьтiсö.*)

ДЗОЛЮК. Кулан кө, кодi йöзыслы отсалас, кодi мянөс  
дорьяс?

КЫСКА. Меысь вынаяс, меысь вежөраяс эмөсь, найö  
олөмсö кутöны, а оз ме кодъ морт выысьяс.

ДЗОЛЮК. Но тэ жö шуан, Веляньыс ачыс ваас шыбитчис.

КЫСКА. Эг кө босыт пыжам мырдөн, эз чечышт. Но öнi  
сёр нин...

*Керка öшиньысь лэбöны-зелькнитöны кык пурт да крес-  
тасьöны муын.*

КЫСКА (*лэптö пуртъяссö*). Олысьыс юөр сетö. Пуртъяс  
крестасисны: Веляньöс тшыкөдысь менсьым лов босытны локтö.

ДЗОЛЮК. Крап? Татчö?

КЫСКА. Мун гортад, Дзолук, мед тэныд лёк эз ло.

ДЗОЛЮК. Ог коль öтнадтö.

КЫСКА. Ме бертчыны кольчча, мун, висытав йöзыслы, мед  
вөрö пыштъясны.

ДЗОЛЮК. Ме йөзсö татчö кора, унанад, гашкө, вермам, а  
öтнадтö виасны.

*Мунö. Кыска петкөддö кос ыж ку да сыв кузя ньөввуж. Ыж  
кусö өшөдö стенö, лыйö, видзöдалö кусö, кытысь заводитö вой-  
тавны вир.*

КЫСКА. Ок-ок-ок-ок! Косьмөм ыж ку вирөн ойдöма, мен-  
сьым яйöс лоö дойдöма.

*Ылын, ю шöрын мыччысьö Степанлөн пыж. Пыж шöрын Сте-  
пан да Васюк, öт-мөдарас сынысьяс, бöрас — бöжалысь. Вель-  
таныс парус сяма зiбыйв спас. Сынöны. Сылöны. Пыж водзын  
друг кыптö ыджыд чеп.*

ВАСЮК. Но! Код морысь кө и чеп лои!

СТЕПАН (*Векуштчывлө*). Эн казтывлы кодос оз ков. (*Перна-бедьнас вартө чептас. Чеп усьө.*) Тайө Кыска ноксьө, но мян Ен ёнджык.

*Сынёны сьылөмөн.*

*Чеп усигөн Кыска кутчысьлө вөняс: «Дзик быттё вөньюй орис. Оти мытшөд Вуджисны, мөдсө Вуджасны-оз?» Петкөддө керкасьыс ва көш да шом көш. Кисьтө ва көшө шом чеполь, зэв өдйө лыддьө нимкыв.*

КЫСКА.

Вой Саридзын изъя ді,  
изъя ді вылын изъя мыльк,  
изъя мыльк вылын лөз из,  
лөз из улын көдзыд ва.  
Көдзыд ва, кулан ва, ылькнит,  
ёстө-кебөстө лэдзлы, люосьов-чимитө вөтлы  
өдзөстө тасавны, потшөстө потшавны  
көртөн и ыргөнөн, эзысьөн и емдонөн.  
Пыръяв!

*Степан чукөрлөн джөмдө пыжыс. Ставөн гузьгысьёны пыж пьдөсө.*

ВАСЮК (*кыпөдчө медводз*). Аминьюй! Мый нө тайө!?

*Ружтөмөн чечёны мукөдыс.*

СТЕПАН (*индө ваө*). Со, черыис юсө пыкөма, пыжнымос сувтөдөма.

СТАВӨН. Ок и озырин! Черыис мыйтта! Тайөс нэмтө он кыйлы.

*Бытшйөдлөны шыяснас, куталөны кинас...*

СТЕПАН (*кисө паськыда шевгөддө*). Энө вөрөдөй! Пеж тайө черыис! Кыскалөн вершитчөм! (*Пасьялө черисө, суйө перна-бедьсө ваө.*) Аддзанныд?! Но, көн тиян чериныд?! Эн сетчөй Антуслы!

*Ызгёны-юрбитёны.*

КЫСКА (*койыштө коляс пөимсө*). Кыпты, вой төв, ну вөрөгьясөс ылі муясө! Гым да чард, путкыльтөй пыжсө!

*Пемдө. Төвзьысьө. Чардыштө. Пыж путкыльтчө, но Степан чукөр петө нин озынө.*

КЫСКА. Ок, эськө, воддза вын кө, да морт лов босьтан мыжыс эбөсөс сөймө. *(Котөрөн пырө керкаө, мыччысьө өшиньөд.)* Но, босьтөй, ёрөмьяс, сямныд кө тырмас. Сөмын ас ки вылө өнi лача, бергөдчисны меысь енъяс и вөр-ва.

*Степан чукөр матыстчө керкалань шыясөн тшөтясьөмөн. Медбөрын чеччө пыжысь Крап. Васюк лөсьөдө сылы мыджсьыны пельпомсө.*

СТЕПАН *(тошсө малыштө. Негораа, нускыштөмөн).*  
Босьтөй сөтанаөс.

*Өшиньянь лэбө некымын ньөв. Инмө өткымынлы. Йөз вешйө бокө.*

ЙӨЗ. Ак, тайө курччасьө вөлөм! Ноко, өдзөсас зөркнит-лам!

*Уськөдчөны пельпомнаныс өдзөссө йөткыштны, но кутшөмкө вын тойыштө бөр. Усьласьөны, родөмөн топөдчөны Степан дорө.*

СТЕПАН. Со кызд!? Сотөй Антикристөс! Мед биыс помалас.

*Матыстчөны сартасьясөн. Керка стеньысь быд нитш костысь ылькнитө ва да кусөдө бисө.*

ЙӨЗ. Оз босьт биыс! Нинөм ог вермөй вөчны!

*Косөны. Шөйөвошөмаөсь. Степан гөгралө гуө усьөм көин моз.*

КЫСКА *(өшиньөд).* Но мый? Босьтiнныд, ёрөмаканьяс?  
*(Лөкысь сералө.)*

*Степан чукөр йөжгылясьө сылөн серамысь. Васюк матыстчө Степан дорө. Шөлкөдө мыйкө пеляс. Степанлөн плешьяс шылясьөны, весиг нюмсер тыдовтчывлө.*

СТЕПАН. Но, Мезөс ки вылад, Васюк. Лоан коркө епископөн, оз кө нывьяс бөрся вөтлысигад уньсыштны.

*Васюк шпыннялө.*

СТЕПАН. Дерт, эськө, вежөртө катша кокалөма, но наяныд меысь на унджык.

*Васюклөн нюм вошö. Войтыр матыстчö Степанлань. Кыска öшинь дорын кывзисьö, кыйöдчö.*

**СТЕПАН** (*гораа, мед Кыска кыліс*). Вайöй, вокъяс... Кыскалысь пывсьöм корöсьяссö. Ас зелльöнас зьмейсö пöдтам.

*Котөрөн вайöны корöсь, öзтöны сійöс, сэсся корöсьнас нин — керкасö. Пуркнитö öшиньысь тшын.*

**СТЕПАН.** Со тэныд, антикрис, енкола сотöм!

**ВАСЮК.** Со тэныд мича нывъясöс ылöдлём!

**КЫСКА** (*петö керкасьыс, синсö тильö, кызö*). Ак! Верминныд менö! Эн асланыд енлы юрбитöмөн, а менам енъяс кийн. Ёнджыкöсь менам енъя!

*Шыбитчö пыжлань. Сылы потшöны туйсö. Керасьöны черъясөн да шыпуртъясөн. Степан чукöрысь морт-мöд усьö. Кыскалы нинöм оз мөрччы.*

**ВАСЮК** (*Степан мышсянь*). Кералöй кигуг! Кигуг кералöй!

*Кералöны кигуг. Кыска усьö, пессьö. Пемдывлö. Муркнитыштö гым. Чардыштö. Степан чукөр здук-мöд лолыштö. Сёрнитыштöны тыш йылысь, босьтöны усьöмаясöс да нуöдöны пыжö.*

**СТЕПАН** (*кольччыштлиö на недыр кезлö, видзöдасьыштö*). Мичаинö овмöдчöмаось. Коркö лэптам на татчö енкола. Овмöдчасны манакъяс, кутасны нимöдны Кростосöс, сылысь югöрсö разöдны йöгралы и яранлы, эжвалы и печералы, мед ставөн тöдiсны миян Енлысь вынсö.

*Мунö. Кывтöны.*

## ДАСÖД ПЕТКÖДЧÖМ

*Тшынасьысь керка сайысь мыччысьö Дзолюк, видзöдасьыштö, аддзö пессьысь Кыскаöс да матыстчö сы дiнö.*

**ДЗОЛЮК.** Кыска. (*Гораджыка.*) Кыска! (*Бөрддзö.*) Код вылö нö тэ мянöс колин? Код вылö эновтiн? Лолыд тай нö турунчöжөн кыпöдчис, Эжва вылö лэбис, а ачyd тай нö татчö колин. Лолыд тай нö Веляньöс корсьö, а яйыд татчö сисьмыны коли. Оз öмöй нö чой-вок понда сьölöмыд вись, рöд-свöй понда чепöльт? Оз öмöй нö вөр-васьыс да вöльнöй вöлясьыс

гажыд быр? Чеччы жö, чеччы, Кыска. Уджыд помавтöм, чös-  
туйыд эндöма. Кыска!

*Петöны Йöз, Зон, Вер, Ань да мукöд. Ставön кипеляёсь: кодлön  
шы, кодлön паськыд дора чер, кодлön и шыпурт.*

ЗОН. Көнöсь найö?

ВЕР. Кывтöмаöсь кö-а. Кыскаыс ловъя на?

АНЬ (*матыстчö Кыскалань*). Оз нин тайö сувт. Кувнысö,  
сьөлöмшөр, оз вермы ни.

ЙÖЗ. Тöдысьтö выныс кутö. Да-а, тунъясыд оз кокниа кув-  
ны. Вöньсö вундöй.

КЫСКА. Вунды... (*Кургö.*) Абу нин ме олысь. Дзoлюк,  
волы...

*Дзoлюк матыстчö, сетö Кыскалы шыуга кисö.*

КЫСКА. Босьт.

ДЗОЛЮК. Вай.

КЫСКА (*Верлы*). Вунды.

ВЕР. Эн дивит, Кыска.

*Перйö пуртöссьыс пурт, вундö Кыскалысь вöньсö, бергöдчö  
да чышкыштö синвасö. Кыска пыдисянь да гораа ышловзья. Лöньö.  
Керкаысь пуркнитö тшын, сэсся дугдö тшынасьны. Йöз босьтö-  
ны Кыскаёс, пыртöны керка öкөл пытшкö. Бөр ставön петöны.  
Дзoлюк петкöдö керкаысь шы, ньöввууж, чер, сигудöк, бубен.*

ДЗОЛЮК (*шылы*). Веськыд коз чөръя, шыльöдöм воропа  
шыöй. Зарниöдöм йыла шыöй. Уна пемöс кыйин, уна мортöс  
вердін, Кыскалы веськыд киön вöлін, и мöдар югыдас весь-  
кыд киön ло. (*Чегö шысö. Сигудöклы.*) Медбур козыйсь вор-  
сан кудйöй, зарни сюра көрлön медбур öктöм сөнъясаöй, нюдз  
льöм пу тувъяöй. Ворсін, гажöдін йöзöс, шог пальöдін. Мед  
жö тэнад мича горыд, мыла шыясыд мöдар югыдас ай-мам-  
лысь ловъяссö гажöдасны. (*Жугöдö сигудöксö, öшöдö пу  
вылö. Бубенлы.*) Ыджыд брунганöй, гора брунганöй, колін тэ  
Кыскалы таладор югыдын, ковман и сыладор югыдас. Омöль-  
ясöс вöтлыны, лёкысь рöдвужсö видзны. А ме аслым выльöс  
вöча. (*Сатшкö бубенсö увйö.*)

*Ымöстöны пу енъяс да пөрöны-гыпкысьсöны. Горöдчöны йöз,  
пемöсьяс и лэбачьяс. Ыпнитö керка öкөл. Друг пемдö. Пуксьö  
чöв-лөнъ.*

Лабутной мужик гөлөс: «Нэмъяс колисны сэксян. Йөз вунөдісны Веляньөс, вунөдісны Кыскаөс, да и Степанлысь съөд уджъяссө. Быгөдісны-едждөдісны рөмсө и съөдсө. Дженъыд йөз нэмыд, дженъыд и паметьыс. Сөмын Енкола стенъяс төдөны ставсө. Излөн нэмыс кузь, излөн паметьыс бур. Но оз кужны стенъяс сёрнитны, чөв олоны да сөмын ружтыштөны, кор съөкыд гыжъя кырымнас кадыс личкысьө-өшйө налөн пельпомъяс вылө. Чөв олоны. А гашкө, ми найөс ог кылөй. Съөлөмөн кывзыны ог кужөй, а пельөн өмөй верман босьтны став шысө?»

## ГЫДСАН

(Олём-Вылём йылысь)

Ворсысьяс:

МАМ

БАТЬ

ПИ

ДЗОЛЯ НЫВ

ЫДЖЫД НЫВ

ЗОН (Жёник)

ГОРАНЬ — олём кутысь, юөр вайысь

ВОЙТЫР: ныв-зон, корасысь да мукөд

## Воддза юкөн

### МЕДВОДДЗА СЕРПАС

*Кылө гылыд кага серам.*

*Гыдсан.*

*Гыдсан гезъяс вошöны көнкө энэжас.*

*Петö Горань (кельылдöз паськöма), матыстчö Гыдсанлань,  
ньöжйöник лайкнитö кага потанöс моз.*

МОРТ ГÖЛÖС. Коді тэ? Кытысь? Мый тэнад нимыд?

*Кага серам ылыстчö, сэсся лөнью.*

ГОРАНЬ. Ме вая шоныд и кöдзыд, гаж и жугыль, шога чукöстчöм и шудлысь лөньюсö, войся пемыдсö и луньюгыдсö. Косöда кольёмсö и петкөдла лоанасö, лэдза йир пыдöсö и лэпта энэж сигөрөдз.

МОРТ. Мый тэнад нимыд?

ГОРАНЬ. Горань...

МОРТ. Тэ сёрнитан морт моз?

ГОРАНЬ. Ме тода му вылысь став кывсö, весиг сійö кывъ-  
яссö, кодъяс абуöсь нин либö эз на чужны. Менам сёрниöй  
тöв да шондi кывъясысь, пемыдысь и югыдысь, вынысь и вын-  
тöмлунысь, лөг и муслун кывъясысь.

МОРТ. Көн тэ? Кызтэ тэнö аддзыны?

ГОРАНЬ. Ме быдлаын и некөн. Ме юрга-горала, и сайлася-  
гораняся. Ме орччөн и ылын. Ме быд морт пытшкын: ыджыдын  
и ичöтын, бур мортын и шогмытöмын, пöрысьын и томын,  
нывбабаын и мужичöйын. Ме сьыланкыв и юрбитöм, ме ёрöм  
и, медся повзёдланаыс — вунöдöм. Ме выль чужсьöг кагалөн  
горöдчöм и кулысьлөн киргöм. Ме ставыс, и ме нинöм. Ме,  
кыввор и чöv-лөнъ.

МОРТ. Сидзкö, тэ тöдан ставсö?

ГОРАНЬ. Тöда и ог тöд.

МОРТ. Мый сэтшöмыс сөвесьт?

ГОРАНЬ. Та вылö быдөн вочавидзö аслыс. Мукöдыс нэм  
чöжыс корсьöны сійöс.

МОРТ. Мый сэтшöмыс муслуныс? Ыджыд гусятор али куш  
олöм нюжöдöм?

ГОРАНЬ. Та вылö ставыс аслыс жö вочавидзö. Сюниö  
водтöдз.

МОРТ. Мый сэтшöмыс олöмыс? Мыйын сьлөн сюрöсыс?

ГОРАНЬ. Кымын дырджык олан, сьмын сьöкыдджык  
вочавидзны. Асшöрын быдөн корсьö олöм сюрöссö.

МОРТ. Мый сэтшöмыс шудыс?

ГОРАНЬ (*серöктö*). Став юалöмсьыс тайö медся кокни-  
ыс... (*Кост.*)

МОРТ. Мый чöv усин. Горань?

ГОРАНЬ. Шудсö быдөн тöдö... ичöтсьань.

МОРТ. И век жö... Йöз вошисны, дзугсисны, и некод öни  
оз тöд, мый сэтшöмыс шудыс.

ГОРАНЬ. Казьтышт ачид...

МОРТ. Радейтчöм? Муслун?

ГОРАНЬ. Позьö вежөр воштыны радейтчöмла, но лоны  
шудтöмөн.

МОРТ. Озырлун?

ГОРАНЬ. Озырлун шойччөг да ун мырддьö...

МОРТ. Сидзкö, мый? Мый сэтшöмыс шудыс?

ГОРАНЬ. Быд кулыс: озыр ли голь, вежөра ли йöй, сар  
ли роталь тöдö... Кувтöдзыс. Бөръя здукъясас гөгөрвоö, мый  
олöмыс и вöли шуднас.

## МӨД ПЕТКӨДЧӨМ

*Рытсёр. Неуна вөрүштө Гыдсан. Гашкө, төвруысь, а гашкө, сы вылысь сөмын на кодкө чеччөма.*

*Гыдсан дорө матыстчө Горань (лөз паськөма), кутыштө Гыдсансө. Мунө.*

*Петөны Мам да Бать, пуксьөны Гыдсан вылө мудзпырысь.*

МАМ. Көка войясөй! Югыд войясөй! Кытчө бара кольёмныд?

БАТЬ. Кытчө нө найө колясны? Со енмыс кутшөм югыд, көть пуксьы да войбыд тоясь.

МАМ. Гашкө, и сідз да: век на важ моз төлысья-шондіаыс өтлаынөсь көка войясө. Пөч-пөльлы югзьөдісны, мам-батьлы, өні ныв-пилы.

БАТЬ. Сыысь өд и юр висьө. Кодлыськө өні зорөд бок, көнкө, косьтөны.

МАМ. Ачылд нө эн косьтывлы?

БАТЬ (*джөмдыштө*). Ме? Ме өд сійө ме. А өнія нывьяслөн некутшөм кутөд абу: ис ни ру оз йөрмы чипан юраныс.

МАМ. Ми кутшөмөсь вөлім, вунөдін?

БАТЬ. Ен мед видзас өнія том йөз кодьөн лоны.

МАМ. А кодлы нө менам батьө потшсө гөрбас чегліс?

БАТЬ (*гыжйыштө сьылтшупсө*). Сійө өд Öнө Гришаөн жө чайтіс да, сійөн.

МАМ (*вильыша*). Тэнө тай нө материтіс...

БАТЬ (*посйысьө*). Сідзкө, потшсө төдөмөн медся трөпөксө босьтіс: мода вылас пө варта, повзяс-оз? Эг повзьы дай зять вылө шогми.

МАМ. Эн кө повзьы, мыйла потшсөсьяс вомөныс сэтшөм сюся звиркьялін?

БАТЬ. Öти потшсө вомөн ий чеччышті.

МАМ. Картупельсө тай нө Кывтыд помөдз вөлі таялөмыд...

БАТЬ (*дөзмыштө*). Мый көть эн шу, а миян мөд ног вөлі өнія серти.

МАМ. Медводдзаысьсө менам питшөгө, гашкө, мөд ног жө пырин да?

БАТЬ (*сёрнисө бергөдө*). Татшөм жө югыд вой вөлі...

*Чөв усьлөны. Көкө көк. Ылысьянь нора кылыштө «Көкө, көкө, мый тэ көкан...» сьыланкыв.*

МАМ. Көк, кылө, көкө... Регыд нин йикиөн виньдас...

БАТЬ. Сэсся — вундөм... вөралөм... Тадз и олөмыд коляс.

МАМ. Олөмыд, эськө, коляс, да ми ог лоӱй.  
БАТЬ (*чеччө*). Нормим мыйкө дзикөдз. Мунам, водам. Аски  
видз вылө колө петны. Туруныс морөспань улөдз.

*Чеччөны. Мунөны.*

## КОЙМӨД СЕРПАС

*Асывводз. Гольскөны косяяс. Югдө. Юргө сьыланкыв. Йөз ту-  
рун пуктө. Ытшкө, куртө, чөвтө Гыдсан-зорөдө. Дзоля ныв зорөд  
талялө.*

*Зорөд чөвтсьө. Бать да Мам пуксьөны шойччыны бокө.*

БАТЬ. Тэ, старука, коркө тайө жө виддзыс кодь вөлін.

МАМ. Ме өні гөрөм мулань ёнджык муна.

БАТЬ. Ещө на чайтан быдтысьны, али мый? (*Серөк-  
тыштө.*)

МАМ. А мый нө огыс? Тэнад кө удача абу, чайтан, и ме  
некытчө ог шогмы?

БАТЬ. Тэнад вынтөм му вылө некутшөм гөрысь-көдзысь  
нин оз ышмы, меьсь кындзи. (*Сывйыштө, топөдө морөс  
бердас, окыштө.*)

МАМ (*вешыштө верөс дорсьыс*). Мун, тшөтьнад став  
чужөмөс чашйин.

БАТЬ. Зато водзын нигөннам куш гильөда вөлі. (*Шпын-  
нялө. Чеччө.*) Мунам, тшай юны, кылө, корөны.

*Отсалө Мамлы кыпөдчыны. Мам да Бать мунөны.*

*Дзоля ныв дорө матыстчө Зон. Пөрччысьөма коскөдзыс, киас  
ёкмыльтөма дөрөмсө. Отсалө Дзоля нывлы лэччыны зорөд вы-  
лысь.*

ЗОН. Тэ өні дзик тайө асья виддзыс кодь.

НЫВ (*вильыша*). Сэтшөм жө паськыд?

ЗОН. Сэтшөм жө дзордзались. И быд за вылын, быд дзо-  
ридз да кор вылын зарниасьөны лысва войтьяс.

НЫВ. А тэ лысва косьтысь шондіыс.

*Зон дөрөмнас косьтө нывлысь чужөмсө. Ньөжйөник вештө  
дөрөмсө. Кузя окыштчөны.*

НЫВ (*топөдчө Зонлөн морөс бердө*). Ок! Сотыштін.  
Видзсө косьтан, непөштө лысвасө.

*Котөрөн локтө ичөтик зонка, казялө окасьысь ныла-зонмаёс, гусьёник, кыйкъялёмөн матыстчө на дорө.*

**ЗОНКА.** Локтөй, тонө тшай юны корёны!

*Ныла-зонма дрөгнитёны.*

**ЗОН.** Мун! Час локтам.

*Бара окасьёны.*

*Зонка мунө, кытшовтө, матыстчө выльысь.*

**ЗОНКА (гораа).** Тшай юны, мися, корёны!!!

*Ныла-зонма дрөгнитёны. Зон чепөсийвлө зонкалань. Зонка гизгитыр пышйө.*

*Гыдсан лэччыштө. Зон пуксьөдө Дзоля нылөс Гыдсан вылө.*

*Петө Горань (виж сарапана, гөрд чышъяна), ньөжйөник вөрзьөдө Гыдсансө, чөвтө ныла-зонма костө чышъянсө.*

*Ныла-зонма мусукасьёны. Гыдсан пыр өддзө и өддзө. Ныла-зонма сувтсөн нин өддзөдөны Гыдсансө. Кажитчө: гезъясыс вот-вот орасны да мынөм Гыдсаныс лэбзяс некытчө мытшасьлытөг паськыд енэж веркөсөд.*

*Горань друг вошө. Зон шебрөдө нылөс Горань чышъянөн да тэрыба мунө: шемөс, весьөпөрөм и шуда.*

*Дзоля ныв нюжөдчө Гыдсан пөв вылө, ойбыртө.*

## НЁЛЬӨД СЕРПАС

*(Дзоля нывлөн вөт)*

*Пемьд. Сөмын Гыдсан вылө усьө лөзов югөр. Бать-Мам пуксьёны Гыдсан сайө пызан сайө моз. Локтө Ыджыд ныв, пуксьө орччөн. Пи пуксьө мөдар бокас. Горань ки пөлөдыс вайөдө Жөникөс.*

**ГОРАНЬ.** Тиян төвар, миян купеч.

**ДЗОЛЯ НЫВ (кыпөдчыштө).** Ме тані, мусаөй! Тані тэнад дона төварыд!

*Горань нуөдө Жөникөс Дзоля ныв бокті, матыстө Ыджыд ныв дорө.*

**ГОРАНЬ.** Локтім ми могөн. Он-ө сетөй стенсьыд медбур керсө?

*Жөник босьтө Ыджыд нылос киодыс.*

**ДЗОЛЯ НЫВ.** Ме тани! Тэ жө мела локтин?!

*Жөник оз казав сийос, мунө Ыджыд нывкөд кутчысьомөн. Горань петө на бөрся, сьорсьыс босьтө Дзоля ныв вылысь гөрд чышьянсө.*

**ДЗОЛЯ НЫВ.** Мусаой... *(Шөйөвошөмөн.)* А менө? Менө тай нө ю шөрөд кылавны колин... *(Усьө Гыдсан вылө, бөрдө.)*

*Югдө.*

**МАМ** *(чеччөдө Дзоля нылос).* Чеччы, нылук. Корасьысьяс локтоны.

**БАТЬ.** Корасьысьяс вооны, чеччы. Мый йөзыс шуасны, суасны кө луньюгыднас узигөн? Со пө кутшөм семьяысь, ун пурьяс костысь гөтырпу корсям.

**ВОК.** Чеччы, чеччы. Йөзыс мый, да шондыс янөдө.

*Дзоля ныв чеччө. Синвасө чышкалө. Видзөдлө гөгөр, нюмдө.*

**ДЗОЛЯ НЫВ** *(нимкодя).* Да тайө вөт. Тайө сөмын вөт. Вөтасян жө нинөм абусө...

*Уськөдчө баситчыны-вөччыны. Локтө Ыджыд ныв, сывьялө чойсө.*

**ДЗОЛЯ НЫВ.** Мен сэтшөм нимкодь, чоюкөй.

**ЫДЖЫД НЫВ.** И меным нимкодь, чойө.

**БАТЬ** *(стрөга).* Ноко! Эн чиктылөй сэни! Босьтөй печканьяс ли, мый ли. Куш киөн корасьысьяс водзө эн лысьтөй петкөдчыны.

*Лөсьөдчөны, пелькөдчөны, пуксялөны: Мам-Бать да Вок Гыдсан-пызан сайө, нывьяс неуна бокөджык кипельясөн.*

*Пырө Горань (гөрд паськөма), вольсалө Гыдсан вылө еджыд пызандөра.*

## ВИТӨД СЕРПАС

*Пырöны корасьысьяс. Пельпом вомöныс — кузьчышгьянгьяс. Пук-сялöны лабичö. Чöв олыштöны.*

*Дзоля ныв ыпнитö, нюммуно Жöниклы да яндысьöмөн копыртö юрсö. Жöник зумыштчö, пыксьö видзöдласнас джоджö.*

КОРАСЬЫСЬ. Вöтчим вежон чöж зарни сюра кöр бöрся. Татчö вайöдiс: кок туйыс пос помад абу на кодзалöма.

БАТЬ. Пырöм ни петöм эг аддзывлöй. Ъжгьяс — гидын, кöргьяс вöрын. Быдöнлөн ас оланiн.

КОРАСЬЫСЬ. Öшинювса кызтö кыкысь керыштлöмыд. Кык чаг чуктан выйын.

БАТЬ. Важөн нин керыштли. Зараванас бөр удитiс бурдны-йтчыны.

КОРАСЬЫСЬ. Чуктан чагйид оз йитчы. Акань вылö сет.

БАТЬ. Код чагйысь акань вöчлöны, а кодöс и ломзьöдчан туйö шыбитöны.

КОРАСЬЫСЬ. Миян пес и ломзьöдчан тырмö. Кык сувöдö оз төр.

БАТЬ. Мича аканьлы и мича кöм-пась ковмас.

КОРАСЬЫСЬ. Аканьтö пасьтöг оз сетлыны, во кежлö новлантор колö.

МАМ. Сетам выль шабур, дубгья пась, кык сыргья дора чышгьян... Чувки-кепысь кыöма, сарапангьяс вурöма. Оз пасьтöг мун. *(Ышловзьö, син дорсö чышкыштö.)*

БАТЬ. Рочаканьлы и роч сёян ковмас.

КОРАСЬЫСЬ. Муыс паськыд, вердас. Жöниксянь чаня-вöла да нель ыж.

БАТЬ. Кукгья мös да вит ыж тырмас?

КОРАСЬЫСЬ. Тырмас. Мед асьныс йивмöдасны.

*Нейджыд кост.*

БАТЬ. Ъджыдсö, көнкö? Туша-мыгöрыс эм и аньтуйыс шогмана.

КОРАСЬЫСЬ. Дзоляыс абу на нянь зыр кутысь. Дерт, Ъджыдсö.

МАМ *(довкйöдлö юрнас)*. Ъджыдсö, дерт. Дзоляыс ачыс на аканьөн ворсысь, а Ъджыдыс бужöд вылын нин.

ДЗОЛЯ НЫВ *(шöйöвошöмөн)*. Ъджыдсö?.. Кыдзи... Ъджыдсö?..

Чеччө пызан сайысь. Синтөм моз мунө бокө. Вок видзөдлө чойыс вылө, казялө мыйкө да чеччө жө.

Гыдсан өшйө отар помса кык гез йылө, Горань лайкнитө. Вичко жынннъяс бөвгөны, жынъгөны, зельөдөны «Шондібан». Жынннн шыыс дугдывтөг кылө свадьба помөдз: то чинлө, то гораммывлө, то вежлө гласьяссө.

**Кукутөм:** Ставөн юрбитөны өбразьяс вылө. Жөника-невестаа сувтөны пызан вомөн воча, сетөны ота-мөдныслы чышъян помьяс. Горань нянь тупөсьөн «орөдө» чышъянъяссө: невесталысь чышъян босьтө жөник, жөниклысь — невеста. Петөны пызан сайысь. Невеста копыртчө жөниклы кок улөдзыс. Жөник лэптө сйөс. Окыштчөны. Невеста сетө гөрд вөня кепысь гоз, жөник — деньга.

**Пывсян:** Гыдсан пөлөстөны, сы кузя Ыджыд ныв кыпөдчө. Гыдсан кыптыштө, лоө пывсян вылыс джоджөн. Сьылөдөмөн пывсьөдөны Ыджыд нылөс. Гыдсан вылын невеста корөсясьө зарни корөсьөн. Пывсьөм-корөсясьөм бөрын Ыджыд нылөс пасьтөдөны венеч увса паськөмөн.

Гыдсан пөрө вөв доддьө. Горань вольсалө сы вылө лөз ной, ки пөлөдыс матыстө Ыджыд нылөс Жөник дорө, пуксьөдө жөника-невестаөс Гыдсан-вөв доддьө. Жөник вөтлө вөвьясөс жынннн гор улө. Первой ньөжйө, сэсся пыр тшөкыдджыка да ёнджыка орсө вөвьяссө.

**ДЗОЛЯ НЫВ** (венеч улө поезд мунигкості). Кор төдмалі, мый энөвтін менө, кынмис вирөй, сьөлөмөй гөтшөб ланьтис. Ме друг думышти, мый меным нинөм сэсся вөчны тайө му вылас. (Кост.) Ме төда олөм нюжөдысь турунъяс, төда и олөм орөдысь турунъяс. Гөгөрвои, мый воис кад, юи турун ва. Ме көсийи кувны, ме видлі кувны, но сөмын унмовси. Веж гыяс ланьтөдісны менө. И воши пемыдө. И вөтаси, мый тэ мунін ме дорысь. Энөвтін менө и миянлысь каганымөс. Ме повзи. Ме бөрді да чуксалі тэнө. Но тэ эн шыась. Тэ мунін сэтшөм коньөр, сэтшөм өтка. Садьмөм мысти гөгөрвои, мый тайө вөлөма вөт. И сэтшөм нимкодь лоис. Но вөтъясыд имитлөны. И тайө вөтыс збыльмис. Ме аддзи, мый вөтыс да вемөсыс өтлаасисны, гудыртчисны. И ме повзи ещө на ёнджык. Ме весьөпөри. Кытчө воштысьны? Мый вөчны? Енмыс менө эз босьт. Биө пыра — кусаџ, ваө пыра — косьмас. Отитор менам коли — муслун. Йөюкөй, шудтөмөй, ме радейта тэнө. Эн кывзы йөзлысь вөйпөм. Кывзы менсьым сьөлөмөс. Кывзы ассьид сьөлөмтө. Тэ менам медбурыс! Тэ менам медмусаыс! Тэ менам медконьөрыс!

**ЖӨНИК** (чеччыштө Гыдсанысь, весьөпөрмөн швачйөдлө орснас, быттьө орс шыяснас көсйө веттьыны Дзоля ныв-лысь гөлөссө да сөвесьтсө пөдтыны). Но! Но!! Но!!!

ДЗОЛЯ НЫВ. Шудтөм тэнад свадьбаыд, шудтөм тэнад невестаыд, шудтөмөсь тэнад челядыд лооны. Олөм оз ло тэныд метөг, менам муслунтөг. Олөм оз ло ни спокой. Ме кута виччысьны тэнө. И аски, и во мысти, и кызь во мысти. Котравны петшөр пөвстти көмтөг. Сулавны өшинь улад. Радейтны сөмын тэнө. Кылан?

ВОК (*матыстчө Дзоля ныв дорө*). Эн вийсьы, чойө. Тырмас. Оз ков тадз... Татшөмъяссө велөдны колө...

*Гыдсан-додь чеччалө-тракйысьё. Невеста повзёма, шашаритчөма доддьё, горзё мыйкө. Невеста чеччыштө Гыдсан вылысь.*

## КВАЙТӨД СЕРПАС

*Гыдсан пөрө көлысь пызанө.*

*Горань вольсалө зарни коръя еджыд пызандөра.*

*Зык-гаж, сьылөм-йөктөм. Жынняя пыдди «Шондибан» няжөбтөны гудөкъяс.*

*Вок муно гажөдчысьяслань, шөпкөдчө ёртъясыскөд.*

*Бать матыстчө Дзоля ныв дорө.*

БАТЬ. Видзөда: оз гажөд тэнө чойыдлөн шудыс.

ДЗОЛЯ НЫВ. Ме аслым виччыси тайө шудсө.

БАТЬ. И тэныд коркө тайө инмывлас.

ДЗОЛЯ НЫВ. Инмис нин. Гөрыштіс став пытшкөсөс.

Донөдөм көртөн розьөдіс-дзижаліс.

БАТЬ (*оз на гөгөрво*). Ёна жө чойыдлөн көлысьыс вөрзьөдөма.

ДЗОЛЯ НЫВ. Эз чойлөн, а жөникислөн...

БАТЬ. А мый, тэнад сыкөд вөлі мыйкө?

ДЗОЛЯ НЫВ. Вөлі.

БАТЬ. Ковмас вунөдны.

ДЗОЛЯ НЫВ. Ог вермы. Көсья, но ог вермы. Казытыланторйыс мекөд коли.

БАТЬ. Кутшөм казытылантор?

ДЗОЛЯ НЫВ. Козиныс сысянь. Морөспань улын чужьясьё.

БАТЬ. Да тэ мый, миянөс янөдны али мый көсьян?!

ДЗОЛЯ НЫВ. Нинөм ог көйы.

*Бать кыскө орс. Вартө нылөс.*

БАТЬ. Яндзимыд көн?! Кыдз нө ми йөзыслы синмас кутам видзөдны?

*Вартö мөдысь, коймөдысь...*

**ДЗОЛЯ НЫВ.** Курыд! Ок, курыд тайö гажыс!  
**ЙÖЗ.** Курыд! Курыд!

*Жөника-невестаа окасьöны. Бать швичйөдлө Дзоля нылөс. Быд швичнитөмөн көлысь өддзö и өддзö.*

**ВОК** (*локтö Жөник дорö*). Ноко, Пипилысты Сөкөл, лэбзыывлы пызан сайсьыд, шевкнитлы бордъястö.

**ЖÖНИК** (*гөгөрвоö, шпыньмунö пөлөса*). Висьталантор мыйкö эм?

**ВОК.** Эм.

**НЕВЕСТА.** Эн дыр сэни. Местаыс көдзалас. (*Серөктö. Воклы.*) Кытчö, эськö, кыскан?

**ВОК.** Лолыштны, мед юрыс шудсьыс эз бергөдчы.

*Петöны.*

**ЖÖНИК** (*Воклы*). Мый нö мойдны көсьян?

**ВОК.** Сидз-тадз мыйсюрөсö. Эм мойдантор, эм и мойдысьяс.

*Жөникөс кытшалöны зонъяс. Заводитöны сы гөгөр бергавны. Йөктгмоз нөйтöны, оз лэдзны кытшысь петны.*

**ДЗОЛЯ НЫВ** (*уськөдчö дорйыны*). Эн вөрөдöй! Тайö ме! Ме мыжа!

**БАТЬ** (*сойбордйөдыс шайтыштö нылөс*). Шыты! Овны миянкөд эн велав, йөзыс велөдасны. Мун син водзысь!

## СИЗИМÖД СЕРПАС

*Зэв өдйö, но лөнъ воськовъясөн пырö Горань (гөрд паськөма), шевкнитö Гыдсан вылө сьöд ной. Көлысь гор друг орö. Бөръяысь няжөбтöны гудөкъяс.*

*Кост. Чөв-лөнъ. Гыдсан кыптö, сувтса Гыдсанысь артмö сьöд дзиръя. Гудөкъяс гусьöник босьтöны кадриль. Войтыр гозйөн-гозйөн кытшлалöны: быд мужичөйлөн киас гудök. Горань сулалö Гыдсан-дзиръя дорын да торйөдлө гозъяссö чорыд киён, мужичөйяс кийсь гудөкъяссö сеталö нывбабаяслы. Медбөрын торъялöны Зон да Ыджыд ныв. Дзоля ныв чепөсийвлö кутны Зонмөс, но Бать сувтөдö нылөс сылы пельпом вылас кисö пунктөмөн.*

*Нывбабаяс кольоны отнаныс. Пуксялөны гудокъяс вылө юръяс ошөдөмөн. Горань мунө нывбабаяс сайті да мышсянныс быдөн вылө плавгө мужичөйяслыс еджыд улыс дөрөм. Кодлөнкө кужтөм кыин виччысьөмөн ньөжйөнник гудок чипөстө «Шондібанлыс» некымын шы. Нывбабаяс чеччөны, ошлөны еджыд дөрөмъяссө сёр вылө. Сёр кыптө, дөрөмъяс лэбзьөны вылө. Бать тувьявлө Гыдсанө эновтөм керка ошиньө моз пөвьяс: крест-накрест. Йөлөгаён разалө тувьясьөм шыыс.*

## Мөд юкөн

### КӨКЪЯМЫСӨД СЕРПАС

*Мам матыстчө Гыдсан дорө. Пуксьө. Бать матыстчө, кутыштө пельпомөдыс Мамөс.*

МАМ. Мудзи. Ог вермы сэсса тадзи овны. Синмын пемдө. Вын-эбөс бырөма.

БАТЬ. Гашкө, колө мыйкө?

МАМ. Оз. Мун. Ме шойччышта. Нинөм сэсса оз ков.

*Бать малыштө Мамөс юрөдыс, оз төд, мый шуны, довкйөдлыштө юрнас да мунө.*

*Локтө Горань. Ва пельсаа, сьөд паськөма, пельпом вылас еджыд сьөд чышьян. Мамлысь пөрччөдө көмкотсө, сера чувкисө. Көшысь кимльөскивыз киськалөмөн мыськалө Мамлысь кокъяссө.*

ГОРАНЬ. Тэ вөлін шуда?

МАМ. Вөлі... Унаысь. Зэв унаысь.

ГОРАНЬ. Вермас-ө лоны шуд татшөм дзескыд, омөлик, гөль олөмын?

МАМ (кост мысти). Вермас.

ГОРАНЬ. Кыдзи?

МАМ. Господьөй! Тайөс зэв сьөкыд өти кывйөн шунысө. Весиг лытөм кывйөн он вермы висьтавны. Гөль миян кывным та вылө.

ГОРАНЬ. Тэ видлы. Ме гөгөрвоа.

МАМ. Шуд... (Думыштчө. Кост.) Ме вөлі шуда, кор сийө медводдзаысь менө сывйыштис...

ГОРАНЬ. Код сийөыс?

МАМ. Менам пөрысь вужляыс...

ГОРАНЬ. Но и шуыштін...

МАМ. А мый? Мед вужля, мед пöрысь, но сыысь донаыс да матысджыкыс абу.

ГОРАНЬ. Мыйла, сідзкө, аслыс тайöс эн висьтав?

МАМ. Ми кызкө эг велавлöй. Пемыд йöзыд луна-воясö куш төдам. Некод эз велöдлы. Пытшкын новлөдлам и чöv олам.

ГОРАНЬ. Но и йöйöсь...

МАМ. Абу йöйöсь. Донаторсö полам резыйны... Да öд сійö төдö, көнкө. *(Кост.)* Тэ со шуд йылысь... Медводдза лун, медводдза час, муслунлөн медводдза минут... Кор тэ вошан, он коль, кор тэ сынöдыс... Мусуклөн ловшыыс, кывьясыс... Он. Он вермы тайöс кывйөн висьтавны... Абу му вывса тайö, абу татчöс. Кыськө вылісянь... Тэ эм и абу... Сöмын морöс, кокъяс, вомдор, синьяс. И сьölөм зутшкө: му сюрöсөдз шыясыс мунöны. Тайö здукыс и эм олöмыс...

ГОРАНЬ. Тэ кужан стöча сёрнитны.

МАМ. Сöмын кор тэкөд кыкөн. Тэ öд Горань. Тэа-меаöс некод оз кыв.

ГОРАНЬ. Висьтав ещö шуд йылысь мыйкө.

МАМ. Ме сöмын ассьым, йöзлысь ог төд.

ГОРАНЬ. Тэ аслад шуд йылысь...

МАМ. Мөд шудыс, гашкө, воддзасьыс ыджыдджык... Ме олөм петас йылысь. Ме пытшкын, сьölөм улын. Быттьö нэмьяс пытшкын. Нинөмсый! Ки-кок, вир-яй инмөдчөмысь мыччысьö быдтас... Менам медводдза нывлөн нэриник корьяс... *(Кост.)* Сэки ме вöлі, гашкө, мича. Сиктса мужикъяс дзоргисны, кор ме мунлі видз вылө. Видзөдісны кокъяс вылө, морöс вылө... Ме төді, мый ме том, вына, мича, лов вылын сэтшөм шондіа вöлі. *(Кост.)* А кызди радейтлі верöсö: удж вывсянь локтас, нывлөм дука, мудз, ас... Турун да дзоридзьяс вылын, гожся төвру вылын сулөдөм. *(Кост.)* Он, тайöс кывйөн он вермы висьтавны. Да и он гөгөрво тэ тайöс, Горань.

ГОРАНЬ. Кысь нин меным? Ме öд чигтөм... Му веркөсö кисьтөм төлысь югөр кодь... Но тырмас сэсся. *(Дугдö мыськыны Мамлысь коксö, вештö пельсасö бокö.)*

МАМ. Жаль. Ме верми эськө висьтавны пачысь сöмын на кыскөм нянь көр йылысь... гожся асывводз йылысь, кутшөм кыпыда сійö локтö... синва кодь юын купайтчөм йылысь... нывбаба чилзөм... кор сетчан мужиклы моз юыслы, шонділы, дзоридзьяслы, енэжлы... Мед вир-яй, быд йöзви, быд сөн, лолыд тырис мулөн муслунөн... Он. Он вермы тайöс...

ГОРАНЬ *(орөдö)*. Тырмас! *(Шевкнитö сьöд чышьянөн, сайöдö Мамöс.)*



НЫВ. И тэ эн дивит.

БАТЬ. Морт олөмыд вывті дженъыд, мед сійөс зыкөн-пиньөн ещö на дженьдöдны. Но мыйлакö тай роксö пыдöсöдзыс сёям, мед гөгөрвоны, мый рокыс конасьöма.

НЫВ. Тырмывлö и öти пань.

БАТЬ. Гашкö, и сідз.

*Бать босьтö кагаöс киас. Видзöдö.*

БАТЬ (*чуймөмөн*). Эт-татшөм лөпсьыс öд коркö и морт на лөö. (*Нюмъёвтö.*) Ок тэ, кутшөм зумыш. Мый бара юрас öнi бергалö? Мый вежöртны кöсйö? Мам морöссьыд на эн торъяв, юмов йöлыс ачыс на вомад визувтö, оз ков сой ни кос песны. Веськöд чуқыръястö. Эштылан на шогавнысö да юртö жуглыны. Ми öд, пöрысь гобъяс, арся кымөр кодъöсь: здук шондi, вежон зэр. Тэнад шогъясыд гожья лунö асывлунсянь кокни кымөрторъяс кодъöсь на.

*Дзоля ныв ньöжйö вешйö, мед не торкны сёрнисö.*

БАТЬ. Кок вылад сувтан, нуöда тэнö видз вылö. А сэнi — бобувъяс: еджыдöсь, вижöсь, лöзöсь... Кутшөмыс сöмын абу? Дзоридзьяс — öти мöдысь мичаджык. (*Серөктыштö.*) Дерт, велавтöгыд крукасьлан вутшъюрö ли сук турунас, тильскысьлан он öтчид. Но öд татшөм кокни морттö юсь гөн кодъ туруныс оз лэдз муöдз усьны. Да и муыс небыд, мамыдлөн кыис кодъ. Сöмын эн повзъы, эн бөрддзы, кор усян. Вод гатшөн. Видзöд кымөръяс вылас. Первой кажитчö, мый кымөръясыс лэбöны тэ весьттi тэрмасьтөг, чöла, быттьö тöдöны мыйкö, мый морт оз тöд. А сэсся казялан: а ачид нин кывтан енэжтi, кымөръяс весьтöд. Мыш бердад ляскысьöм мусö нуан. Но муыс абу сьöкыд. Сійö ачыс енэжыс кодъ. Кокни, небыд, шоныд, ыджыд. Сöмын полыштан неуна, мый исковтас сійö пельпом вывсьыд, путкыльтчас лёка босьтөм турун нöб моз, и öшъян тайö кымөръяс весьтас осьса мышкөн. Йирмөг босьтö татшөм мөвпсьыс. Эн яндысь сэки бергöдчыны бөр, кымыньтчыны да шашаритчыны-кутчысьны муас. Муыс тэнад кутöдыс да мыджöдыс. Сійö оз мун некытчö. Оз пышйы. Оз эновт.

## ДАС ӨТИКӨД СЕРПАС

*Дзоля ныв матыстчө бөр. Бать сетө сылы кагасө. Петө Горань, вольсалө Гыдсан вылө еджыд рузум, рузум вылас пуктө сю тыра куд.*

**БАТЬ.** Олысылы — овны. Босьт тайө дзоляниксө. Сет сылы бур ним. Мед нимыс да няныс сійөс мортөн вөчасны.

*Ныв босьтө кагаөс. Мелиа мыйкө шуалө сылы, сэсса пуктө кагаөс Гыдсан-потанө. Бать пасьталө еджыд дөрөм, өшөдө голяас Гыдсан вылысь сю кудсө, лабутнөя босьтчө көдзны. Мунө первой өтнас. Сэсса сы бөрся вөчасөн мөдөдчөны мукөд. Кытшовтөны-мунөны.*

*Горань некымынысь лайкнитө Гыдсансө. Вошө.*

*Дзуртө-лайкъялө Гыдсан.*

*Гылыда сералө кага.*

*Ньөжйөник кыссьө занавес.*

*Неыджыд костөд дыр на тыдалө лайкъялысь Гыдсан.*

## ЙОЛА ГОР

(Му пуксьом йылысь кык юкөна ворсөм)

Ворсысьяс:

ЕН да ОМӨЛЬ — ен-вокъяс (ЕН — еджыда-зарни паськөма. ОМӨЛЬ — съода-гөрда. Найо мича бөжаоьсь, сюръясаоьсь, ыджыд пеляоьсь, лэбач ныраоьсь, йөз сямаоьсь, но абу дзык йөз.)

ПОН

МОРТ

АКАНЬ (АНЬ)

ЕНЭЖ, МУ, ВА, ПАРМА — ставыс ловъя, вөрө, олө Юсь, КЫРНЫШ, КӨР ДА МУКӨД ЗВЕР-ПӨТКАЛӨН ВУДЖӨРЪЯС

ВИСЬӨМЪЯС — съөдөсь, пемыдгөрдөсь, зэв мисьтөмөсь

## Воддза юкөн

### МЕДВОДДЗА СЕРПАС

*Пуркъялысь ру пиын югнитлөны Чардби да Шондї югөръяс. Муракылыштлө гым. Шлявгысь зэр шы да шоръяслөн бузгөм содөны шы гудырө. Муыс самөй на чужө-муткырасьө. Чужөны юяс да тыяс. Кыптөны крут изъяс да веж туруна мылькъяс. Мычысьөны веж кыддза расъяс да съөд козья тільяс, зарни пожөма ягъяс да лөз ниа дїяс.*

*Юсь клуксөм да Кырныш круксөм вевттывлөны корсюрө став шысө. Кадысь кадө зэв ыджыд өдөн Вуджөртчывлөны налөн мыгөръясыс. Он вермы гөгөрвоны: дурөны Юсь да Кырныш али синсьыныс би петмөн тышкасьөны өта-мөдыскөд. Ру рөммө гөрда-лөза рөмъясөн: шуйгаладорын лөзалө, веськыдладорын гөрдалө. Вочасөн вылыс веськыдладорсянь тыдовтчө Зарни Югыд, паськалө Му и Енэж пасьтала, вөтлө лөза-гөрда рөмыдсө ылыс пельөсьясө. Воссьө Ывлавыв, выль чужөм Ывлавыв.*

*Юсь да Кырныш мыгөръяс танкнитчөны морөс на морөс, усьөны Му вылө да пөрөны Енма-Омөляө. Пемдывлө.*

## МӨД СЕРПАС

*Асывводз. Гажа Ывлавыв. Воськыдвылын — кыдзьяс, шуйгавылын — козьяс. Ю. Енэж. Турун. Вуджрасьёны пемосьяс. Көнкө кыддза раскын көкыштө көк. Дзользьёны лэбачьяс.*

*Петө Ен. Гөгьлтө зарни Шонді Енэж кузя, сэсся өшөдө Енэжө аслыс киён судзан вуйө. Пуксьө кыдзьяс улын гырнич бергөдлан кытш водзө. Козьяс улысь быйкнитө Омоль, торкнитө пу барабанө. Ен дрөгнитө, кокнас гоз-мөдысь бергөдө кытшсө. Омоль матыстчө сы дорө.*

### ОМӨЛЬ.

Мый нө, воканөй, жугыльө усьөмыд?

Видзөд: вөр-ваыс гөгөрбок — со!

Аслад вежөрөн муркөдөм мичлуныс  
сьөлөм вылад нө оз өмөй во?

Мырсим кык морта вежон чөж тэкөд ми:

вөчим вөрьяс и тыяс, сюрс ю,

вөчим черияс, пемосьяс, пөткаяс,

Ва и Сынөд, и Енэж, и Му...

Тільсим пөтмөн, дай мудзөмыс сюрыштис.

Өні гажөдчы сөмын да ов.

*ЕН (кыпөдө юрсө. Синмалө Ывлавывсө. Төдчө: сьөлөмыс абу на бурмөма).*

Омоль-вокө, дерт, вөчөма унатор,

сөмын нинөм оз кыпөд мен лов.

Быттьө мөдторджык вөлі тай көсийыссьө,

но ог гөгөрво, воканөй, мый.

Мыйкө ыджыдтор вежөрын гудрасьө,

да өд другысьөн мөвпсө он кый.

### ОМӨЛЬ (кыпыда).

Тырмас норасьны, видзөдлы гөгөрбок:

эз-ө тайө тэд водзынджык ков,

кор ми лэбалім Нэмөвөй Пемыдас,

кор эз вөв нинөмтор, ньөти лов?

Кывзы: Пармаын дзользьёны лэбачьяс!

Кывзы: пучерө торкөдчө Кыр!

Кывзы: баксөны көрьяс да йөраяс!

Дугды жуглясьны, гортад моз пыр...

### ЕН.

Лөньлы! Дзуган тэ мывкыдөс-вежөрөс,

сярған өтарө Кыр Сизьыд моз.

Уна лэбачыс, быдсяма пөткаыс,

но оз ков налөн сьылөмыс, оз.

Ставон сьылёны, кызди ме сьывлі нин,  
ставныс нерёны менсьым Важ Вёт.  
Тайё шыясыс вок петмон тёдсаёсь,  
тайё дзользьёмон сьёлём оз пёт.

ОМӨЛЬ (*шензьё*).

Кызд нё сідз? Ме жё на вылысь велёдча.  
Талун вёчи со торкөдчан пөв...  
Көсьян, воканёй, пөлянөн гажөда?  
Татшөм шемёсыс некор эз вөв.

*Перйё питшөгсьыс пөлян, ворсё-ливкйөдлө.*

ЕН.

Пө-өлян... Аддзөмыд, мыйён мен ошйысьны.  
Тадзтө лэбачьяс тюргоны пыр.  
Найөс верман тэ нерны Кад помасьтөдз,  
оз кө, коньөрлөн, ловшыыд быр.  
Гажтөм меным, и тэысь нин шогөдө:  
бөрья кадас тэ омөлик ёрт.

Энлы!.. ...Кывзы  
(*Аслыс.*)

...а мый эськө, вөчны кө...?

(*Чорыда нин.*)

Вөча выль пөлөс лолөс ме — Морт!

ОМӨЛЬ (*виччысьёмөн*).

Гашкө, весьшөрө, Енмөй, тэ тэрмасын?  
Гашкө, миянлы некод оз ков?

ЕН.

Отсышт, вокө, вай, тырмас сэн пөлясьны.  
Медбур сөйысь ме вөча выль лов.  
Кызди шуа, сідз лоас. Да пель водзын  
нинөм абусө сэсся эн лөвт.

Ветлам. Зарни кодь сөй матысь аддзывлі:  
(*Синсө чөвтлө пу торган вылө, дөзмө.*)

Ассьыд пөвтортө, шуи тай, чөвт!

*Пырёны вөрө. Котралёны-дзивьялёны гөгөрбок и отарө-мөдарө  
пемөс вуджөрьяс и ловья пемөсьяс. Сорласьөмаёсь вёт и вемөс.*

## КОЙМӨД СЕРПАС

*Петёны. Кыскёны сөй пельса. Енлөн кытш лөсьөдігкості да  
ноксигкості Омөль перйө пельсаысь өти асык. Видзөдлө сы пыр,  
суйлө асык пытшкас кисө, тотшкөдыштө өтилаө, мөдлаө.  
Ылісянь кылыштө бубен йөла.*

ОМӨЛЬ. О! *(Синмыс югнитлө. Тыдалө, сылөн чужо виджыд мөвп.)*

ЕН. Отсышт!

*Омөль зэв өдйө дзебө мыш саяс гусялөм асыксө, кокнас тюрөдө козья тильлань. Енма-Омөля пөрөдөны сөйсө кытш вылө. Ен пуксьө кытш сайө, видлігмоз бергөдө кокнас.*

ЕН.

Мун да довъялышт Пармаас шойччигмоз,  
менсьым уджос тэ бара эн торк.

Сідз кө артмас, кызд мөвпъясөн шымырті,  
артмас мича да вежөра Морт.

ОМӨЛЬ *(кыпөдыштлө пельпомсө, веськодъпырысь).*

Колантор вөлі тэ бөрся кыйөдны.

Бара ышнясян. Артмас ли оз...

*(Гораа, Ен кылөм вылө.)*

Вөрас пырыштла, сынөднас лолышта,  
пөтмөн няръяла намыр да оз!

*Босьтө киняулас торгансө, торкнитө. Торган шыяс пыдди йөла разөдө бубен гор. Омөль пырө вөрө, Ен бөрся кыйөдчөмөн нокө-зэвтө гусялөм асык вылө кучик. Ен бергөдлө кытшсө, тапкөдө сөй лятисө.*

*Пемдыштлө. Ыпнитлөны би югөръяс. Би пөртмасьө уна рөмөн. Сөй ляти да Енлөн ки вылө усьө гөрд югөр.*

*Муракылө гым. Шутьлялө төв. Дзуртөны пуяс. Омөль усьө кымынь, бөрөн кыссьө пуяс улө, кыскө помавтөм бубен.*

*Гөрда-вижа сөй ляти бергалө, чукөртчывлө кытшө, кыптывлө виджыд гырнич кодьөдз, паськавлө дзоридз моз. Кытш вылын бергалө-кыптө вочасөн Морт мыгөр.*

ЕН *(лыддьөдлө пуяс шувгөм улө).*

**Мусяньыс эбөссө, Васяньыс визувсө,  
Енэжсянь вежөрсө, Төвсяньыс ловшысө,  
Бисяньыс муслунсө, Пусяньыс винөвсө...  
Кыпөдчы, Мортанөй, кок вылад зумыда,  
пучерысь веськыдджык тушаа-мыгөра,  
Төлысысь еджыдджык чужөма-баньяса,  
Ен кодъ жө пискөсөн, кужысьөн-керысьөн,  
вежөра, киподъя, авьяён-мичаён.**

*Кытш дугдө бергавны. Пуксьө чөв-лөнь. Асья кыа югөр усьө кытш вылын сулалысь Мортлы чужөм вылас. Морт юрсяньыс*

кок улөдзыс кырссаляма-кормома. Ен ньөжйөнник, мудзпырысь  
чеччө кытш сайысь.

ЕН (Мортлы).

Со и вөчи ме медбөрря олысьос.  
Косьмы гож водзас: шондйис дон.  
Водла шойччыны, бөрас нин ловзьода.  
Тэнө видзнысө кольччывлас Пон.

*Шутёвтө. Локтө Пон, легөдө бөжнас, леститчө.*

Видзөд-дөзьөрит, медым дзик некоді  
тайө Мортлы эз вөч мыйкө лёк,  
медым вок менам, Омоль, эз матыстчы.  
Зэв өд шогмытөм дзоляджык вок.  
Муна, вугыртла.

*Пырө кыддза раскө мыйкө броткигтыр.*

ПОН.

Видза, дерт, вөчөмтор,  
ме өд дорйысьыс абу на лёк:  
пинь кө жергөда, кута кө эргыны,  
медьен вөрөглөн лыжалас кок.

*Рөмдө. Муракылө ылысса гым моз Енлөн шкоргөмыс.*

## НЁЛЬӨД СЕРПАС

*Гусьёник кыйкьяломөн локтө Омоль, асыкысь вөчөм ззысь куа  
Төлысь-бубена. Кытсалө Понйөс.*

ПОН (эргө, увтчө). Мун! Мун! Мун! Мун!  
ОМӨЛЬ (леститчө).

Аттө! Мича жө Енмыслөн Кутьойыс:  
кодзув синьяса, чурвидзө пель.

Тайө, тыдалө, муывса олыссьыс  
медся повтөм, да вына, да пельк.

ПОН. Мун! Мун! Мун! Мун! Эр-р-р-р!

*Уськөдчө Омоль вылө. Тшапкысьө кокас. Омоль Төлысь-бу-  
беннас нөйтө Понйөс, мынтөдчө да пышйө. Пон бөр сувтө кытш  
дорө.*

ОМӨЛЬ (*скорысь грөзитө козъяс увсянь*).

Энлы, пеж ловлы пужсө час петкөдла.

Эм и тэ кодьсө лөньөдан грөз.

Өтнам Му вылас ворсысьыс-сьылысьыс:

оз ков ме вывтi кутшөмкө йөз.

Медъя, чужин кө, коньөрөй-Мортаной,

Енлөн ки улысь петін кө тшук,

ов! Но Омөльлысь кывзы быд шуөмсө,

менсьым тшөктөмөс пель саяд тшуп!

*Омөль камалө-бергалө, зысь Төлысь-бубенас брунөдө. Пон йөжгылясьө.*

ОМӨЛЬ.

**Вой төв! Чизыр лола Вой төв!**

**Бергөд чужөмбантө татчө!**

**Кынты лысва, кынты войтва,**

**камөд мусьыс лешак паччөр,**

**дор көрт гумла, эзысьт пуяс,**

**уклад чептөн чептав юяс!**

*Төвзысьсө. Кыпөдчө Турөб. Лёкысь шуьгө Төв. Пон топөдчө  
Морт дорө, йөжгылясьө, тiралө көдзыдсьыс, омлялө.*

ПОН.

Ы-ыыв, ы-ы-ыв, ы-ы-ыв, ы-ы-ыв.

Оз нин некор лымйыс сыв.

Турда, кынма, Енмөн керөм.

Омөльлы, дерт, ставыс серам.

ОМӨЛЬ (*матыстчө Понлань, тешитчөмөн*).

Мый нө, Кутьөй, коньөрөй, жугыльтчин?

Он нин важ мозыд ме вылө увт.

Синмыд чусмөма, ныр-вомыд гыёра,

да и тшөтьид оз воддза моз сувт.

(*Тапнитө асьсө плешкас. Гальскөмөн.*)

Со өд вунөдчи! Мыйсяма тшөть йылысь

сёрни нуода? Коньөрөй Пон!

Тэ жө пасьтөм на, сө морө! Майшасян:

ывтi ывлаас көдзыдыс ён.

*Пон сөмын тiралө да никсө.*

Менө лэдзлан кө вөчөмтор видлыны,

он кө шегьясөс өтитөг разь,

тэныд козьнала шоныдик, небыдик...

(Синсö куньтыртлө.)

...сэтшөм мичаник... кокныдик пась.

ПОН. Н-но! Н-но! Н-но! Вай! Вай! Вай!

*Омоль плавгö Пон вылө пась. Пон вешйö бокö. Омоль матыстчö Морт дорö, кульö кырсьсö, гугöдö Мортöс, пöлыштö. Морт ловзьö. Омоль öшöдö Тöлысь-бубенсö Енэжö Шондiкöд орччөн, тутöстö пöлянö, пышйö сералөмөн. Тöлысь-бубенсянь киссьö эзысь югөр.*

## ВИТÖД СЕРПАС

*Пон матыстчö Морт дорö. Исалö Омольлысь кок туйсö. Никсö. Увтыштö. Морт нюжмасьö быттьö дыр узьöм бöрын. Вөрöдö ки-коксö. Чеччыштö кытш вылысь.*

МОРТ.

Дыр жö узьсьöма кокувса сёй пиас.

Мыйла водзынджык бара эг чуж?

Омоль ловзьöдiс, вöтьясöс разöдiс,  
пышйис.

(Кост. Видзöдасьö гөгөрбок.)

Нинөмтор ог на ме куж.

Эз и велöдышт нинөмö коньöрöс.

Сэсся öнi мен вöчнысö мый?

Ог кө ветлы да пармаас пыравлы...

Ог кө нурьясьны звер-пöтка кый...

*Казялö Енэжын öшалысь Тöлысь-бубен. Матыстчö, Видзöдалö быд боксянь ворсансö, кинас сайöдчö югöрысь. Гөгралiгмозыс люкасьö Тöлысь-бубенö юрнас. Бубен пыдiсянь бувкнитö. Морт виччысьтöмысла садьтөг чепöсийö бубен дорысь. Ас садяс воём мысти выльысь матыстчö. Коставлөмөн первой чунь помнас, сэсся ки пыдöснас тувкийö бубенö. Кыззысьö.*

О-о!

Тайö ворсанлысь шыяссö кывлі нин.

Камгö тувсовья Гым моза дзик.

Вай жö ворсышта, йөктышта, пессьышта.

Вир-яй кынмөма, измөма чиг.

*Босьтö бубенсö. Ворсö. Йöктö. Горзö. Бергалö. Камалö. Пон чеччалö сы гөгөр. Увтчö.*

Ок и гажа жö вöлöма овнысö!  
Муса Ывлай! Вөр-вай! Морт!  
Морт öд чужис! Тi кыланныд онöй ли?  
Чужи ме! Чужи Му вылын!  
(Понлы)

Ёрт!  
Мунам Пармаö кынöмпöt перйыны.  
Кынöм сямалö, ола нин Нэм,  
а эг видлы ни ватор, ни сёянтор.  
Тшыгла косьмöма дзоляник вем.

*Мунö. Пон бергалыштö, көсйö вöтчыны сы бöрся, но оз удит:  
петö садьмöм Ен.*

ЕН (*видзöдлö Пон вылö. Сэссия тыртöм кытш вылö*).  
Тэ нö кодi? Да көн менам вöчöмтор?  
Кытчö вошöма ловзыйтöм Морт?

ПОН.

Пырис Пармаö звер-пöтка помавны.  
Омоль ловзйöдiс лолавтöм орт.

ЕН (*лөкысь чужйö кытшö. Кытш пöрö*).

Бара водзавны Омольыд лысьтöма!

Часлы! Веськавлан ки улö мен!

Вöтла Му вылысь Улысса Муясö!

Ен на ме? Али абу нин Ен?!

(Понлы.)

**Тэнö, шогмытöм, вузöса быдтасöс,  
ог-ö нэм кежлö ёрдкылөн ёр?!**

**Нэм чöж вурзавны, омөльтны Омөльöс...**

**Медым Тöлысь кор гыöра, дзор,  
медбур морт аслас онялысь керкаас  
медся пашляка войö оз лэдз.**

**Медым вöравны Морт водзын мунигөн  
сöмын исыштлан пöткаа лэч.**

**Медым собалан Йöра да Көр бöрся  
кузь лунтыр, да мед нюжалас кыв,  
да мед вöралiг сöмын и сюрыштлас  
сьöd нянь көрыш да койбедьлөн йыв!!!**

Мун!!!

ПОН (омлялө).

О-омө-ө-ль! Сюрлан кө, пура: вур-вар!

*Мунө бөжсө да юрсө өшөдөмөн.*

## Мөд юкөн

### КВАЙТӨД СЕРПАС

*Сэн жө. Ен өтнас. Пармасянь кылө буксанөн буксөм.*

ЕН (кывзысьө).

Бара вөчөма Омөльыд ворсантор:

Көрлысь баксөмсө нерөма тадз.

Оз тай веськавлы менам пось ки улө,

эськө шылькнитіс мышкусө шадз.

Оз тай лешаклөн горш дорыс гөрддзасьлы,

тутсө ылөсас, кужө ли — оз,

либө камөдө пөвійө да бубенө.

Мыйла вомнас, кызд шулі, оз ворс?

Эськө, бурнога сьывны кө велалис,

сэсса ворсанөн содтыштіс шы.

Тайө поляннад, буксаннад, чипсаннад

вомыд пөдса да, ёна он сьыв.

Чорыд тотшкөдчан, сяркөдчан пөвьясөн

лов оз личав, дай сьөлөм оз бурд.

Гашкө, вөчны мен шойччигмоз Гудөктор,

медым сьывны и йөктыны бур.

*Ылысса йөла вайө летчан вужлысь нюжъялан, нор шы. Сылы вочавидзө Енлөн мөвпясын чужысь Сигудөк. Ен кывзысьыштө. Босьтө ён Кызд пу, перйө ыджыд пурт да вөлалө.*

Вөча Гудөксө лымьеджыд Кызд пуысь,

но ог Омөль моз: веськыд да кос.

Вөча Морт нога, мед менам Гудөклөн

вөлі пельпом, и бекъяс, и кос.

*Вөлалө. Вочасөн кызд пу керйысь артмө нывбаба мыгөр. Ен гыжъялө юрсө, шөйөвошыштөма.*

Мыйкө мөдтор кө тан менам вөчсис-а?

Артмис бара эз Гудөк, а Морт.

(Кост.)

Модыс өтнас жө яг вывті ризъялө,  
гашкө, лоө мед сылы бур ёрт?  
(Падъялө.)

Али нинөмла кывзысьтөм котырсо  
ковтөг йывмөдны, олас, мый эм.  
Сідз нин Омөльыс ме вылын серавлө:  
Мортлы сетөма лов-ру и вем.

*Недыр падъялыштөм бөрын босьтө нывбаба баласө, нуө Шонді  
улө, мыджө пу бокө. Шонді югөр крута усьө Акань вылө, быттө  
мыскалө сійөс.*

Медым син сайын, бокинджык сулавлас.  
Ог на ловзьөдлы, кытшовтла вөр.  
Ковмас Гудөксө вөлавны Коз пуысь.  
Оз кө сюр, вөлись косавла бөр:  
выльысь мөвпыштла, мөд Мортыс колө-ө.

*Жөдзө, оз на төд, мунны-не. Кинас өвтыштө.*

Ветла, пальөда жаялөм юр...  
Мыла Гудөксө вөчны, бур Гудөксө,  
оз-ө гораджык пу меным сюр.

*Пырө козъя тилльө.*

## СИЗИМӨД СЕРПАС

*Локтө Морт, камөдө Төлысь-бубенө, ылөсас горзө лёкгоршөн  
да чиклясьө. Друг аддзө Енмөн вөчөм Аканьөс. Джөм сувтө.  
Тинькнитө да орө Сигудөк шы: Морт кыйө Енлысь вөт вуджөрсө.*

**МОРТ.**

Аттө! Син водзын менам-ө вералө?  
Али сынөдыс кольмөдіс юр?  
Гашкө, вержитчө-каститчө Омөльыс?  
Гашкө, юсьөма кодаджык сур?

*Өшөдө бубенсө Енэжө. Тшапитчыштө: шылькнитө юрсисө,  
кисө чышкыштө бокъясас, матыстчө матөджык.*

Нолтө, Аканьөй, ме вылө видзөдлы,  
чөвтлы ме вылө чөдлач лөз син...

*Акань, дерт, чөв оло. Морт дөзмыштө.*

Тэкөд йөзыс став Му пасьта кыкөн на:  
өткодь миянлөн Пармаын чин...

*Сюсьджыка видзөдлө Акань вылө.*

Ак тэ, трасича! Мый нө ме видзөдї?  
Кертөм-лөсавтөм вөлөма гыр.  
Колө корсылыны өні жө Омөльөс,  
медым ловзьөдас пырысьтөм-пыр.

*Локтө Омөль. Буксанө букөстлө, пөлянө тутөстлө — ним-  
кодясьө.*

ОМӨЛЬ.

Мый нө бара нин, Мортанөй, казьтывлан?  
Мыйла Пармасьыс зверсө он кый?  
Мунам, велөда чөсьясөн кыйсьыны,  
дзугьяс сиавны...

*(Казялө Аканьөс.)*

Тайө нө мый...?

МОРТ.

Ен тай вөчөма кызд пуысь Аканьөс,  
ачыс мунөма. Кытчө, ог төд.  
Мича Аканьлы лов абу сетөма,  
бара нөдөма выль пөлөс Нөд.

ОМӨЛЬ *(шпыньмунө).*

Часлы, Мортанөй, бурджыка видзөдлам.  
Вайлы төлысьсө киясө мен.  
Гашкө, Ентөг на Аканьөс ловзьөдам...  
*(Аслыс.)*

Воштас сэки мөд Мортөс бур Ен.

*Камалө, бергалө, горзө, матыстчывлө Акань дорө, пөлясьө,  
сьөласьө. Акань оз весиг вөрзьыштлы. Омөль пласьт усьө муө,  
шыбитө бубенсө, сьөкыда лолалө. Ньөжйө, өдва-өдва чеччө, чыш-  
кадө пөсьсө.*

ОМӨЛЬ.

Оз, оз артмы тай менам дзик нинөмыс,  
Енмыс, тыдалө, помөдз эз вөч,  
мед нин мич вылас вөр бокин сулалас...  
*(Мортлы друг зэв скөрысь, мед яналөмсө дзебны.)*

А тэ мөдлаын кытөнкө жөдз.  
Ныртө быдлао сюавны велалін,  
дзик быд пельөсө. Мун татысь! Мун!  
Он кө кывзысь, он ылав кө Пармаас,  
тайо Аканьыс нэмтө оз вун.

*Чужйо поторгансө коз улө, вешйө. Скөрысь шувгө козъя вөр,  
вөтлө Мортөс.*

**МОРТ** (*жугыля*).

Сідзкө, тешитчис Ен тадзи ме вылын.  
Тавысь некор оз артмы нин Ань,  
а өд гозйөн кө кургөмөн овмөдчим,  
кутшөм оломыс вөлі сэк шань.

## КӨКЪЯМЫСӨД СЕРПАС

*Сэн жө. Морт жугыль сулалө Акань дорын. Коз улө саймовт-  
чыштөма Омоль. Локтө Ен, кias Сигудөк балаа. Аддзө Мортөс.*

**ЕН** (*нимкодя тапкөдыштө Сигудөк балаө*).

А-а! Тэ тані нин, сө муса вөчөмтор!

Видзөд: со тэныд вөча ме мый.

(*Казялө Мортлысь жугыльө усьөмсө.*)

Мый он нимкодясь-йөкты, он сьыв нинөм,  
вөрса пемөс ни пөтка он кый?

Эз-ө ло тэкөд мыйкө зэв шогмытөм?

Эн-ө доймы тэ, он-ө нин вись?

Мыйла жуглясян, сө муса пиукөй?

Мыйла копыртін юртө?

**МОРТ** (*видзөдлө Акань вылө*).

Да, сідз...

**ЕН** (*кыйө Мортлысь Акань вылө видзөдлөмсө да серөк-  
тыштө*).

Эз-ө Аканьыс бергөд юр вежөртө?

Эз-ө мусаммы лөсалөм кер?

**МОРТ.**

Муслун курыдөн пуксьөма морөсө,

сөмын нинөм нин өні он кер:

Омоль видліс со Аканьөс ловзьөдны,

но эз артмы, көть воштіс кузь лун.

Өні олөм — не олөм. И Шондіс

пемдіс. Аканьыс юрысь оз мун.

ЕН.

Энлы, ловзьодам, сэтшөма колө кө  
Эн на Шог пиас сирасьтөдз бөрд.

*Ен лолыштө Акань вылө. Сійө оз вөрзыы.*

ЕН.

Мый нө тайө? И меным оз ловзьөдчы.  
Бан ни вомдор эз вирысь ло гөрд.

*Ен видзөдлө скөрысь Омөль вылө. Омөль кыпөдышлө пель-  
помсө, ачым пө нинөм оз гөгөрво, да кутчысьө пөлянө. Ен ырыштчө  
сы вылө, лыйө чардөн, Омөль чепөсийө коз улө. Ен пуксьө Сигудөк  
вөчны. Морт — Акань подлөсө.*

## ӨКМЫСӨД СЕРПАС

*Ен вөчө Сигудөк. Омөль пукалө коз улын, пөлянасьө. Морт  
Акань подлөсын, малышталө кыз керсө, мыйкө нурбылялө вом  
горулас, а гашкө, и ымзө-сьылө нор сьыланкыв.*

МОРТ.

Эськө, позис кө Аканьсө ловзьөдны,  
кутшөм шудаөн лои ме сэк.

Оз тай артмы...

ОМӨЛЬ *(дугдө ворсны. Родыштөмөн да Енмысь видз-  
чысьөмөн мыччысьыштө коз увсянь).*

Да тырмас сэн маласьны,  
керйыс лөставны кутис нин...

МОРТ *(ышловзьө).*

Эк!

*Омөль довкнитө юрнас көритөмөн да бара босьтчө ворсны.  
Ен килутшинас тотшкөдыштө Сигудөкас, кывзыштө шысө.*

ЕН *(Мортлы).*

Нолтө, матыстчыв таланьө, Мортанөй.

МОРТ *(дышпырысь кыпөдчө).*

Мый нин ковмис тэд месяньыс, Ен?

ЕН.

Вайлы, юрситө пратьөн ме нетшышта,  
колө Гудөктө сиавны тэн.

МОРТ.

А-а көть юрөс тшөтш дась сорысь ородышт:  
мый мен юрсьыс, кор олөмыс дзуг.

*Пидзёсчанясьё Ен водзё, копыртё юрсё. Ен нетшыштё юрси прать, сиалё гудёксё.*

ЕН.

Эн на вийсьывлы водза водз: Сурымсё  
эг на чужтёй, он усурмун тшук.

*Ен помалё Сигудёк, любуйтчыштё сыён, нуёдё вужнас сияс кузя. Мыла шыяс пыдди кылё сёмын чишкём: Гудёк оз Ворс. Морт веськодъпырысь мунё бёр Акань дорё.*

ЕН (*гыжъялё юрсё*).

Мый нё лоёма? Чёв олё Гудёкёй...

Акань ловтём, и Гудёкөн мат...

ОМЁЛЬ (*кыйкнитлё коз увсянь*).

А тэ, воканёй, коз сирсё няклялышт,  
сирён вужсё да сияссё мавт...

*Ен мавтё сирён вужсё да сияссё, нуёдё гоз-мёдысь вужнас сияс кузя. Гудёк нюж-няжмунё. Ен друг скёрмё.*

ЕН.

**Тайё Омёльлөн индёмён артмёма,  
сідзкё, абу нин ворсаныс бур.**

**Медым лешакыс Гудёкнас няжёдчас!**

**Сёмын пежалі кияс да пурт.**

*Ен шыбитё Сигудёксё отарё, пуртсё — мёдарё да мунё.  
Омёль эновтё пёлянсё, босьтё Сигудёк, няжётбё.*

ОМЁЛЬ.

Енлөн киясысь петём бур ворсаныс

оз тай шогмы, оз бур ногён ворс.

Со ёд вёчёма сись коз пу тшалакё

урлы дзёбсьымён ичотик горс,

сияс зэвтёма, быттьокё ситёгыс

эз позь вёчнысё гажёдчан куд.

*Шыбитё Гудёксё мыйкё пежос моз Мортлы.*

ОМЁЛЬ.

Босьт на. Тайён дзик дыш меным ворснысё,

сямыд тырмас кё, «ур позсё» кут.

*Омёль мунё. Морт тшаккысьё сигудёкё, видлалё сійёс.*

## ДАСӨД СЕРПАС

МОРТ.

Ен эз вермы ни, Омоль эз босьтчы ни,  
мена морттуйой тырмас ли — оз?  
Збыль од видзодлан: быттьокө немас кодь —  
воймом, ройоссём, горсьялом коз.

*Небыдика, виччысьомён нуоддö вужйөн сияс кузя. Сигудок шыасьö нывбаба гөлөсөн, быттьö сьылö. Морт кывзысьö.*

Бубен Омольлөн, шильөдөм-пелькөдөм,  
брунгö зэлөдөм Көр кунас сідз,  
весиг кок сөныд брунөдчө-тіралө,  
быттьö төв йылын кос турун идз.  
Пöлян тюрөстлө Турилөн шыясөн,  
чипсан — Сьөлаөн. Мыла жö гор!  
Торгö путорган, Кыр Сизь моз сяркөдö...  
Талөн мый кодь и шыыс?.. Зэв нор...  
Абу вөр-валөн варгөм кодь варгөмыс,  
и оз зельгы, кыз тувсовья шор,  
и оз гымав, оз швачөдчы пашляк моз.  
Быттьö висьталö зэв гусятор...  
Быдтор шыясас: шогыс и нимкодьыс,  
жугыль муслун и ылысса грöz...  
Ставсö восьтö, мый абу на чужöма,  
мыйён кутчысьны кутас бур йоз.

*Новлөдлө сияс кузя то нора, то гораа, чорыда. Сигудок шыяссö нерö нывбаба гөлөса ылысса йöла.*

**Вай жö Аканькөд öтув ме ворсышта,  
медым йөктыштас мекөд том ныв.  
Ворс жö, гудөкөй, сиралөм Гудөкөй,  
менсьым сьөлөмөс восьтігмоз сьыв.**

*Көрталö Акань коскө да ки-кокө сунисьяс. Ворсö, сьылö, кыс-  
кәлө Ворсігмозыс Аканьлысь ки-коксö сунисьясөд. Акань быттьö  
йөктö тшөтш: катласьö öтарö-мөдарö, шенасьö кинас, вешталö  
кокьяс.*

МОРТ.

**Ноко, кокьяснад нөшта вай зымкнитлы,  
ноко, ёнджыка кияснад öвт.**

**Мый тэд Омоль да Енсянь эз вичмывлы,  
гашкө, сетас дас везъясьысь көв.**

*Морт Ворсө да сьылө пыр гораджыка и мыладжыка. Сьылгмозыс весиг оз друг казяв, мый Аканьлөн ки-кокысь сунись-яс вочасөн мынөны-оръясьөны. Аканьлөн гыпкысьө усьө өти ко-кыс, мөдыс, киясыс. Сійө лигышмунлө, но пуяс да коскө көрталөм сунис кутөны усьөмысь. Морт бергөдчө гыпкысьөм шыө. Горөдчө.*

**МОРТ.**

Эн, эн усь, муса ныв, йөктышт төкөтьө!

Сунис вежас мед тэд сьөлөм вуж:

вужьясь олөмас, меө кызд вужьясин.

Тэтөг кула, ог овнысө куж.

*Босьтчө Ворсны, Сигудөк шыяс мойдын кодьясь, кыпыдөсь, мылаөсь. Акань друг веськөдчө, орөдө бөрья суниссө. Видзчысьөмөн босьтчө йөктыны ачыс, ас дорас, ас вир-яяс кыв-зысьөмөн.*

**ДАС ÖТИКÖД СЕРПАС**

*Веськыздывсянь петө Ен, шуйгавывсянь — Омоль. Сувтөны шемөс.*

**ЕН (Омөльлы).**

Синьяс водзын-ө тадз менам вералө?

Меөн ловзьөдтөг ловзьөма пу!

Али тэ, вокө, бара на сералін?

Да өд ва кындзи нинөм эг ю...

**ОМÖЛЬ (Енлы).**

Эз жө Морт вермы Аканьөс ловзьөдны:

кытысь Мортыслы сы мында сям?

Мортлөн артмис кө та ыджада шемөсыс,

сійө мянысь вынаджык Кам.

Колө топөдны ышнясьысь котырсө,

кытчөдз вывті эз паськөдны рөд.

Сідз нин кыпөдчө мянлөн быдтасным,

ассыс Енсө ни этшсө оз төд.

*Морт да Акань оз аддыны ни оз кывны найөс. Сөмын өта-мөдсө. Морт дугдө Ворсны, матыстчө Акань дорө. Видзчысьөмөн кутчысьлө киас, малыштө бандзибсө.*

МОРТ.

Акань! Ловзин!? Эг виччысь ме татшөмтор,  
оли шемөсө лачаон көть...

Оз на эскыссы, быттьөкө видзөда  
ылөг унзільын дэльөдчан вөт...

Кызд пу Аканьыд ловзьөма! Дивө өд!  
Кызд пу Аканьысь лоөма Морт!

ЕН *(Омөльлы долыда).*

Со өд: кодос ми сөйшомсыд мачалим!  
Ачыс вөчөма гаж вылө ёрт.

МОРТ.

Акань, сьөлөмшөр, сьыланысь чужөмөй.  
Чача. Лымъеджыд бур шобди нянь...

АКАНЬ.

Абу Акань ме. Нэм кежлө өнисянь...

МОРТ.

Код нө сідзкө тэ?

АКАНЬ.

...Гөтыр да Ань.

ОМӨЛЬ *(Енлы).*

Эн на нимкодясь водзвыв, эн гажөдчы,  
абу бур вылө лоөма тадз.

Кытчөдз Мортыс эз ышмы Тун выняссыс,  
сйөс өдийө бөр сөй вылө разь,  
жуглы Аканьсө жель выя, чаг выя,  
найө өні нин вуджөны этш...

ЕН *(скөрысь).*

Кызд нө ловъя лов ас кион бырөда?

Татшөм сөрнинад бокө вай кеж!

ОМӨЛЬ.

Сідзкө, ачим ме ас кион босьтчывла,  
мед оз кыпөдны вылөджык юр...

*(Шевкнитө кинас.)*

ЕН *(повзьө, горөдө бокө).*

Ноко, Пон! Көни тэ, Енмөн ёрлөмыс!?

Тайөс Омөльсө мачкыляв-пур!

*Котөрөн локтө Пон, уськөдчө Омөль вылө, эргөмөн да курч-чалөмөн вөтлө.*

ОМӨЛЬ.

**Со кызд!?. Ёра и Мортсө, и Гөтырсө:  
медым олөмыс лоө Сир Шог,  
медым петасны Му улысь Висьөмъяс,  
йөзөс помавны быдсяма ног.**

Ен швачнитö бöрсяньыс гымнöвйöн. Омöль вöйö Му улö Ваö моз. Вöянінысь пырысьтöм-пыр заводитöны петны Висьöмъяс: сьöдöсь, мисьтöмöсь, чуκληöсь, варгыль кокаöсь, кодкö сой пöла, кодкö кок пöла. Кытшалöны Мортöс да Аньöс. Бергалöны на гөгөр. Морт Ворсö Сигудökön, ветлö Акань гөгөр. Висьöмъяс шыбласьöны на вылö, но оз сибавны. Кымын гораджыка Ворсö Сигудök, сымын ёнджыка койöны югөръяссö Шонди да Тöлысь, сымын ёнджыка нюкрасьöны Висьöмъяс.

ЕН.

Мунöй, Висьöмъяс! Гөпъясö разалöй,  
көнi сюнъя Шог пыдöсьыс лöз.  
Мунöй Нюръясö... Эн öмöй казялöй:  
Мёнам борд улын медводдза йöз!?

Висьöмъяс нюкрасьöны Сигудök шыясысь, сылöны, вошöны.

## ДАС КЫКÖД СЕРПАС

Морт да Акань сулалöны воча, ки на ки кутчысьöмөн.

ЕН.

Со и бур лои ставыс. И ладмöдчам  
Ен да сы кодь жö киподъя Морт.  
Сöмын жугöд вай Омöльлысь Гудökсö,  
тэнад эм öнi сы пыдди ёрт.

МОРТ.

Öнi... став бöрас Сигудök жугöдны?  
Ки оз лыб менам та вылö, Ен.

ЕН.

Сидзкö вай, ачым пасьварта пу бердö.  
(Нюжöдö кисö.)

Ачым вöчи да, ачым и...

МОРТ да АНЬ (ötлаын горöдчöны).

Эн!!!

ЕН (дрөгнитö. Чöv олыштö. Сэсся курыда).

Со кызд? Сэтшöма менö и кывзанныд?  
(Мортлы.)

А öд ме тэнö вöчи...

(Аньлы.)

...и тэ —

мена́м киясысь петöмтор... Коньöрьяс...

(Кинас öвтыштö.)

Олөй, кызд тiян гажныд, а ме  
лэбзя Енэжө, йөйясөс эновта,  
кута серавны-гымавны сэн,  
кор тi ме водзын юрбитiг шуанныд:  
«Йөрмим, отсав пө миянлы, Ен!»

*Гымыштө. Гөгөрбок югдывлө. Пемдывлө. Бөр югдө. Зэр сяргөм  
шы. Шондi югөръяс усьөны пөлөсөн. Ен сулалө югөр усянiнын.  
Мөвпалө мыйкө. Сэсся өвтыштө кинас.*

Медъя! Гашкө, и лов серти оланнид.  
Медъя! Морттуй лөк кывйөн ог торк.  
Сета джодждөра-пос: гашкө, воланныд,  
Ошкамөшкаыс өзйивлас кор.

*Шондi югөр вольсыштчө уна рөма Ошкамөшкаөн, йитө Енма-  
Муа костсө. Ен мөдөдчө сы кузя вывлань.*

Энө вунөдөй! Пос кута лэдзлыны,  
кута Енкола өшиньөс тшук  
көдзыд пөраө сэзьдивны-восьтивны.  
Олөй, йивмөдөй сурс челядъжуг.

*Ен кыпөдчө Ошкамөшка кузя да саялө Енэжө. Ен бөрся кыптө  
Төлыся-Шондiа Енэж да торъялө Мусыс. Ошкамөшка разалө, пась-  
калө зарниа-гөрда кыаөн.*

*Гырнич вөчан кытш дорын сулалөны Морт да Ань. Шөракос-  
таныс, кытш вылө сувтөдөмөн кутөны Сигудөк.*

**МОРТ** (жалъпырысь).

Мунiс. Эновтiс. Нинөм эз гөгөрво.

Енлөн та мында муслун и эм?

Ставыс помасис. Кыдз сэсся овнысө?

(Бергөдчө Аньлань.)

**АНЬ** (нүмдө).

Йөюк. Миянөн вощьө Виль Нэм.

Ставыс водзын на олөм и вылөмыс.


Ставыс чужө на. Муыс на том.

Нэмся Пемыдыс вөлись на кылалiс.

Тайө сөмын на пьесалөн пом.

*Нүмдөны өта-мөдыслы, бергөдчөны да кутчысьөмөн мунөны  
ыпъялысь кылань. Морт пельпом вылас нүө Сигудөк.  
Дон гөрд кыаөн лэччө на бөрся занавес.*

# Орт ветлан туйёд



## КӨМТӨМ НЫВКАЛЫ

Ю пөлөн джунгли кодь дзик бадьяс.  
Ми сэні тэкөд коркө ворслим.  
Ми вөлім медся воддза йөзөн.

Эз вөвны миян пөляс-батьяс.  
Ми выльысь ставлы нимъяс корсим.  
Сэк шуим енэж лөзсө Лөзөн,

Да нимтім мусө сэки Муён,  
Да өта-мөдөс нимтім Мортөн,  
А баддя тшемсө шуим Тшемөн.

Ми сэки ставсө нимнас шуим.  
Но тайө вөлі важөн коркө.  
Ме өні дзор, и тэ нин нэма.

*05.04.1993.*

\* \* \*

Ю визув кузя зарни чаг  
Зэв ньөжйө бергалігмоз кывтө.  
А чагтор вылас йөрмөм гаг  
Оз инась, жөдзө зарни вывті.  
Яр Саридз дорө воас чаг  
Да эзысьмас, кор воймас дзикөдз.  
И бонзьөм пыжас коньөр гаг  
Сэк кулө, өткөн воас пикө.  
И менам зарни потан-вор  
Тадз коркө пөрис эзысь пыжө.  
А бөрьяпомыс сісьмөм горт  
Дзик тадз жө сунас Саридз гыжйө.

*06.04.1993.*

\* \* \*

Кор босьта киө тэнсьыд китө,  
Сэк сарөг чуньяс улын кыла,  
Кыдз вөсни сөныд ворсө-сьылө  
Да пестө морөс шөрын битө.

Кор босьта киö тэнсьыд китö,  
Пось вирöй ылькнитлывлö юрö,  
Ён тагъя сурөн ворсö-дурö  
Да чегём сюрös-лыяс йитö.

Кор босьта киö тэнсьыд китö....

*07.04.1993.*

\* \* \*

Ми коркö тэкöд көка войяс коллявлім,  
Кузь войбыдъясөн шондi петöм виччысьлім  
Да кывзім сиктса понъясыслысь омлялём,  
Но ме эг куж ни воссьыны, ни висътасьны.  
И гашкö, сы понда дзик бöрас тэкöд торъялім.  
(Мый морла визув нывлы кыла немöйис?)  
Дерт, öнi велалi нин варовитны-горавны,  
Но чагйөн чуктöм сьөлём век на емалö.

*07.04.1993.*

\* \* \*

Ми орччөн еджыд лыа вылын куйлім.  
Яр шондi пöжис, брунöбтлісны лöдзьяс.  
Ми наысь ваö шыбитчывлім-уйлім.  
Ёсь синма пöчö берег дорын жöдзис.

И гашкö, сійö туналіс ли керис,  
Но кыськö кунөр петіс енэж шөрö.  
И пемдіс другөн мөдлапövса керös.  
Да киссис енэж посни ем кодъ шерөн.

Эз веськав матын весиг омöль кобув,  
Ми тэкöд зэвтім юр весьтаным чышьян.  
Тэн морös вылад пуксис зарни бобув,  
Тэ печиктыштін сійös вывсьыд гыжнад.

Шер вешйис бокö сідз жö, кыз и локтіс,  
И шондi важ моз нюмдіс кымөр сайысь.  
Тэ зарни бобув вылö пуктін ыргөн коктö,  
А морös вылад нопъя черань кайис.

*11.04.1993.*

И öнi аддзывла на вöтнам,  
 Кыдз кöмтöм кокнад буссö куртиг  
 Тэ мир туй кузя мунан öтнад,  
 А менам велосипед дзуртö

Да ратшкö-лябсьö ревматизмön.  
 Ме тэнö панъя, водзад пета  
 Да бөръя гöгыль вылын изма,  
 И öддзывла, и бөрвыв сетла,

И рама костö коскöдз пыра,  
 И öныр вылас сувтла кокön....  
 Но тэ пыр мунан босьтöм нырön,  
 Он видзöд мелань, дзорган бокö.

Мен сэки вöли öкмыс арös,  
 И эг на тöд, мый туйвыв бусöд  
 Лöз синма, öмидз рöма паръя,  
 Чöрс кока мунö менам муслун.

*12.04.1993.*

## ТУЙВЫВ АДДЗЫСЬЛÖМ

Вöли ставыс зэв нин прöстö:  
 Туйö петi гожся лунö,  
 Буссö лэптиг шалсьи-мунi,  
 Жежи тöдтöм йöзö гöсьти.

Ыргöналис гожся луныс —  
 Менам туйын «госöй сылис».  
 Еджыд сарапана нывлысь  
 Кори кöдзыд ватор юны.

Видзчысьöмön кöшын мыччис  
 Пиньö мунысь струба васö,  
 Гöрдöдышти: «Талун асыв  
 Вöтön уси сера кычи.

Мися, туйвыв морт, дерт, воас...»  
 Шпыньмунышти: «Ме мöй сера?»  
 «Зонмö, та вылын эн серав...»  
 «Гашкö, мöд на кодкö воас».

«Аттьö», — шуи, бусас суні.  
Нылыс дыр на бöрсянь дзоргис.  
Морöс пытшкын мыйкö вөрзис,  
Но эг сувтлы, водзö муні.

*23.04.1993.*

## **ДЗУГСЬÖМ КАД**

Лöз лымйыс пöтшва улын дзуртö.  
Муэжыс йир моз рөмпöштанмöма:  
Со Лямба туй, со Корöсь чукөр...  
Сюрс синмөн Енма-Мусö панöма.

И тöдса миянлы, и тöдтөм  
Му вылас паськыд Енэж гумсьöма:  
Друг быттьö кодзув лыдтөм-тшöттөм  
Енвевтсянь муас шерөн усьöма.

Ми сунсим нэмөвöйся вöтас:  
Ни öти морт на абу мөвкъялысь,  
И сөмын кымөр кывтö съодас  
Му пуксян кадся Енлөн мөвпъясысь.

*26.05.1993.*

## **КОЗИН**

Менам шогыс нин вöлі чөлöма,  
Торйөн овнысö позьö вөлөм да.  
Не кö козиныд, гашкö, вунöді,  
Сөмын бара на синмөс курөдін.

Бара казьтывлөм кыптис-чепөсйис  
Морöс пытшкөсса пыді дзевассыс.  
Дойöс козиныд выльысь вөрзьөдіс,  
Горшöс козиныд көртөн гөррдзаліс.

*27.09.1993.*

## КЫМӨРА АСЫВ

Асья ру пиысь быйкнитіс-петіс,  
Зарни чимиён чеччыштіс Шонді,  
Чим гөрд бордъяссө төвруыс летіс...  
Кымөр сы вылө азьласөн пондіс.

Сөмын азьласпу вөлі-ө дженъыд,  
Либө визулыс пыж нырсө вештіс:  
Кымөр Шондіос пыжас эз шенышт,  
Пуксис пыж нырас, чигарка пештіс.

Ми со тшөтш... Ыджыдтор вылө ыштлам,  
Сывъяс паськөдлам тшапкыны-кутны.  
Сөмын шудыд тай чунь костті пышйө,  
И он вермы ни косны, ни сувтны,

Олөм мунө, ми кылалам водзө,  
Сөмын казьтылан уджыс и кольө.  
Көть и вичмывлө шудыс оз шоча,  
Мынөм чериджык йылысь тай долям.

Кыз нө сытөг, өд воштөм пыр ыджыд:  
Пышйөм көчписө миянлөн вежөр  
Быдтө-сөвмөдө вердаса ыжөдз,  
Кыйөм дозмөрсө пыстаөн вежө.

Сідз ми пыж нырө сэссия и колям,  
Чөла пуксям да чигарка пештам.  
Мортлөн ас дорсьыс ыджыдджык колөм,  
Да өд этшасьыс донөн жө вештам.

*29.09.1993.*

## СЮ

Яр шонді улын өтка шептөн  
Сю быдмө, дзоридзалө, кисьмө.  
И небыд төвру мойдъяс шөпкө,  
И шоныд зэрыс йөлөн киссьө.

Зэв нэриник, но быдмас вылө  
Да өзьяс зарни шонді рөмөн,  
И пөльтчас коркө арьявылыс  
Сөдз зэрьясылөн еджыд йөлөн,

А сэсса чарла улын усяс.  
Сьод муо коляс шырём иддзыс,  
А кодкө изас гырысь тусьяс  
Да, гашкө, кыйдыс вылө видзас.

Ми сідз жө муысь вежөн петам  
И сөвмам-быдмам ыджыд этшөн,  
Бур нянь да кыйдыс йөзлы сетам,  
Но кадсө лэдзөма тай этша.

Сёр тулыссянь да зарни арөдз  
Ми сөмын олам иддза подланы,  
Да шер ли висьом кө оз сярөд,  
Ёсь пиня чарла улын водам.

*24.12.1993.*

\* \* \*

Ми сөмын олөм вывса гыяс,  
Ми төв да визулыслөн ворсан.  
Ог төдөй, кодлы сюрал тывъяс,  
Да весьшөрө дзик сьодас горзам,  
Да сьылам лөг да муслун йылысь,  
И чайтам, мый ми медся ёнёсь.  
Но коді гылысь сьылөм кылас?  
Со төвру пөльыштас, и — помась.

*14.02.1994.*

## СЬӨЛӨМЛЫ

Оз өд медводдзаысь борд вечикөс чегны,  
Ог өд медводдзаысь кымынь муо усь.  
Мелі турун, көть и порсьлы лекийөдз,  
Небзьөдыштас усьөм. Олөм кузь:

Удитласны бурдны чегөм лыяс,  
Бара вывланы лэптас ёнтысь борд.  
Вермас лоны, бара кодкө лыяс,  
Гашкө, гөтыр либө вөвлөм ёрт...

Но он песовт другысь коми морттө.  
Усьөм-чеччөм вежласьёны мед.  
Сөмын, мыйла, сьөлөм, чеччан ортсө?  
Личсө тэныд, другө, ог на сет.

*16.02.1994.*

## ЙӖЗЛАНЬ

Сюмыс чорзьӧма да, мегыр дзуртӧ-ойзӧ.  
Гыӧрзьӧма, лым сюръя кодъ вӧв.  
Кӧнӧ лоӧ коллявны сьӧд войсӧ?  
Кор нин бара помасьлас кузь тӧв?

Чӧв олӧны зумыш пемыд пуяс.  
Козъя тӧлляс сьӧлӧм вылын пеж.  
Юждӧм туйыс водзӧ шаргӧ-нуӧ.  
Туй бокъясын тола — он нин кеж.

Век жӧ регыд пета гулыд ягӧ,  
Сэссия водзын югдас кыддза рас.  
Сӧдзкӧ, талун туйын ог на пагав.  
Сэни йӧз, ме налы мортыс ас.

*17.02.1994.*

## ГЫДСАН

Паськыд гыдсан, лэбан кытчаны?  
Кӧнӧ тэнад туйпом этш?  
Кодӧс чуксалан тэ, кытсан?  
Мыйла дзуртан шы он веж?

Вай жӧ орӧд сира гезтӧ.  
Лэбам водзӧ вӧтын моз.  
Лэбам керка юръяс весьтти,  
Мед оз ковмы туй ни пос.

Медым йӧзыс кыдз кӧть лӧвтас,  
Сӧмын муса нылӧс тшӧтш  
Босьтам сьӧрысь. Кыдз и вӧтын.  
Улӧ коляс Эжва кӧдж,

Зарни видзьяс, гӧра муяс,  
Вӧръяс, расъяс, паськыд оль...  
Кылан, гыдсан, водзӧ уям,  
Дзуртан сьылантӧ эн доль.

*17.02.1994.*

## БУРАСЬОМ

«Сэссия некор тэкөд ме ог бурасы!» —  
Зырымбедьлы дзоля нывка горзис.  
Карскис акань кокөн сылы юрас.  
Эз тай кужны найо орччөн ворсны.

Зонка водзджык вунөдіс став лёксө,  
Синмалыштис гөгөр дзоля нылөс,  
Лэптис лыа пиысь акань коксө,  
Петшөр пио шыбитис зэв ылө.

Нюмъялөмөн локтис нывка дорө,  
Восьтис кабырсө. Сэн, сорласьома ёгнас,  
Кляничатор лөзөн синтө ёрө.  
«Босьт, колө кө, гашкө, ворсны шогмас».

*18.02.1993.*

## ВУЖЪЯС

### 1. Батьёс вөталөм

Мир туй вылын лои кызкө:  
Паськыд воысалөм гача,  
Көмтөм коксө бөрсянь кыскиг,  
Буссө куртис паныд батьө.

Сувтис воча, нырув чышкис.  
Вөлі сылы вит ли квайт на.  
Төлыс нөкъяур вывсьыс мыськис  
Еджыд шабді рөма пратьяс.

«Тэ нө коді лоин, дядьө?  
Вай көть меным кача сөчөн...»  
«Ме жө тэнад пиыд, батьө!» —  
Горөдчи да көдзыд пөсьын

Садьми. Лөзалыштө ывла.  
Орччөн узьө муса гөтыр.  
Нылөй нистышталө, кылө.  
Чөв-лөнь, шы ни төв на гөгөр.

Ставыс бур, но сэтшөм курыд  
Менсьым сьөлөмөс друг көрис:  
Эг кө садьмы, гашкө, гурйи  
Батьлы зепьясысь нянь көрыш.

27.04.1994.

## 2. Кенжан

Епим Ёгор, пөрысь пөльöй,  
Нэмсö ветліс Кенжан пөлөн,  
Төвбыдьясөн оліс өткөн,  
Доддйөн вайліс чери-пөтка.

Ме со сылысь чөс туй вежи,  
Сылөн ордым вылысь кежи,  
Мөдджык чери-пөтка незэв,  
Кыя мөдджык чөскөн-езөн.

Но кор вола Кенжан вылө,  
Пөрысь пөльлысь ловшы кыла,  
Корся сылысь бипур места,  
Ассьым биөс сэтчө песта.

28.04.1994.

## 3. Рөдвуж

Кыдзкө сідз нин öні олам:  
Воклы бур кыв шуны полам,  
Öта-мөдным дінö волам,  
Сөмын сэк, кор мыйкө колө.

Олөмыд тай — юм и кунсов,  
Рөдтө-вужтө нюв көть уньсав,  
Сөмын Ен син абу куньса,  
Чукөртлывлө, мед эг вунсьöй.

Көлысь, праздник, юбилейяс...  
Ваньяс, Васьяс, Виталейяс...  
Сьыв да йөкты, либө певьясь —  
Ставыс збойөсь, ставыс змейяс.

Праздник йитö няньöн-солөн,  
Но öд праздникон и кольö.  
Быдөн ассъыс мыйкö дольö,  
Кытчöдз олём оз во ольö.

Чинö морт лов вылö котыр.  
Йитö ставсö сэки кодыр,  
Кор он тöд, мый вöчны, кодыр  
Морт оз сыв, оз ворс, оз котöрт.

Кулём мортлөн горт-гу дорын  
Сöмын сёлём бöрдö нора,  
Аслас жугыль, гуся горөн  
Ставöс öтувтчыны корö.

Сöмын сэк тай казтыштлам ми,  
Мый ми сöмын гösътьяс тані.

*29.04.1994.*

## СЁРМИ

Бара сёрми аслам поезд вылö.  
Зептын ковтöг шаркөдчö билет.  
Ылын-ылын тутöстлö на, кылö,  
Тэрыб поезд.

Рытиввылын блед

Тшыныс разалö да пөрö кокни руö.  
«Сёрмин, сёрмин», — эльтчö вильыш рельс,  
Лачаясöс ылі муö нуö,  
Олём сюрös нуö.

Оз нин рез

Рытъя шонді сёлём шонтысь бисö,  
Оз нин вөрпу сайысь киньтор пет.  
Лысьöм висьöм дорысь сьökыд висьöм —  
Мусладорын шаркөдчысь билет.

*21.11.1994.*

Ывла руа асывводзса кӧдзыдысь.  
Шонді гӧрдӧн уйӧ кызьяс весьт.  
Ылі муын ӧні, гашкӧ, кӧдзӧны?  
Гашкӧ, еджыд шонді пӧжӧ сэсь

Еджыд изьяс, еджыд лыа, турунсӧ?  
Гашкӧ, йӧзсӧ ониш босьтӧ сэн?  
Тані турӧб туйяс вылын курасьӧ.  
Тані вой тӧв ӧтнас йӧктӧ «Шен».

Руныгӧ тшынтор ӧтка-ӧтка пачьясысь.  
Кылӧ гортса пӧжасьяслӧн дук...  
Гашкӧ, тадз жӧ кӧвдумьясӧн мачасьӧ  
Мамӧ гортын? Кыа-чойкӧд тшук

Чеччӧма да ыджыд пачсӧ ломтӧма.  
Рачьяс сьӧкта улын дзуртӧ зыр:  
Мамӧ суйӧ ваймӧм пачӧ шондіяс.  
Оз кӧ шонді югӧр гортӧ пыр,

Быдӧнлы мед вичмас кипом шондіяс,  
Быдӧнлы мед вичмас сьӧлӧм пӧсь.  
Кӧвдумыс ӧд кӧвдалӧма шобдіысь,  
Зарни шобді — зарни шонді рӧч.

17.12.1994.

## ТУЙВЫВ МОРТЛЫ

Гыӧрзьяма ӧтка ӧшинь.  
Гыӧр костӧд дзӧргӧ пемыд.  
Кодзуласьӧ ыргӧн ӧшан:  
Тӧлысь-пӧртыын пуӧ Енмыс  
Асыв кежлӧ аслыс нуртор.  
Тӧлын кӧдзыд тшӧтш и сылы.  
Мыйкӧ вомгорулас мургӧ,  
Пемӧсьяслы «ӧввӧ» сьылӧ,  
Али туйӧ петӧм мортлысь  
Нерӧ жугыль нуранкывсӧ.  
Туйвыв мортлӧн ылын гортыс.  
Унзиль вӧр-ва Енмӧс кывзӧ.  
Дадь сив улын чарӧм дзуртӧ.

Ойбыртöма вөр и пемös.  
Бушков лымсö лёддзö куртö.  
Гудыртчöма вöt и вемös.

*27.12.1994.*

\* \* \*

Эн мейн öзйöм бисö пöляв,  
Эн тальöм ордым лымйөн тырт.  
Ме тэныд серпасала тöлын  
Веж видз выв, дзоридзьясөн тыр.  
Зэв уна гажа, мича рёмөн  
Ме тэныд серпасала мойд,  
Ме тэныд серпасала... Сöмын  
Эн козин косödөмөн дойд.

*26.12.1994.*

### **БУР АСЫВ**

Öмидз васö  
кисьтис асыв  
пельпом вылад.  
Вөрзьяштисны синлапьясыд  
муртса, кылö.  
Косьмөм горшöй гөрөдасьö,  
сувтны пола.  
Ог лысьт вөрзьядчыны:  
Тадзсö  
ötчыд овлö.  
Чужөм вывти-д вуджөр мунö:  
мыйкö лёкös  
вötнад аддзин.  
Мисьтөм унтö  
пöльти бокö.  
Шонди югөр бокыв чилис,  
вөрзис нырборд.  
Унзиль пötка моза синлыс  
муртса сырмö.  
Нюмсермунис öмидз вом дор,  
эштис сьылан.  
Öмидз ваыс киссис бокö,  
юрлös вылад.

*05.01.1995.*

## КУСӨМ МУСЛУН

Ми тэкөд паныдасим виччысьтөг:  
Сідз прөстө синмасим да матыстчим.  
Дзик быттьө вөр ді сайысь мыччысьліс  
Гөрд шонді, да зэв өдйө катовтчис

Рытгорув миян кустөм муслунным  
Да кусіс, кодзув кыдзи куслывлө.

И бара рөмыд лои лов вылын.  
И бара енэж сьөдөн лөзалө.  
Көть тадзи корсюрө и вөвлывліс,  
Но морөс пытшкөй век жө көдзаліс.

Рытгорув лэччис кустөм муслунным  
Да усис, кодзув кыдзи усьлывлө.

И бара өткөн колим му вылө,  
И бара дзоргам отар-мөдарө.  
Би кывъяс ляпкалісны увланыө,  
И коли ветлөдлыны мытарөн.

Рытгорув лэччис кустөм муслунным  
Да вошис, кодзув кыдзи вошлывлө.

Веж рытъя кыа весьтысь аддза ме,  
Том рытъя кыа кодзув пөртмалө,  
И бара сьөлөм сылань качөдчө,  
Но сьөлөм вужйөй пыді көртыма...

Рытгорув кыскө кустөм муслунөс,  
И сьөлөм кодзув моз жө усьлывлө  
Гөрд рытъя кыаыслөн гы пиө...

*09.01.1995.*

## ЮКМӨС

(Йӱзкост)

Паныдасьлім тэкӱд, муса,  
коркӱ юкмӱс дорын рытын.  
Самӱй шондӱ вӱлі кусӱ,  
рытъя ыркыдыс нин усьӱ.  
Став му пасьята вӱлім кыкӱн.

Лэччим паськыд Эжва дорӱ,  
ӱзын вылӱ бипур пестӱм.  
Окыштчӱмным вӱлі чорыд,  
эз тай мӱдысь ковмы корны.  
Сотӱм батылысь кыбан пессӱ.

Асья югыдӱдзыс юыс  
мыйкӱ мойдӱс. Гажа кыа  
синъяс ӱрис. Вылыс-улыс  
вазис асья улис руысь.  
Кӱмысь пыркнитыштӱм лыа.

Кольӱдчигӱн, кисьмӱм озйӱй,  
сиктыс асья унмӱн узис.  
Мунӱм гусьӱн, эг тай горзӱй.  
Юкмӱсдорса ведра гозйӱд  
тэныд тӱд вылад друг уси.

Петӱс мамыд кильчӱ вылӱ.  
Ведраяснад лоин воча.  
Сйӱ тэныд мойдӱс кылӱ:  
«Абу яндзим тэныд, нылӱ?  
Ме нин пӱжаси и сӱдча».

ӱна скӱрмывлӱс сӱк мамыд:  
карнаныс тшӱтш менсьым мышкӱс  
шылькнитыштіс нигӱн паныд.  
Муртса сикт пасьята эз янӱд:  
сэтшӱм горӱн, люба-й, дӱтшкис.

Важӱн коли сйӱ ставыс.  
Серамсорӱн ӱнӱ сӱмын  
Казьтывла ме кадсӱ тайӱс.  
Век жӱ коркӱ вӱт ли явӱ  
йӱжгыльтчывлӱ мыйкӱ сьӱлӱм.

11.01.1995.

## ВЕЛӨДӨМ

«Эн шөрас кутчысь, чеган керсө!  
Да-а, кийд тэнад керсьыс ён!» —  
тадз шульвлісны коркө нерсиг  
мен ёртъяс, кор ме, збодер зон,  
бөр локті гортө кердін йирны.

Бригада. Өти мөвп сэк воліс:  
«Оз артмы накөд уджыс. Сирөн  
дзик, чайта, тырөмаоьсь ловьяс.  
Куш гальскөм налөн, теш да серам».  
Но скөрөс пөдтывлі, да сөмын  
крук сибдымөныс сатшліс керйө,  
да увйө бруткывлі кок зьөмөн.

Тадз колис вежон. Гортө волі  
да усьлі сөйтөг вольпась вылө.  
Эз бара клубө ветлөм лолы.  
Да кутшөм сэні йөктөм-сьылөм,  
кор сямьд уджавнытө абу,  
да ставсө босьтан гөгйөн, вынөн,  
кор озджык артмы йөзкөд радын  
ва визув паныд пыжын сынны.

Но сэсся төлысь, мөд и коймөд...  
И артмыны өд мыйкө пондіс.  
Сэк казялі, мый оз нин вомав  
да некод воддза моз оз шмонит.  
А серамтөгыд кызд и олан?  
Өд серам ас местаас колө,  
кор дзик нин коркө пикө волан,  
да синмыд вөчанторсьыс полө.

А өні бөрө коли ставыс,  
бригадаысь ме важөн муні.  
Дай олөм йөзсө сэтысь разйис:  
код өні бокин, код и муын...  
Но аслым шула мукөд пөръя,  
кор уджөй лёка вөчсьө-керсьө:  
«Эн смекайт, зонмө, асьтө. Шөрас  
эн кутчысь, орөдан өд керсө!»

13.01.1995.

## АСЫВВОДЗ

Ася сынодысь керкаын сьокыд.  
Плавга пасьшойос, ывлао пета.  
Кыа — зарнион садитом шокон.  
Отка кыморттор товруыс лето.

Чипос-тэчассо саймовтліс руон:  
Эзысь чаг вежліс куимысь рөмсö.  
Ывла, вөлөмкө, оломон пуо,  
Пытшкөс югорон гусьоник рөмзьö.

Мыйла водзын ме тайос эг казав?  
Кыла öнi быд турунлысь ловшы.  
Кыла — дзоридзыс корьяссö разьö,  
Аддза — кор вывсьыс лысва войт вошö.

Льом пу лөзалö енэжлөн отын.  
Пышкай вөрзьөдіс лөзалысь вожсö.  
Он тай воддза моз юртöгыд которт  
Сійос повзьөдны... Тривксьөдіс-вошис...

Ведро гольмуніс. Никсыштіс понпи,  
Петіс пос улысь нюлыштны киос.  
Майбыр, оломой! Чайтлі, тэ помтом,  
А тэ чой горув зэлөдін сійос.

*26.01.1995.*

## ПӨРӨС ВИСЬӨМ

Шондібаной, майбыр пывсян  
йтас разьсьөм-киссьөм лысьөм,  
лов вылын кө шогыс кысьөм,  
вөтлас рунас сьокыд висьөм.

Эбос бырөм, гөлос чирөм,  
төвся йирмөг, ки-кок тірөм,  
гожся өвад-номлысь йирөм  
босьтас пывсян, вөтлас йирө.

Сөмын öти шог оз личөд,  
кодос сьөлөм пыдын видзö.  
Оз шед весиг корось иддзөн  
муслун висьөм, оз сет личөд.

*10.03.1995.*

## ТУЙ ЧЫШКЫСЬ

Со локтö нывка зарни тыра кудйөн,  
А веськыд кияс сылөн кыз пу рос,  
Лöz кызьяс улысь зарни чышкö пудйөн  
Да öксы ныв моз нуö вöсни кос.  
И тшапа шывгö нывлөн джуджыд морös,  
Öд тайö здукö сийö озыр морт.  
А кызьяс чөлösь, лэбач эз на горöст  
Да озырлуннас юксыштны эз кор.  
«Эн вөрöd, нылö, кызьяс улысь зарни,  
Тэ аслад мичөн озыр на и сідз».  
Но сийö верзьöмаліс россö, быттьö чаньös,  
Да мöдіс вывсянь кöдзны зарни мич.  
И гылалісны вывсянь биа корьяс.  
И öзйис туна биён орчча эрд.  
Ме горша öкті аслым зарни корösь.  
И сераліс ме вылын зарни шер.

28.09.1995.

\* \* \*

Кор трöpökмасны лыяс, орас кутысь идз,  
да зарни корья кыздзён киссяс олём,  
сэк йöз моз лолös кудйын дыр ог видз,  
öd морös пытшкын таысь абу полём.  
Кöть вежортны ог вермы ассыым нэм,  
но век жö, чайта, көнкö мöдлапöлын  
и паськыд яг, и гулыд парма эм,  
көн дыр на юргас горödчöмысь йöла.

10.10.1995.

## КЫВ

Лытём кывйыд чегё лыяс,  
лытём кывйыд дзугйё кыяс,  
лытём кывйыд лыйтөг виас,  
сюяс-кундас трунда пиас.  
Гашкё, шелькъявны пеж кывсё?  
Вужвыйёныс сотны йывсё?  
Но од сійё лытём кыв жё  
вежөр югдөдысьён кывсьё,  
лытём кыв жё лытё йитё,  
ыджыд изъяс вештё шытөг,  
кутё ышмём ватё-битё.  
Некытчө жё мортыд сытөг.

*12.08.1996.*

## КУЛЬӨМ УР

Кальөг вома вөралысьлы  
Вёрса вөлөм «козин» ыстө:  
Петас кульөм ур пө кыськө,  
Вөралысьтө сідз и «лысьтө».  
Лыйлан, другө, дрөб и порок.  
Урыд нөшта лыйны корө,  
Козпу йылын дзик рытсёрөдз  
Ворсө, оз тай чергөд морөн.  
Кушмас лазйысь припас сепыс,  
Бырө бөръя дрөб тусь сэтысь,  
Урыд вөлись пөрас тшынө,  
Мортыд казялас, мый жынө.  
Миян кадө онджык кывлы  
Вёрса кульөм уръяс йылысь.  
Выль ног өні олам-вылам,  
Выль нога нин мойдам-ссылам.  
Но пыр тшөкыдджыка овлө,  
Йөзсянь виччысьнысө колө:  
Гудраласны вөт и вемөс,  
Дзугъяласны варов лемнас.

*18.09.1996.*

Коть мукөд моз ме оломө эг конъясь,  
но бара лоө куритны со помъясь,  
да гежөдика няньой весиг бырлө,  
а век жө менам нэм ыло да тырмө.

Мед кодкө сэни юө «Абсолютъясь»  
да кокалө, мый йөзлөн зептысь гудъясь,  
а ме нин кызкө ола сьолөм серти  
да ыджыд озырлунлань ог и бертсы.

Ме сьтөг озыр мукөд озыр мортысь:  
эм менам кодзув-син да ошкамөшка-бордъясь,  
эм Эжва, ёльясь, видзясь, парма-вөрысь...  
Дзик нинөм морт оз кыскы гортъясь сьөрысь,

а кулом бөрас кольө вөчөмторйыс:  
ас быдтөм пу, ас юкмөс, пывсян горйысь...  
өд сөмын вежөр-мөвпөн йитчө Мукөд  
лөз джуджыд Енэж, Помтөм Мөдарьюгыд.

Оз Енмыд вузав сэтысь шоныдінсө,  
Он вермы ноп тыр сьомөн вежны синсө.  
А ме, коть мыжа, ачым төда мыйысь,  
Но век жө, чайта, воам өти кывйөдз.

30.03.1997.

## СЕРПАСЪЯС. ЧЕРИ КЫЙИГӨН

\* \* \*

Раммыштөма зэра ывла.  
Пуксис мазі турун ыло.  
Кобыштис. И ыло-ыло  
Гора йөла бара кыло.

\* \* \*

Ном бордйын ворсө асья кыа.  
Кок улын көдзалөма лыа.  
Водз олысь сирпи петис вискысь.  
Мыш сайын — унзиль бипур чискысь.

\* \* \*

Важ радиоын Савин юргө.  
И кынөм сямалөма, гургө.  
Вөр керка көдзалөма. Кылө:  
Ном өшинь вылын тиньгө-ссылө.

*02.09.1994.*

\* \* \*

Зырөны пемөсьяс.  
Пемдөма вемөсыс.  
Мортъясыс эмөсь, но  
Омольыс лемасьö.

*19.12.1998.*

## ПОНÖЛЬ

Ружтö тукта улын понöль сурса.  
Зэвтчөм вуж кодь понöль сөнөд мыш.  
Но оз лымйыс понöль сурса урсав,  
Оз кө мортос моза личкы мыж.

*03.07.2000.*

## МУСА НЫВЛЫ

\* \* \*

Пыр кывзі кок шы,  
Но дырджык жө эн лок да,  
Мөд ваө сунси.

\* \* \*

Веж бадь пу ваын  
Сялькөдчыштö. Бузьялö  
Дзор юра коз пу.

\* \* \*

Сөдз ватö юи  
өтчид сөстөм юкмөссьид,  
да нуйтыс вөрзис.

\* \* \*

Веж асья кыа  
Войбыд тэкөд виччысим.  
Сьөд кымөр кыптис.

*13.01.2003.*

Олөм-вылөм!  
 Став кёсийөм и колөмөн  
 оз тай нырвизыыс мун, оз тай тшөктыссы.  
 Коркө косьобтас ныр-вомад олөмыд,  
 коркө кокньөдлас —  
 сывьсьө и йөктыссьө.  
 Талун сьөкыд, и пемыд, и кынтөдө,  
 быттө кок увсьыд вошөма ордымыс,  
 аски видзөдлан:  
 шондйыс ыпьялө,  
 тэнө пыкөны пөляслөн ортыясыс,  
 ловтө лэптөны козыналөм бордьясөн.  
 Лэбан-чилгысян олөмыс веркөсөдз.  
 Шоныд сьөлөмлы, ывлакөд ёртасян...  
 Тадз и Омоль да Ен костас шердйыссьө...  
 22.05.2003.

## ЛОВ

Ловтө сетөны, лэдзөны, нуөны...  
 Ловтө топөдлө, ёнтө и личөдлө...  
 «Ловсө легөдө», — дыш йылысь шуөны,  
 сэтшөм стөча да мичаа, видзөдтө.  
 Ловъя ва, ловъя би, ловъя ловъяс эм.  
 Ставыс ловъя, мый сынөдөн лолалө.  
 Сөмын, вуджан тай ыджыдкодь нэм,  
 да и вирдыштас: «Ыджыд-ө лола ме!?»  
 22.05.2003.

## ВӖЛЬДІНЛЫ

Койтысь тар моз шевкнитчӖмыд борднад,  
курган-сьылан лыдтӖм ключӖн-шорнад,  
быттьӖ пыр на аддзан важсӖ вӖтӖн,  
ассьыд чужан кадтӖ, муса ВӖльдін.

Нэмъяс сайын мича, ина-арта  
кыпӖдлісны вокъяс керка-карта,  
Чоййыв гӖгӖр паськӖдлісны эрдъяс:  
Мед пӖ муыс, вӖрыс, ваыс вердас.

Эз Ӗд сӗсса Ӗтик лунӖн-войӖн  
шевкнитчыны видзьяс тшӖкыд олын...  
ГашкӖ, сійӖ кадсӖ аддзан вӖтӖн,  
дзолядыртӖ ассьыд, муса ВӖльдін?

Важся РимӖн пуксин мылькъяс вылӖ.  
Мый, кӖть дзоля сыысь, ылӖдз кывлін  
уджач йӖзӖн, сылан-ворсан горӖн...  
Збыль ӖмӖй нӖ вужйыд Ӗні орӖ?

ЭмӖсь на Ӗд киподтуя войтыр,  
мед на водзӖ тар моз, эськӖ, койтін,  
медым олін вемӖсӖн, а вӖтӖн  
сӖман кадтӖ уськӖдлін мед, ВӖльдін.

Орчча сиктъяс пӖвстын ыджыд вокӖн  
водзын вӖлін. Эн жӖ энды бокӖ,  
эн жӖ бара юсьы да эн киссьы,  
сӖмы водзӖ, дзоридзав да кисьмы.

Небыд тӖвру гожъя мӖдлапӖвсянь  
медым ловсӖ сетас. Асыв тӖвсянь  
шогсӖ-лӖксӖ нуас войся вӖтӖн.  
ВежӖд, сьыв да йӖкты, муса ВӖльдін.

*27.05.2003.*

## ВӖЛЬДІНСА АСЫВ

Веж асывводз. Куритчан пешта  
Да тшайторйӧн пытшкӧсӧс весала.  
Дзар шондӱйс Лютоев весьтын  
Сюрс синлыска чужӧмсӧ пестӧма.

А батьӧлӧн гӧрбыльтчӧм другыс  
Пыр важмоз на косаӧн ӧласьӧ.  
Яр петукыс чукӧстчӧ другысь  
(Дзик медбӧрря, гашкӧ нин, вӧлӧсьтас).

Тадз дас во и кызь сайын вӧлі,  
Но вежсьӧма, уна нин вежсьӧма:  
Пыр воддза моз шыннялӧ тӧлыс,  
А мир туй со битумӧн эжсьӧма,

И гычьяса Кывтыдоль арай  
Кос, турунтӧм видз шӧрӧ вошӧма...  
Ме ылалі важӧн нин карӧ.  
Эг казаяв, мый важ олӧм потшӧма.

А потшӧс, кӧть коста, да джуджыд:  
И кольӧмыс тыдалӧ ясыда,  
Да сӧмын он косӧд ни уджӧн,  
Ни вежӧрӧн медводдза асывсӧ.

*02.06.2003.*

## Юриндалысь

Лыддысьысьлы кыв-мөд сідз-тадз . . . . .	3
Лыддысьысьлы гижысьянь кыв-мөд зэв збыльысь . . . . .	3

### *Нэмөвөйся вөтъяс*

Енколяс йылысь поэма . . . . .	6
Ёгор Петырлөн кыв . . . . .	12
Письмө . . . . .	16
Сан . . . . .	19
Зятыпу . . . . .	22
Тюлень кучик . . . . .	26

### *Туйвежъяс*

Ковбой . . . . .	30
Пөдруга . . . . .	33
Аддзысьлём . . . . .	37
Кода ырөш . . . . .	39
Гөрд ключ . . . . .	41
Пышъялысь . . . . .	44
Философ . . . . .	49
Уджйөз . . . . .	51

### *Олём-вылём!*

Пон . . . . .	56
Семен . . . . .	57
Ёма . . . . .	58
Бипур . . . . .	58
Ош . . . . .	59
Воййыв . . . . .	59

### *Чунылыс-висьтъяс*

Фактъяс . . . . .	62
Шөйөвошөм . . . . .	62

Кодзувъяс	63
Öткөн	63
Висьём	63
Автобус	64
Пасьяс	64
Тодысь пиян	65
Льом пу вуж	65

### Йöзкост олём

Енколаяс йылысь поэма ( <i>Важ олөмысь</i> )	68
Гыдсан ( <i>Олём-вылём йылысь</i> )	99
Йöла гор ( <i>Му пуксьём йылысь кык юкөна ворсём</i> )	114

### Орт ветлан туйöд

Көмтём нывкалы	134
«Ю визув кузя зарни чаг...»	134
«Кор босьта киö тэнсьыд китö...»	134
«Ми коркө тэкөд көка войяс коллявлім...»	135
«Ми орччөн еджыд лыа вылын куйлім...»	135
«И öні аддзывла на вётнам...»	136
Туйвыв аддзысьлём	136
Дзугсьём кад	137
Козин	137
Кымөра асыв	138
Сю	138
«Ми сөмын олём вывса гыяс...»	139
Сьөлөмлы	139
Йöзлань	140
Гыдсан	140
Бурасьём	141
Вужъяс	141
1. Батьöс вөталём	141
2. Кенжан	142
3. Рөдвуж	142
Сёрми	143
«Вла руа асывводзса көдзыдысь...»	144
Туйвыв мортлы	144
«Эн мейн öзйём бисö пöляв...»	145
Бур асыв	145
Кусём муслун	146
Юкмös	147
Велөдём	148

Асывводз . . . . .	149
Пөрös висьöм . . . . .	149
Туй чышкысь . . . . .	150
«Кор трөпöкмасны лыяс, орас кутысь идз...» . . . . .	150
Кыв . . . . .	151
Кульöм ур . . . . .	151
«Кöть мукöд моз ме олöмö эг конъясь...» . . . . .	152
Серпасъяс. Чери кыйигөн . . . . .	152
Понöль . . . . .	153
Муса нывлы . . . . .	153
«Олöм-вылöм...» . . . . .	154
Лов . . . . .	154
Вöльдинлы . . . . .	155
Вöльдинса асыв . . . . .	156

Эстония Республикасынын

УКУМДУК БИР НАЧАЛЫ

ТРОЛА РОДА

Республикасынын

Эстония

Укумдук А. М. Висланди

Редиктор Э. М. Салмел

Укумдук Бир Началы Э. М. Салмел

Корректор Э. М. Салмел

Композитор Эстония - Э. М. Салмел

Печатно к кылым 15.01.2008. Формат 84x108.  
 Бунда бичилген Таллиннада «Колм Таллинна» Печатно бичилген  
 Эстония Республикасынын Эстония Республикасынын Эстония Республикасынын

Композитор Эстония Республикасынын  
 101982, Эстония Республикасынын Эстония Республикасынын

Эстония Республикасынын Эстония Республикасынын Эстония Республикасынын  
 101982, Эстония Республикасынын Эстония Республикасынын

*Литературно-художественное издание*

УЛЯШЕВ ОЛЕГ ИВАНОВИЧ

**ТРОПА РОДА**

*Рассказы, пьесы, стихи*

*На коми языке*

Художник *Ю. Н. Лисовский*

Редактор *П. И. Симпелев*

Художественный редактор *В. Б. Осипов*

Корректор *В. Н. Зварич*

Компьютерная верстка — *А. В. Кетова*

Подписано к печати 25.05.2006. Формат 84×108<sup>1/32</sup>.  
Бумага офсетная. Гарнитура «Комі TextBook». Печать офсетная.  
Усл. печ. л. 8,40. Уч.-изд. л. 10,0. Тираж 500. Заказ № 8242

Коми книжное издательство.  
167982, Сыктывкар, ул. Карла Маркса, 229

Отпечатано в ОАО «Коми республиканская типография»  
167982, г. Сыктывкар, ул. Первомайская, 70





Коми небӱг лэдзанін  
2006